

NAZ.

die III

XII

BIBLIOTECA NAZ.
Vittorio Emanuele III

XXXVII

C

30

NAPOLI

XXXVII

C


30

XXXVII

C

30

NAPOLI











XXVIII

(
30.

COLLOQVIORVM
SCHOLASTICORVM

LIBRI QVATVOR.

Ad pueros in sermone Latino paula-
tim exercendos.

*Nuper recogniti, & multo quàm antea
& politiores & ornatiores.*

AVCTORE M. CORDÉRIO.



ANTVERPIÆ,
Ex officina Christophori Plantini
Architypographi Regij.
cIo. Io. LXXIX.



TYPOGRAPHVS

LECTORI S. P.

SVNT hæc colloquia eiusmodi, amice lector, quæ (nisi me
sallit animus) bonæ indolis pueros magnopere iuuare possint,
ad eas res conlequendas, quas ego semper in vultu habui, & in
quibus ut pueri exercerentur, omni professionis suæ tempore
potissimum laborarunt multi, hoc est, ad pietatem & bono mo-
res cum litterarum elegantia coniungendos. Equidem fateor an-
te opus esse ad eam rem adiumentis, quàm hæc sint puerilia Collo-
quia: sed tamen si pueri diligenti magistrorum exhortatione assi-
duè incitatur, in his lectitandis sese oblectabunt, futurum confi-
do: ut non solum purius & honestius serationes inter se conferre
assuecant, sed à prauis etiam colloquiis abstinere, quibus (ut ait
Apostolus ex Menandro) mores boni corrumpuntur. Hic enim,
præter linguae Latinae simplicem puritatem, multa interiecta
sunt modo ad pietatem & Dei timorem admonitiones, modò
præcepta salutaria de moribus, passim verò documenta siue exem-
pla ad rectè viuendum accommodata. Ut interim taceam quot
modis una & eadem opera excitari, & acui possit puerorum in-
genium & ad prudentiam, & ad iudicium comparandum: ubi sci-
licet alter alterum hortatur, admonet, arguit, liberèque repre-
hendit. Porro in his ipsius libellis sic inducuntur loquentes pueri;
ut etiam obiter parentes, prædagogi, præceptores quoque minus
diligentes, de suo quique in tractandis puerilibus ingenii officio,
compluribus in locis admoneantur. Reliquum est, ut illa pueri,
in quorum usum conscripta sunt, eo quo edidit animo, am-
plectantur, & legant, illique quamdiu opus erit fruantur. Quod
si quid fructus ex eorum lectione se percepisse intellexerint, ei gra-
tias agant immortales, qui nobis ad ea imprimenda & animum
& facultatem suppeditauit. Vale.

LIBRI I. COLLOQVIVM I.

ARGVMENTVM.

In hoc colloquio quaesita est colloquendi materia ex simulato ludendi praetextu, EXEMPLVM bonae indolis puerorum, ubi alter bene monet, alter paret sine controuersia. Colloquuntur

BERNARDVS & CLAVDIVS.



QALVE Claudi. c. Tu quoque saluus sis Bernardus de. B. Lulumus paulisper. c. Quid ais ineptule? nix scholam ingressus es, & iam de ludoloqueris? B. Ne irascaris, quaeso. c. Non irascor. B. Quid ergo sis exclamasti c. Accuso tuam stultitiam. B. Non licet igitur ludere? c. Immo licet; at cum tempus est. B. Vah, tu nimium sapis. c. Numquam tantum scirem satis! sed mitte me quaeso, vt repetam quae mox reddenda erunt praeceptori. B. AEquum dicis: volo ego quoque tecum repetere, si tibi placet. c. Eho, quid hoc est? quid sibi vult ista tam subita mutatio? nonne tu modo loquebaris de lusu? B. Loquebar quidem, sed non serid. c. Cur simulabas? B. Vt paucis tecum fabularer. c. Quid illud prodest? B. Etiam rogas? nunquam audiisti ex praeceptore? c. Nunc mihi non occurrit; quid, inquam, prodest confabulari? B. Ad nos in Latina lingua exercendos. c. Profecto recte putas, & ego te nunc magis amo. B. Habeo tibi gratiam; age, repetamus pralectionem, nam breui praeceptor aderit.

COLLOQ. II. ARGVM.

Puer ultro salutatem venit praectorem; comiter ab illo accipitur: reddit quae praescripta fuerant: laudatur a magistro. Deum laudat: munusculis blandè instituitur. EXEMPLVM ad paruulos blandè & comiter in schola tractandos, ne seueritate disciplinae absterreantur.

STEPHANIO. PRÆCEPTOR.

SALVE praceptor. P. Saluus sis, mi Stephanio. Vnde venis? s. E cubiculo nostro. P. Quando surrexisti? s. Paulo ante sextam. P. Quid ais? s. Sic est vt dico. P. Tu

nimis es matutinus; quis te expergescit? s. Frater meus. p. An precatus es Deum? s. Cum primum frater me pexvit, precatus sum. p. Quomodo? s. Flexis genibus, & coniunctis manibus dixi preces consuetas cum gratiarum actione. p. Qua lingua? s. Latina. p. O factum bene! quis te misit ad me? s. Nemo. p. Quid ergo? s. Ultrò veni. p. Mi animule, quàm pulchrum est sapere! Nonne est ientandi tempus? s. Nondum esurio. p. Quid vis igitur? s. Volo reddere nomina quotidiana, si tibi placet audire me. p. Quidni placeret? tenes igitur memoria? s. Teneo, gratia Deo. p. Agè, pronuncia. s. Sed mihi soles praire Gallicè, vel Flandricè, & ego Latinè respondeo. p. Bene mones: pene istud oblitus eram. responde igitur. s. Expecto ut proponas.

p. La teste, het hooft. s. Caput.

p. Le sommet de la teste, den top des hoofts. s. Vertex.

p. Le deuant, het voozste deel vanden hoofde. s. Sinciput.

p. Le derriere, het achterste banden hoofde. s. Occiput.

p. Nunc responde Gallice, vel Flandricè.

Caput. s. La teste, het hooft.

p. Vertex. s. Le sommet de la teste, den top des hoofts.

p. Sinciput. s. Le deuant, het voozste deel van den hoofde.

p. Occiput. s. Le derriere, het achterste van den hoofde.

p. Quid si nunc solus dicas omnia? s. Facile dicam.

p. Ego verò te libenter audiam.

s. La teste, caput, het hooft.

Le sommet de la teste, vertex, den top des hoofts.

Le deuant, sinciput, het voozste deel van den hoofde.

Le derriere, occiput, het achterste banden hoofde.

Nonne bene dixi preceptor? p. Quamoptimè. s. Laudetur Dominus Deus. p. O pulchrum verbum! ito nunc petitum ab ancilla tentaculum. s. Malim abs te accipere, preceptor, si tibi non est molestum. p. O quàm te amo de isto verbo! agè, sequere me, dabo tibi aliquid boni: quia tuum rectè fecisti officium. Quid est hoc?

hoc? s. *Panis candidus*, du pain blanc, witte broot. *P. Quid hac sunt?* s. *Ficus arida*, des figues seiches, drooge bijghen. *P. Numeri.* s. *Vna, dua, tres, quatuor, quinque, sex.* *P. O lepidum capitulum!* O le gentil petit compagnon! o schoon manneken! *Ienta nunc otiose.*

COLLOQ. III. ARGVMENTVM.

Pædagogus à puero rationem studij exigit: reddit puer alacriter: admonetur vt à mendacio caueat. Formula ad verborum declinationem pueris breuiter indicandam, postquam exempla generalia didicerint.

PÆDAGOGVS. PVER.

ES-ne paratus ad reddendam studij tui rationem? *P V.* Paratus, vt mihi videor. *P Æ.* Redde igitur, & esto presenti animo. *P V.* Hoc matutino tempore primum pronunciauimus carmen ex Catone: deinde eius interpretationem Latine, Gallicè, & Flandricè reddidimus: postremò bim tractauimus singulas partes orationis, cum attributis & significatione. *P Æ.* Rectène fecisti officium tuum? *P V.* Puto me satisfecisse præceptori magna ex parte. *P Æ.* Vide ne mentiaris. nam ego illum percontabor. *P V.* Vt voles præceptor: nihil hac in re metuo. *P Æ.* Agè, pergamus. Meridie quid habetis reddere? *P V.* Habemus declinare verbum Possum, Latine, Gallicè & Flandricè. *P Æ.* Nihil prater ea? *P V.* Nihil. *P Æ.* Ego te istud aliàs docui: tenes-ne memoria? *P V.* Non ausim affirmare, donec tentauero. *P Æ.* Declina in primas personas: cetera tibi erunt facillima.

P V. Indicatiuus, Possum, ie puys, ick can. poteram, ie pouoye: ick conste. potui, i'ay peu: ick hebbe gheconst. potueram, i'auoye peu, ick hadde gheconst. potero, ie pourray, ick sal connen.

Imperatiuus deest.

Optatiuus, Vtinam possim, Dieu vueille que ie puisse: och oft ick soude connen. vtinam possem, pleust à Dieu que ie peusse: god gheue dat ick mocht. vtinam potuerim, Dieu

vueille que i'aye peu, god wille dat ick hebbe ghemocht. *utinam potuissem*, pleust à Dieu que i'eusse peu, och est ick hadde ghemocht. *Subiunctiuus*, *ut possim*, que ie puisse, dat ick mach. *ut possim*, que ie puisse, dat ick conste. *quoniam potuerim*, combien que i'aye peu, hoewel ick hebbe ghemocht. *quoniam potuissem*, combien que i'eusse peu, hoewel ick hadde ghemocht. *cum potuero*, quand i'auray peu, als ick sal hebben gemocht. P. A. Declina totum infinitiuum.

P. V. Infinitiuu modi præsens & præteritum imperfectum, posse, pouuoir; mogen. Præteritum perfectum, & plusquam perfectum, potuisse, auoir peu. het ben gemocht. Cetera uesant.

P. A. Cur hoc verbum, *possum*, caret futuro indefinito, cur item participio in rus? P. V. Qui non habet supinum. P. A. Quid tum?

P. V. Illæ enim voces à supino formari solent.

P. A. Da exemplum in aliquo verbo integro. P. V. Ut à supino lectum, sit lecturus, & à lecturus sit lecturum esse. P. A. Rectè sanè. Sed cur prætermisisti participium præsens à verbo *possum*, cum sit in usu, potens potens? P. V. Quia (ut sepe nos docuisti) potens non est participiū, licet à *possum* veniat. P. A. Quid ergo est? P. V. Nomen adiectiuum. P. A. Probè meministi: *utinam* sic pergas semper. P. V. Spero in dies meliora, per Dei gratiam. P. A.

Ego quoque idem tecum spero. Nunc restat ut dicas præteritum cum prole. P. V. Potui, potueram, potuerim, potuero, potuissem, potuisse. P. A. Dic terminationes. P. V. I, ram, rim, pro, ssem, sse. P. A. Dic significationem. P. V. *Possim*, ie puis, ick mach, posse, pouuoir, mogen. P. A. Hactenus, ecce vocamur ad prandiu.

COLLOQ. II. ARGUMENT.

Amici libera reprehensio, si bene accipiat, haud mediocriter prodest.

CHOLETVS. COLOGNERIVS.

VNDE nunc redis? Co. Foris. Ch. Cur prodieras? Co. Vireni domum. Ch. Quid ed? Co. Petitiu libros meos. Ch. Ebo,

Eho, cur non attuleris? Co. Oblitus eram. Chol. Sic cine soles ientulum aut merendum odlinisci? Col. Rarissimè. Chol. Profectò magna sunt negligentia. Col. Inimò maxima: sed quid agas? pueri sumus. Ch. Quid si præceptor tuum factum sciret? Co. Fortasse pœnas darem. Ch. An tu fortasse procubabro vespulares. Non te pudet sine libris in scholam venire? Co. Non solum pudet, sed piget etiam: verumtamen ne me accuses, obsecro. Ch. Nihil minus cogito: sed non possum dissimulare quon ego te reprebendam. Co. Istud (credo equidem) amice suis: itaque bene consulo. Ch. Id satis est mihi. eamvis intrò in auditorium. Co. Tempus est: iam decorationes exigunt scriptura rationem.

COLLOQ. V. ARGVM.

Patulus puer ludæali coram sibi & condiscipulis impetrat.
 Quintil. Nec me offenderit lusus in pueris. EXEMPLVM
 ad, annulos, &c. ut in secundo colloquio.

PVER. PÆDAGOGVS.

PRÆCEPTOR, licet-ne paucis? PÆ. Loquere audacter.
 P V. Ego & condiscipuli mei hoc serè toto triduo libris affixi sumus, licet-ne paulisper tantum ludo relaxare? PÆ. Dic igitur aliquam sententiam. P V.

Interpone tuis interdum gaudia curis,

Vt possis animo quemuis sufferre laborem.

PÆ. Dic etià versus Gallicos, vel Flindricos, si memoria tenes.

P V. Mesle par fois esbat en ton labeur,

Pour trauailler apres de plus grand cœur.

Wermengt met blij schap v droefheyt by blaghen/

Op dat ghy allen arbeyt moecht verdraghen.

PÆ. Quam rectè dixisti omnia! P V. Est Deo gratia. PÆ. Addendum posthac erit aliquid. P V. Quidnam, præceptor? PÆ. Qui dedit mihi ingenium, & mentem bonam. P V. Sed quis docebit me illa verba? PÆ. Ea scribam tibi in commentariolo tuo, vt ediscas. Sed dic mihi, quaeso, quis te docuit istam orationem

quam pronunciaſti? P V. Campanus heri dederat mihi ſcriptam:
 Et ego memorie mandavi. P Æ. Profecto ego te amo, mi Daniel,
 ob iſtam diligentiam. P V. Ago tibi gratias, præceptor. Permittiſ-
 ſe igitur ut ludamus? P Æ. Sanè. Abi, renuncia conſciſcipulis tuis.
 P V. Faciam. P Æ. Quid dices illis? P V. Id quod me docuiſti
 aliquando. P Æ. Sed volo prius ex te audire. P V. Gaudete pueris:
 en afferro vobis iucundum nuntium. Ego vobis impetravi ludendi
 poteſtatem. P Æ. Euge, probè meministi. ito nunciam.

COLLOQ. VI. ARGV M.

Duo pueri diligenter repetunt quæ ſunt in auditorio reddituri.
 EXEMPLVM diligentiae in pueris, pro capitu aratulae. Vti-
 nam aetate & doctrina prouecti hoc imitarentur exemplum.

CONRADVS. DANIEL.

Repetamus nomina quotidiana; ut certius reddamus ea præ-
 ceptor. D. Bene mones: præto mihi heſterna.

c. Dic Latine, Vn œil. D. Oculus. Flandrice, een ooghe.

c. L'œil dextre. D. Oculus dexter: het rechte ooghe.

c. L'œil gauche. D. Oculus ſiniſter: het ſlincke ooghe.

c. Les deux yeulx. D. Ambo oculi: beyde de ooghen. c. Pro-

bè tenes. D. Nunc audiam rectè ſolus dicam. c. Age, audio. D.

Vn œil. c. Debes numerare in digitis; ut docet præceptor.

D. Quid prodeſt iſtud? c. Ad memoriam iuuandam. D. Quid

hoc ſibi vult? c. Non audiuiſti toties? D. Ego ſum obliuiſus: quid

agerem? c. Eſto diligentior ad ea retinenda quæ perceperis. D.

Quod me fideliter mones, pergratum facis. c. Age, ad rem redi.

D. Vn œil, Oculus: een ooghe.

L'œil dextre, Oculus dexter: het rechte ooghe.

L'œil gauche, Oculus ſiniſter: het ſlincke ooghe.

Les deux yeulx, Ambo oculi: beyde de ooghen. c. Quàm re-

ctè omnia dixiſti! D. Repetamus etiam hodierna. c. Placet. At

tu viciſſim præto mihi.

D. Vne main. c. Manus, een handt.

D. La main dextre. C. *Manus dextera*: de rechte handt.
 D. La main gauche. C. *Manus sinistra*: de sincke handt.
 D. Les deux mains. C. *Ambæ manus*: alle bey de handt. D.
Restat vt solus dicas.

C. Vne main, *Manus*: een handt.

La main dextre. *Manus dextera*: de rechte handt.

La main gauche, *Manus sinistra*: de sincke handt.

Les deux mains, *ambæ manus*: alle bey de handen. D. O si
tam bene diceremus coram praeceptore! C. *Quid obstat?* D. *Quia*
timemus. C. Et tamen errata nostra satis humaniter corrigit. D.
Nescio quid hoc sibi velit: ego semper sum timidus in principio.
 C. *Istud est quodammodo naturale omnibus, vt audiuius ex*
praeceptore. D. Nunc repetendum esset Latinè, Gallicè, & Flan-
 dricè; sed praeceptorem venientem video. C. *Ingrediamur.*

COLLOQVII VI. ARGVMENT.

Eiusdem est argumenti cum superiore. Præterea, qui errat, cor-
 rigitur ab altero, & admonetur. Laudatur memoria, & diui-
 num esse donum agnoscitur.

GEORGIVS. IOANNES.

TEnés-ne memoria prælectionem? I. Propemodum. G. *Vis-*
ne repetamus vna? I. Maximè velim. G. Incipe igitur. I.
Faciam libenter: sed tu attentè audi, vt me corrigas siquid erra-
uero. G. *Agedum.* I. Fac sumptum properè. G. *Iam errasti.*
incipiendum fuit ab hesternâ. I. Bene admones: nunc incipiam.
 Iratus de re incerta contèndere noli. Impèdit ira. G. *Pec-*
cas accentu: itera. I. Impedit ira animum ne. G. *Distingue*
post animum. I. Impedit ira animum, ne possit cernere
 verum. Fac sumptum properè cùm res desiderat ipsa.
 Dandum etenim: G. *Iterum peccas accentu: repete.* I. Dan-
 dum è enim est aliquid, cùm tempus postulat, aut res.
 G. *Vidésne te errauisse quater?* I. Video. G. *Et obseruasti locos?* I.
Obseruui. G. *Sic tibi facilius cauebis.* I. *Mè miserum: putabam*

me rectè tenere. G. Sic mihi quoque solet accidere, quoties memoria non est bene confirmata. I. Felix, qui memoriam bonam habet. G. Magnum Dei beneficium. Sed tempus abit: audinunc me. I. Audio, pronuncia. G. Iratus de te incerta contendere noli. I. Hem, praeceptor adest: tace; vt illum salutemus.

COLLOQ. VII. ARGVM.

Felix arguit Clementem negligentiam: Clemens fatetur culpam: promittit diligentiam in posterum.

EXEMPLVM bonae indolis in puero.

CLEMENS. FELIX.

NIHIL ne est quod reddamus hodie praepetori? F. Nihil, nisi de Grammaticae Rudimentis. C. Quidnam? F. Inspecte librum tuum: inuenies notas in quinque lectiones, quas praepetor nobis praescripsit. C. Quando istud fuit? F. Die Veneris, hora quarta. C. At ego tunc non interfui. F. Ergo plagas meruisti. C. Siccine iudicas, seu re iudex? occupatus eram domi: nec abieram iniussu praepetoris. F. Esto: sed tamen debuisti postridie querere, quod pridie actum esset. C. Meam culpam confiteor: sed cedo librum tuum, quaeso: vt videam quid nobis reddendum sit. F. Accipe, & eadem opera signato, quae à praepetore nobis praescripta sunt. C. Faciam diligenter: neque posthac (vt spero) me accusabis negligentiae.

COLLOQ. VII. VIII. ARGVM.

Quidam, quod abfuerit, quaerit ex condiscipulo quid actum sit in auditorio.

COMES. OLIVARIUS.

QUID actum est in auditorio hora tertia? O. Tractatae sunt orationis partes ex praedicatione. C. Nihil ne amplius? O. Dixissem, nisi me interpellasses. C. Erravi: perge. O. Postea dictauit praepetor argumentum Gallicum, vel Flandricum, hodie vertendum. C. Quando reddendum? O. Cras meridie. C. Iam-ne vertisti? O. Vtuncque. C. Dicta mihi, quaeso, vernaculum. O. Excipe, festina: nam habeo scribere aliquid.

COL-

COLLOQVII IX. ARGVMENT.

Exordium est ad repetendam prælectionem.

SILVIVS. GENASIVS.

QUID agis? G. Repeto mecum præscriptum hodiernum præceptoris. s. Tenēs-ne memoria? G. Sic, opinor. s. Repetamus vna: sic fiet ut vterque nostrum rectius pronunciet coram præceptore. G. Tu igitur incipe, qui me prouocasti. s. Agè, attentus esto: ne me finis aberrare. G. Sum promtior ad audiendum quam tu ad pronunciandum.

COLLOQVII X. ARGVMENTVM.

Ad idem cum proximo superiore.

• ACCORATVS. CVRTIVS.

VISNE mecum repetere prælectionem? C. Volo. A. Tenēsne? C. Non satis rectè, sortasse. A. Agè, facimus periculum. C. Quid igitur expectamus? A. Vbi voles, incipe. C. Atqui tuum est potius incipere. A. Quid ita? C. Quia me iniustasti. A. AEquum dicis; attende igitur. C. Istic sum.

COLLOQVII XI. ARGVMENTVM.

Exordium est a colloquendo. Qui bene agit, reprehendi non timet. Prudenter igitur facit, qui præceptum aliud usurpat. Sic age, ne timeas.

CRISPVS. SANDROTVS.

IAMNE tenes quæ reddenda sunt hora tertia? s. Teneo. C. Ego quoque. s. Ergo confabulemur paulisper. C. Sed si interuenit obseruator, putabit nos garrere. s. Quid times, vbi nihil timendum est? Si venerit, non deprehendet nos in otio, aut in re mala: audiat, si velit, nostrum colloquium. C. Optime loqueris: secedamus aliquò in angulum, nequis nos impediāt.

COLLOQVII XII. ARGVMENTVM.

Admonitio breuis, sed pueris aptissima.

TRIMONDVS. MESSOR.

NON decet hic otiosi, aut garrere, dum præceptor expectatur. M. Quid ais, non decet? immo verò non licet: nisi volumus

lunus vapulare. T. Tu igitur audi me, dum prælectionem pronuncio: ego deinde te audiam. M. Agè. pronuncia.

COLLOQ. XIII. ARGVM.

Ab amico petitur aliquid operæ: promittitur dari per opportunitatem. EXEMPLVM amici officiosi.

TITVS. VALERIVS.

CVR non scribis? V. Quia non libet. T. Atqui præceptor iusserat. V. Scio: sed est mihi aliquid legendum prius: præterea, nihil habeo quod nunc scribam. T. O si velles mihi scribere! V. Quidnam? T. Habeo describenda dictata præceptoris. V. Quæ dictata? T. In Ciceronis epistolas. V. Libenter describam tibi: sed expecta feriarum diem proximum. T. Expectabo igitur: sed ne fallas, quæso. V. Nec sciens, nec volens fallam.

COLLOQ. XIII. ARGVM.

Damon officium petit ab Audace: hic occupationem causatus bellè denegat. Alter non vrget ulterius, EXEMPLVM modestiæ tum in petendo, tum in denegando.

DAMON. AVDAX.

VISNE mihi describere prælectionem? A. Cur non habes? D. Quia hesterno die fui occupatus. A. Accipe librum meum, & describe. D. Non ignoras me lentius scribere: & tu citius totum descripseris, quam ego quatuor aut quinque versiculos. A. Quare tibi alium scriptorem: nunc ego tibi non possum operam dare. D. Cur non? A. Est mihi aliud negotium, idèmq; pernecessarium. D. Nolo te vrgere, nec possum quidem: sed saltem commoda tuum codicem. A. Accipe, vtere, vti libet; modo ne abutare. D. Nihil est quod hic verear.

COLLOQ. XV. ARGVM.

Exemplum diligentiae in agendis rebus.

AVGVSTINVS. OBSERVATOR DOMESTICVS.

LICETNE ire cubitum, condiscipuli? O. Cur ante horam? A. Qui: tertia est mihi surgendum. O. Quamobrem? A. Scribendi causa. O. Quid scripturus es? A. Literas ad patrem.

trem. O. Cur non petis a præceptore veniam? A. Bene mones: ést-ne in museolo? O. Puto esse: vise.

COLLOQ. XVI. ARGV M.

Quidam puer studere mauult quàm ludere. Exemplum in pueris rarissimum.

PÆDAGOGVS. PVER.

VNDE VENIS? P V. Venio inferné. P Æ D. Quod erat tibi negotium infra? P V. Iueram redditum vnam. P Æ D. Sede nunc ad mensam, & mane in cubiculo. P V. Quidnam agam interea? P Æ D. Ediscito prælectionem in diem crastinum, vt eam mihi reddas ante cœnam. P V. Iam edilici, præceptor. P Æ D. Lude igitur. P V. Sed nullos habeo collutores. P Æ D. Satis multos inuenies in hac vicinia, ex tuis etiam condiscipulis. P V. Nihil id curo. P Æ D. Vt libet. P V. Siquis te quæret, quid illi dicam? P Æ D. Dic me produisse, sed mox reuersurum.

COLLOQ. VII. XVII. ARGV MEN.

Quidam pædagogus discipulum educit ambulatum. Exercitatio corporis. Socratis apophthegma. Ambulatio fit propter conuictes iucundior. E X E M P L V M honestæ remissionis in studiis.

PÆDAGOGVS. ABRAHAMVS puer.

HEVS Abrahame. A. Hem, præceptor. P. Pone libros: iam satis toto die studuisti: para te, vt eamus ambulatum. A. Nónne à cœna præstaret? P. Salubrior est ante cibum exercitatio corporis. A. Memini ex te audire. P. Narra Socratis dictū in eam sententiam. A. Cùm Socrates vsque ad vespertum contentus ambularet, interrogatus quare id faceret, respondit se, quò melius cœnaret, obsonare famem ambulando. P. Probe meministi: quis auctor? A. Cicero. Sed quónam prodibimus, præceptor? P. Extra urbem. A. Mutabó ne talceos? P. Mutæ, ne istos nones puluere conspergas. sume etiam vimbellam, ne solis ardor infuset tibi faciem. A. Iam paratus adsum. P. Nunc sanè prodeamus. A. Vocabó-ne ex vicinia vnum aut alterum comitem? P. Recti admones. sic enim iucundior erit deambulatio. nam per viam ser-

mones

niones inter vos conferetis, & in vmbra colludetis alicubi. A. Sic etiam excitabitur cibi appetentia. P. Ego lento gradu procedam: vbi nactus eris comites, vos me per totam Ripariam sequimini. A. Nos igitur illi expectamus? P. Cerid. A. Quid si nullos inuenero? P. Nihilominus sequere me. audistim? A. Audui, praeceptor.

COLLOQ. XVIII. ARGV MEN.

De emptione chartæ. Auctarium in emptione. Suam quisque utilitatem curat.

HERSENTVS. GIMARDVS.

A QVO emisisti istam chartam? G. A Fatino. H. Est-ne bona? G. Melior quàm ista tua, vt opinor. H. Nihil miror. G. Cur istud dicis? H. Quia fortasse carior. G. Nescio. H. Quanti emisisti schedam? G. Solido & semisse: tu verò quanti? H. Solido, & pluris. G. Quanti igitur? H. Quinque quadrantibus. G. Non male profecto emisisti. H. Quinetiam mercator dedit mihi auctarium. G. Quod nam, queso? H. Schedam charta bibulæ. H. O me imprudentem, qui oblitus sum petere. H. Ego ne petiui quidem, sed vltro ille dedit: & hoc, inquit, addo tibi; vt me reuisas. G. Su solent emptores allicere. H. Nec mirum: suum quisque commodum querit. G. Sed quid agimus, hodierni pensi immemores? H. Exiguum est: satis temporis nobis restat.

COLLOQ. XIX. ARGV M.

Charta mutuo data repo citur. Prudentis est, prius referre in codicem ex ensi, quàm aliquid credere, siue dare mutuo.

ANCELLVS. FONTANVS.

M Eministim me tibi nuper dedisse chartam mutuo? F. Quidni meminerim? non adeò sum obliuiosus. A. Quot erant schedæ? F. Quatuor. A. Cur non reddidisti? F. Expectaui dum haberem codicem. A. Habuisti-ne tandem? F. Tantum hodie. Vnde nactus es? F. Petiui à praeceptore. A. Vbi? F. In bibliotheca eius. A. Quid ille, de lit-ne libenter? F. Misit me ad hypodidascalum, qui statim dedit codicem. A. Non autè in suum codicem retulit?

retulus? F. Nihil dare solet quin prius inscribat. A. Audiu ex parte, id esse viri prudentis. F. Praesertim si reddenda est ratio. A. Sed quibus indicis dare tibi au'us est? F. Ostendi illi manu mea scriptum in libello meo. sic enim (vt scis) facere solemus. A. Reddes ergo mihi mutuum. F. A prandio statim, ne dubites.

COLLOQ. XX. ARGVM.

Duo pueri de vsu chartarum pueriliter disputant.

ROSSETVS. MARTINVS.

VNDE venis? M. Foris. R. Quid prodieras? M. I't emerem chartam. R. Emisti ne? M. Eui. R. Quantum emisisti? M. Scapum. R. Quanti? M. Quinque quadrantibus. R. Cuius forma? M. Minoris. R. Ostende. M. Vile num bona sit. R. Bona est profecto in quem vsu emisti? M. Ineptè quæris. quis est chartarum vsus nisi ad scribendum? R. Immo alius. M. Quis cedo? R. Ad merces inuoluendas. M. Intelligebam de charta scholastica, non emporetica: non enim sum mercator. R. Vtinur etiam charta ad siccandam recentem scripturam. M. Satis scio, sed charta illa est bibula. R. Et tamen charta est. M. Esto. R. Ergo multiplex est charta vsus, etiam in schola. M. Cogor fateri. R. Etiam dicam tibi alium vsu. & quidem in schola frequentissimū. M. Quem? R. Non ausim dicere sine præfatione honoris. M. Quid opus est inter nos honorem præfari? non enim verba sætent. R. Dicam igitur, quando ita vis. M. Dic liberè. R. Ad tergendas nates in latrina. M. Illuc non feruntur chartæ puræ, sed iam scriptæ, eaq; inutiles. R. Quid tum? chartæ sicut tamen. M. At ego de charta pura & noua loquebar. R. Sed interim victus es. M. Siquid sane, non me pœnitet disputatiuncula huius nostræ. R. Sed iam à lusu disceditur. M. Et nos ergo loco cedamus.

COLLOQ. XXI. ARGVM.

Hugo & Blasius experiuntur atramenti sui mixturam. Mediocritas. Experientia. Ex duobus corruptis aliquid boni componitur.

HUGO.

Habés-ne bonum atramentum? B. Cur istud rogas? H. Vt mihi des aliquantulum. B. Eho, non habes? H. Immo: sed eo non possum scribere. B. Quid obstat? H. Quia nimis spissum est. B. Nescis diluere. H. Non est mihi aqua. B. Dilue vino. H. Multo minus. B. Quid si aceto dilueris? H. Inde charta persueret. B. Qui scis? H. Audivi de quodam magistro, qui me docebat scribere. B. Ego verò aliud audiui magis mirum. H. Narra mihi, sodes. B. Quid mihi d. ibis? H. Bonam aciculam. B. Audi igitur quod ego didici ex quodam pedagogo meo. Atramentum quod aceto liquefactum est, aggre eluitur. H. Fieri potest: sed interim da mihi parum in usum presentem. H. Tene atramentarium tuum satis apertum: ego infundam tibi. H. Ecce, infunde. Vah! quam liquidum est! B. Fortasse quia non est grummi satis. H. Sed quam decolor! B. Vtere, si vis, quale est: non enim habeo melius. H. Quid igitur faciam? B. Hem, inepte, non potes penna tua bene miscere? H. Miscui satis: quid possem præterea? B. Infunde rursus in cornu meum. H. Admoue propius: est-ne satis? B. Comprime penna lintéolum. H. Ita compressi, ut ferè sit aridum: quid erit tandem? B. Atramentum bonum, aut certe mediocre. H. Bona est mediocritatis regula, ut ex præceptore didicimus. Sed nunquid ex duabus malis rebus confici potest aliquid boni? B. Vbi miscuero, & tibi rursus infundero, videbis experimentum. H. Ardeo istud videnti desiderio. B. Porrige nunc atramentarium tuum. H. Ecce, infunde. Ohe, iam satis est: quæ isthac est profusior plus mihi dedisti, quam tibi retinueris. B. Commisce iterum etiam atque etiam. H. Numquam posset coquus sua iura & condimenta melius confundere. B. Iam tandem facito periculum. H. Dicta mihi aliquam sententiam, ut interim discam aliquid. B. Experientia (ut vulgò dicitur) est rerum magistra. Habes? H. Dicto cum? B. Videlicet iam pridem tenebas. H. Quis illud ignoraret, quod est adeò vulgare? B. Nunc videamus. H. Res apparebit melius: ubi scriptura bene

bene deficcata fuerit. B. Quid vis expectare? iam sicca est plus satis. H. Oh, vide, quàm nigra sit. B. Dixine verè? H. Aliquando periculum feceras, scilicet. B. Constabit igitur, experientiam esse rerum magistram. H. Quinetiam hinc experimur, ex rerum commistione bonum fieri temperamentum. B. Iam incipis altius philosophari. Itaque discedo. H. O longum sermonem de nibilo? B. Nihil me pœnitet: alioqui inertioſa torpebamus.

COLLOQ. XXII. ARGVM.

Pennæ venales. Diuerſa viuendi ratio pro locorum diuerſitate. Hic obſerua communem emptorum morem, qui tot verbis tentant de pretio indicato aliquid detrahere.

FRANCVS. MARIVS.

Pennæ iſta quas circumfers, ſunt-ne venales? M. Etiam, ſi ſe emptor obtulerit. F. Oſtende. vah, quàm ſunt molles! M. Tales deciderunt ex alis noſtrorum anſerum. ſed tenta diligenter, ſunt enim alia aliis firmiores. F. Satis video, quales ſint. quot vis dare pro quadrante? M. Tantum ſex. F. Quid ais, ſex? mallem emere à mercatoribus qui Lutetia & Lugduno huc adferunt. M. Quasi neſciam quanti vendantur. Audiui ex fratre, qui das operam ſcribe huius ciuitatis, ſe miſſe Lutetia ſingulis aſſibus. F. Aliter Lutetiæ, aliter Romæ viuitur: ſed non opus eſt tot verbis: vis dare duodecim? M. Hui, duodecim? quaſi ego furatus ſim. F. Iſtud non dico: ſed vide num tibi placeat condicio. M. Vis vno verbo dicam? F. Dic quaſo; ſatis iam garritum eſt. M. Dabo tibi nouem, modò promiſcue de mea manu accipias. F. Nugas agis. ego ſine delectu nollem accipere quindecim. Vale, alibi inueniam ſatis. M. Per me licet. heus, heus, redi. F. Cur me reuocas? M. Accipe, ſi vis, octo, nec à me plures expecta. F. Cedo totū fasciculum, vt deligam arbitratu meo. M. Tene, delige vt voles. F. Vide nunc, & ſi libet, numera. M. Sunt viginti quatuor: conſtat numerus. Sed miror te nullas accepiſſe ex ala extrema, ſunt enim firmiores. F. Scio: ſed habent caulem breuiorem. Accipe pretiū. M. Bene

vertat Deus vtrique nostrum. F. Idem tecum opto, atque precor. Sed quando afferes meliores pennas? M. Nescio an meliores possim, sed (ut spero) breui plures afferam, cum ad nos domum proficiſcar. F. Sunt-ne vobis multi anseres? M. Triginta, & amplius. F. Papa, quantus grex anserum! ubi pascuntur? M. Scies alias. non licet mihi diutius hic morari. Vale, Fratre. F. Cura ut valeas, Mari.

COLLOQVII XXIII. ARGUMENT.

Othomanus à Philiberto pennam commodato petitam accipit.

OTHOMANVS. PHILIBERTVS.

VIs-ne mihi dare vnicaui pennam? P. Non sic dantur mihi. O. He, rem tantillam mihi negas? quid si magnum quid rogarem? P. Fortasse repulsam ferres. O. Credo equidem. agè, non peto dono: saltem commodabis. P. Non recuso: modo ne abutere. O. Non abutar. P. Caue hinc pedem moucas. O. Nusquam moueo.

COLLOQVIVM. XXIII.

MERCATOR. BERTRANDVS.

ACuisti-ne pennam meam? B. Iam-dudum. M. Qua forma scripturae? B. Mediocri. M. maluissem ad minutas litteras. B. Debuisti predicere. M. Oblitus eram. B. Partem refert, mucronem facile mutabo; i petiitum. M. Sed ubi reliquisti? B. Super mensam hypocausi. M. In qua parte? B. Vbi studere soleo.

COLLOQ. XXV. ARGUMENT.

Pictonus à Iacobo pennam commodato petit. hic prius fingit se commodare nolle; deinde dono dat. Christi præceptum. Christianus debet Christum præceptorem imitari. Colloquendi occasio quaesita per simulationem.

PICTONVS. IACOBVS.

HAbes-ne duas aut tres pennas? I. Sunt mihi tantum dua. P. Da mihi vniam commodatò. I. Non faciam. P. Cur non? I. Ne abutaris. P. Memineris: fortasse aliquando me frustra roabis aliquid. I. Atqui iubet Christus malum bono compensare. P. Nondum istud didici. I. Tamen discas oportet. si cupis esse Christi

ſi diſcipulus. P. Quid cupio magis? 1. Diſce igitur magiſtrū imitari. v. Diſcam progreſſu temporis. 1. Præſtaret nunc incipere, dum per tempus licet. v. Nimiſ vrgeſ: nondum compleui annum octauum, vt ait mater. 1. Semper eſt bene agendi tempus. ſed interim ne mihi, quaſo, ſuccenſeas. Iocabar enim, vt te ad colloquendum inuitarem tantisper dum ſumus otioſi. Ecce tibi penna, eaque non omnino peſſima. P. Reddam tibi ſtatim, cum aliquid deſcripſero. 1. Nolo mihi reddas. P. Quid igitur faciam? 1. Quicquid voles, à me enim tibi dono datur. P. Gratia habeo maximā.

COLLOQ. XXVI. ARGVM.

De emptione ſcalpelli librarij, & eius probatione. Deus bona docet.

HENRICVS. GVALTHERVS.

VNDE rediſ tam anheluſ? G. A foro. H. Quid illinc aſfers? G. Scalpellum. H. Quanti emiſti? G. Duobuſ aſſibuſ. H. Eſt-ne bonum? G. Eſt à Germania, vt dixit mercator; vide notam. H. Ego minimè noui, ſed tu non ſatis prudenter facis, qui ſidas cuilibet mercatori. G. Quid facerem? H. Debuſti aliquem peritum adhibere, qui tibi optimum deligeret. G. Illic errauit, fateor: ſed hoc me conſolatur, quod mercator habetur vir bonus, vtpote catholica profeſſionis. H. Quasi nulli ſint fallaceſ eiufmodi. G. Puto eſſe plurimoſ. Sed hec omittam, quin potius experiamur ipſum ſcalpellum. H. Experientia docbit nos. G. Accipe, & tenta, obſecro. Non enim probaui, niſi leuiſſimè, idque inter emendum. H. Papæ, quiſ te docuit tam prudenter eligere? G. Roguſ? non meminſti præceptorem nobiſ dicere tam ſæpe, Deum eſſe qui bona doceat? H. Profeſſo hic optimè te docuit. G. Ago illi ex animo gratias: & precor vt me ſemper doceat parère ſua voluntati. H. Ego quoque idem precor; nec ſolùm nobiſ, ſed etiam piis omnibuſ. G. Faciſ vt pium decet puerum. Sed eſt ne tempuſ, vt conſeramus noſ in auditorium? H. Sic eſt: ſume libroſ, & eamus vnà.

COLLOQ. XXVII. ARGVM.

Scalpellum commodato petitur: datur, sed addita condicione.
Commodatarius non debet abuti commodato.

MICHAEL. RENATVS.

Habés-ne scalpellum? R. Habeo. M. Oro te, commoda mihi parumper. R. Quando reddes? M. Cùm primùm duas pennas exacuero. R. Accipe, sed ea lege, vt integrum reddas. M. Ea condicione acceptum intelligo: etiam si non addidisses. R. Intelligenti (vt vulgò dicitur) pauca sufficiunt.

COLLOQ. XXVIII. ARGVM.

Consilij mutatio propter spem lucri. Consilium bonum etiam inimicis dandum. Christus magister optimus. Doctrina Christi studiosè sequenda. Spiritus diuini instinctus.

SORDETVS. MARTINVS.

EMisti-ne scalpellum, vt nuper volebas? M. Non emi. s. Quid obstitit? dixeras enim mihi empturum te hodie. M. Dixeram quidem: sed mihi postea in mentem venit, præstare vt expectem mercatum proximè futurum in hac ipsa vrbe. s. Quid facies lucri? M. Et minoris emam, & melioris nota, nempe ex Germania officinis. s. Quis tibi istud consilium dedit? M. Hieronymus noster. s. Bene fecit. Debemus enim amicis bonum consilium semper dare. M. Tantùm-ne igitur amicis? s. Immo & inimicis; fateor: quia sic iubet Christus praeceptor noster optimus. M. Vtinam doctrinam eius bene infixam memoria conseruemus, eamque perpetuò sequamur! s. Faxit ille Spiritus bonus, cuius vnus instinctu animi nostri ad bene agendum accenduntur. M. Bene precaris.

COLLOQ. XXIX. ARGVMENT.

Simon ab Haggæo librum commodato petit: non dat Haggæus, quia iam alteri dederat. Idem mauult injuriam pati, quàm accusare condiscipulum ob priuatam injuriam. O charitatem rarissimam! Consilium bonum res est tutissima.

SIMON. HAGGÆVS.

Commoda mihi Virgilium tuum in duos dies, si nullo incommodo tuo id fieri potest. R. Profectò non possum. s. Cur non?

non? H. Cùm Gerardus his diebus à me commodatò accepisset, pignori opposuit. s. *Ain' tu pignori?* H. Sic est, vt dico. s. *Quanti oppignerauit?* H. Tribus, vt ait, assibus. s. *O hominem ingratum!* H. *Tantum-ne ingratum?* s. Immo verò & ingratum, & malum. Sed nunquid ille rem tuam oppignerare potuit, te inconsulto? H. Potuit, vt factum vides. s. *Non tamen debuit.* H. Rem acutetigisti: sed quid facerẽ? s. *Rogas?* Defer eum ad praeceptorem. H. *Malo istam pati iniuriam, quàm committere vt miser vapulet.* s. Bene facis, dummodo tuum reddat. H. Reddet, spero. s. *Vnde redderet?* H. Ait se breui accepturum à patre pecuniam. s. *Quid si te fallit?* H. Fieri potest: sed tamen aliquot dies expectabo quid futurum sit: post deinde consiliũ capiam. s. *Consilio recto nihil est tutius.* H. Meministi probè; sic enim praeceptor dictauit nobis. Sed nũquid vis aliud? s. *Vt bene tibi sit.* H. Et tibi optimè.

COLLOQVII XXX. ARGVMEN.

Liber item commodato petitur, isque impetratur, sed ab alio quodam repetendus. Beneficiò non abutendum.

GRVANVS. FORESTVS.

Vis-ne mihi commodare tuum Terentium? F. Volo equidem, modò illum repetas à Conrado, cui vtendum dedi. G. *Quo signo vis repetam?* F. Nempe hoc, quòd eius habeo epistolas. G. *Id mihi satis est.* F. Sed quando reddes? G. Cùm descripsero contextum in tres aut quatuor praelectiones. F. *Matura igitur: ne meo studio incommodes.* G. Maturabo. F. Sed heus tu, caue macules: alioqui agrè commodabo posthac. G. Nempe indignus essem beneficio.

COLLOQ. XXXI. ARGVM.

Liber eleganter compactus ostentatur. Deprehenditur stulta quaestio: excusatur quasi iocus fuerit. Iocus inter familiares vsitatus. In iocis nostris Deus non est offendendus.

AVGVSTINVS. RODIGVS.

Qvis iste est nouus liber deauratus, quem tam magnificè ostentas? R. Terentius. A. *Vbi impressus?* R. Lutetiae.

A. *Quis tibi dedit eum?* R. *Eni pecunia mea.* A. *Unde nactus eras pecuniam?* R. *Stultè istud queris: quasi verò furatus sim.* A. *Abstine à me id cogitare: sed animi causa id rogabam.* R. *Nec ego seriò dictum tuum reprehendi: sed eo more iocari solent cum familiaribus.* A. *Nihil iocari prohibet, modò ne Deus offendatur.* Sed age, ad propositum revertamur. *de quo emisisti l'entium istum?* R. *De Clemente.* A. *Illòne bibliopola circumforaneo?* R. *Maximè.* A. *Quanti constitit?* R. *Decem asibus.* A. *Nihilne amplius?* R. *Nihil omnino.* A. *Profectò satis vile pretium.* R. *P'æsertim cum auratus, adòque eleganter compactus sit.* A. *Erant-ne codices alij similes?* R. *Duo vel tres.* A. *Redde me, quaeso, ad illum.* R. *Eamus.*

COLLOQ. XXXII. ARGVM.

Liber inuentus redàitur tuo domino. Summo iure non semper est agendū. Leges scholasticæ. Leges æquitate regendæ. Causa sine periculo. Petitur gratiæ relatio. Exemplum hic est charitatis,

ALARDVS. BALBVS.

NONNE hic liber tuus est? B. *Ostende mihi, agnosco meum.* Vbi inuenisti? A. *In auditorio nostro.* B. *Ago tibi gratias, quòd eum collegeris.* A. *Atqui nunc notandus esses, si summo iure vellem tecum agere.* B. *Quid ita?* A. *Nescis leges nostras scholasticas.* B. *Ipsæ etiam leges cupiunt, ut iure regantur.* A. *Quo iure reguntur leges nostræ?* B. *Æquitate & præceptoris arbitrio, nempe qui nobis eas priuatim condiderit: præterea non solet tam seuerus esse in eo quod vel negligentia vel obliuione peccatum est.* A. *Sic sæpe expertus sum: sed quo modo peccaueris, dicenda erit causa coram obseruatore.* B. *Non timeo causam dicere, ubi nihil est periculi.* A. *Taceo.* B. *Sed quaeso, quid opus est ut id sciat obseruator?* Hic enim Deus nihil offensus est. A. *Agè, celabo.* B. *Bene facies.* A. *Sed heus, memento par pari referre, si fortè mihi acciderit aliquod delictum eiusmodi.* B. *Æquum bonum dicis: meminero.*

COL-

COLLOQVII XXXIII. ARGVM.

Repetitur commodatum, dilationem petit commodatarius,
cámque impetrat.

CALLIATVS. GERMANVS.

CVR non reddas mihi librum? G. Expecta in crastinum
diem: nondum satis usus sum. C. Libenter expectabo. G.
Referam tibi gratiam, Deo volente. C. Pro tantillo beneficio nul-
lam expecto gratiam. G. Tamen est meum agnoscere.

COLLOQ. XXXIII. ARGVM.

Quæritur liber per obliuionem relictus. Arguitur negligentia
qui reliquerat.

NICOLAVS. CAPELLVS.

VIdisti-ne librum meum? C. Quem librum quæris? N. Ci-
ceronis epistolas. C. Vbi reliqueras? N. Oblitus eram in
auditorio. C. Tua fuit negligentia. N. Fateor: sed interim indi-
ca, si quem scias accepisse. C. Cur non adis præceptorem? Solet
enim (ut scis) quæ à nobis relictæ sunt, aut ferre in museolum,
aut alicui dare, qui reddat. N. Bene mones. O me obliuiosum,
cui istud in mentem non venerat!

COLLOQVII XXXV. ARGVM.

Beatus Eleutherio promptissime dat mutuam pecuniam. Exem-
plum expromptæ liberalitatis.

ELEVETHERIVS. BEATVS.

Vis à me magnam inire gratiam? B. Nihil libentius fece-
rim: siquidem penes me res ipsa est. Sed quid est, in quo
tibi commodare possim? E. Da mihi mutuo asses decem. B. Non
tantum nunc habeo, sed maiorem partem. E. Quantum, quaeso?
B. Nescio, nisi crumenam inspexero. ecce tibi octo asses cum se-
mis. E. Solos septem accipio, non enim te vacuare prorsus volo.
B. Parum refert: totum, si vis, accipe. E. Habeo tibi gratiam: credo
hoc pecunia satis fore negotio meo, cum aliquantula, quam ipse
habeo. B. Ut libet. E. Amo te de ista tam exprompta benigni-
tate. B. Si quid aliud possim, ne parcas. E. Reddam totum, Deo

volente, cùm primum pater ad me miserit. B. Ne sis magnopere sollicitus: nondum est opus mihi.

COLLOQ. XXXVI. ARGVM.

David à Nicolao quinque asses: mutuo petit, solum duos obtinet.

DAVID. NICOLAUS.

Potest-ne mihi mutuo dare aliquantum pecunie? N. Quantum petis? D. Quinque asses, si tibi est commodum. N. Non tot habeo. D. Quot igitur? N. Tantum quatuor. D. Bene sanè, da mihi istos quatuor. N. Dabo, si vis, dimidium. D. Cur non totum? N. Quia sunt mihi opus duo. D. Da igitur duos queso. N. Sed tibi non sufficient. D. Petam ab aliquo alio. N. Accipe igitur hos duos: quando reddes? D. Die, ut spero, Sabbathi, cùm pater ad forum venerit. N. Esto igitur memor. D. Ne timeas,

COLLOQ. XXXVII. ARGVM.

Custos habens pecuniam, Paqueto paucillum petenti denegat: spem tamen dat in posterum.

PAQUETUS. CUSTOS.

DA mihi duos asses mutuo. C. Nunc mihi non est promptum dare. P. Quid obstat? nam scio te his diebus accepisse pecuniam. C. Accepi quidem: sed emendi sunt libri, & alia mihi necessaria. P. Nolo tuum commodum remorari. C. Vbi emero quæ mihi sunt opus, siquid supersit, faciam te libenter participem. P. Interea igitur sperans expectabo: sed quid, si nihil tibi superfuerit? C. Statim dicam tibi: ne frustra diutius expectes. P. Quando emes ea quæ decreuisti? C. Cras, ut spero, aut summum perendie. P. Bene habet, tempus est breuissimum,

COLLOQ. XXXVIII. ARGVM.

Longa insinuatione petitur mutua in futurum pecunia: ea statim promittitur. EXEMPLVM astutiæ, item animi prompti ad bene merendum.

MORELLUS. BOBUSARDUS.

Abiit-ne pater tuus? B. Abiit. M. Quota? B. Prima pomeridiana. M. Quid dixit tibi? B. Multis verbis monuit

B 5 me,

me, vt diligēter studerē. M. Vtinā sic facias. B. faciā, Deo iuuāte. M. Ecquid pecunie dedit tibi? B. Dedit, vt ferē solet. M. Quantū? B. Nihil ad te. M. Fateor: sed tamē quid facies ista pecunia? B. Emam chartā, & alia quæ mihi sunt vsui. M. Quid si amiseris? B. A Equo animo ferendum erit. M. Quid si fortē eguero? dabis-n: mutuū? B. Dabo, & quidē libenter. M. Habeo tibi gratiā.

COLLOQ. XXXIX. ARGVM.

Redditur commodatum, cum exultatione dilationis. Non debemus offendi, nisi vbi Deus offenditur.

COLVMBANVS. FONTANVS.

*S*atis-ne vsus es scalpello meo? F. Satis. C. Redde igitur. F. Accipe: ago tibi gratias. C. Nihil est quod agas. F. Sed ignore, quod non vltro & citius reddiderim. C. Ea de re nihil sum offensus. Non enim debemus offendi, nisi cū Deum offendi videmus. F. Rectē sentis.

COLLOQ. XL. ARGVM.

Cultellus datur commodatō, sed ægrē,

BERGERIVS. NEPOS.

*C*ommoda mihi parumper cultellum tuum. N. Semper aliquid commodatō petis: accipe. quin tu emis potius? B. Non habeo pecuniam. N. Cur non petis? B. Vnde peterem? N. A patre. B. Non est in hac vrbe. N. Vbi igitur? B. Peregrē profectus est. N. Quō? B. Bernam. N. Quo die? B. Nudius tertius. N. Quando est reuersurus? B. Eras, vt speramus. sic enim dixit proficiscens. & Bene vertat Deus.

COLLOQ. XLI. ARGVM.

Panis mutuō dandus appenditur.

COLVMBERIVS. SIMO.

*R*estāt-ne tibi multum panis? s. Satis, gratia Deo. C. Vis-ne mihi dare mutuō? s. Libenter. C. Sed fortasse tibi non sufficiet. s. Immo, vt spero. C. Ad quod vsque tempus? s. Ad diem Veneris. C. Vnde habebis postea? s. Domo. C. Quis asseret?

ret? s. Ego met ibo petiturum. c. Quando? s. Ipso die Veneris. c. Da mihi mutuo sesquilibrium. s. Quis appendet? c. Vxor praeceptoris, aut ancilla. s. Eamus petiturum ex arca mea. c. Quin iro solus, ego te in culina expectabo.

COLLOQVII XLII. ARGVMENT.

Praemium victoriae causa petunt pueri: datur à magistro, sed non sine admonitione. Obligatur quis ex promisso. Deus successum dat studiis. Sine Deo omnia vana.

DISCIPVLVS primus ex victoribus.

PRÆCEPTOR. NOMENCLATOR.

PRaeceptor, vis-ne dare premiolum? v. Quamobrem? d. Victoria causa. p. Vbi sunt compares tui? d. Adsunt. Hugo & Audax. p. Heus Nomenclator, sunt-ne hi victores hac hebdomade? n. Habent notas omnium paucissimas. p. Ergo sunt victores: quid aliud ex te quero? Vos igitur quod premium petitis? d. Quod tibi placuerit. p. Quo tandem iure debeo? d. Ex promisso. p. AEquum dicitis. Quidquid enim rectè promissum est, praestari debet. d. Sic ex te didicimus. p. Ecce vobis penna singula ad scribendum: ac ne putetis vulgares esse, ex earum sunt genere quae vulgò Holandinae appellantur. d. Gratias agimus, praeceptor. p. Quin potius agite Deo, omnium bonorum auctori, qui dat studiis vestris successus prosperos: vos autem in litterarum studio pergite diligenter. d. Dabimus operam, quantum iuuabit ille Pater optimus. p. Sine eius ope vana sunt nostra omnia.

COLLOQ. XLIII. ARGVMENT.

Observatoris diligentia in exigenda à pueris ratione. Bene sibi conscius securo est animo. Omnis homo mendax.

OBSERVATOR. CAPPERONIS.

VNDE venis, Capperone? c. Domo. o. Quid affers illinc? c. Merendam. o. Quis tibi permiserat exire? c. Praeceptor ipse. o. Vnde istud probabis? c. Adeamus illum, ut consulamus. o. At vide quid agas. c. Hac in re nihil timeo. o. Adeo-ne securus es? c. Qui verum dicit, nihil timere debet. o. Vera quidem ista

ista est sententia: sed quotusquisque non mentitur? C. Certus sum me nihil mentiri nunc. O. Propemodum persuades mihi. Abi, credo tibi: quia in mendacio nunquam te deprehendi. C. Est Deo gratia: quem precor, ut me integrum & purum custodiat. O. Vitam ex animo sic omnes precarentur: recipe nunc; ut edas merendam tuam.

COLLOQ. XLIIII. ARGVM.

Præmij paruitas contemnitur à sordido. Præmium non lucri, sed honoris causa datur.

GERVASIVS. EDVARDVS.

QVI sunt victores hac hebdomade? E. Vbi eras, cum rationes redderentur? G. Accersitus à patre fueram: sed qui sunt victores? dic sodes. E. Ego & Puteanus. C. Iamne habuisti præmium? E. Habuimus. G. Quid-nam? E. Duodenas iuglandes. G. Hui! quale præmium. E. Eho inepte, æstimas ergo præmium ex rei pretio? G. Hic nihil aliud video æstimandum. E. Sordidus es, qui lucto sic iudicis. Non meministi verbum præceptoris? G. Quod verbum? E. Non lucri, sed honoris causa datur præmium. G. Nunc reminiscor, quasi per nebulam. post hac ero diligentior. E. Sic tandem sapiens.

COLLOQ. XLV. ARGVMENT.

Gregorius & Benedictus ante lusum tractant studiorum aliquid. A lusu ad studium reditur difficilius. EXEMPLVM puerorum studioforum.

GREGORIVS. BENEDICTVS.

EVge, dimissi sumus ad lusum: audisti? B. Quidni audierim? cum egomet adfuerim? G. Placét-ne paulisper confabulari deinde ludemus vnâ? B. Mallem ego prius ludere. G. Atqui difficile est ludam alitumpere. B. Planè verū dicis: & ego in me sic experior. G. Quoniam igitur placet tibi mea ratio, da nobis aliquid argumenti ad confabulandū. B. Immo tuum est dare; ut qui me laceßueris. G. Aequum dicis. Redde nomina Latine, quæ tibi Gallicè & Flandricè proponam. B. Qua de re propones? G.

De su-

De supellectili. B. Tentabo respondere, modo ne plura, quam decē, proponas. G. Enumerabo in digitis, ne forte numerū excedā. *Audi igitur.* B. Istic sum. G. Vn buffet, een bert om op te scrij- uen/te woypē/oft te tellē. B. Abacus. G. Vn banc, eenē stoel. B. Sella. G. Vn chandelier, een candelaeer. B. Candelabrū. G. Vn quoquemard, eenen ketel/oft koperē pot. B. Ahenū. G. Vn soufflet, eenen blaesbalck. B. Follis. G. Vn coussin de liēt, een oozcussen. B. Pulvinus. G. Vn oreiller, een hooft- cussen. B. Cervical. G. Vn linceul, een slaeflaken. B. Linteū. G. Vn pot à cuire, eenen pot. B. Olla. G. Vn pot à vin, eenen wijnpot. B. O Enophorū. G. Errasti semel. B. Vbi? G. Dixisti lin- teum pro lodicem. B. Fateor; debeo tibi semel victoriam. G. Nunc vicissim propone, vt redimas si potes. B. Vis respondere de eduliis? G. Ut libet. B. De la chair fresche: beersch bleesch. G. Caro recēs. B. Du porc: bercken bleesch. G. Suilla. B. De la venai- son, wiltghebzæet. G. Ferina. B. Venaison de sanglier, ghebzæet van een wilt vercken. G. Aprugna. B. Du laiēt bouilli: ghesoden oft botermelck. G. Lac decoctum. B. Du petit laiēt, taetsweyde. G. Serum, vel serum lactis. B. Du fromage nouueau, versche kees. G. Caseus recēs. B. Brouet de chair, bleesch sop. G. Ius carniū. B. Poisson bouilli, ge- soden visch. G. Piscis elixus. B. De la sauce, sausse. G. Condi- mentum. B. Falleris. G. Quid ergo est? B. Intinctus. G. Condi- mentum volo. B. At ego nolo contendere. G. Quis contendit? consulamus. B. Quin prius ludamus: illud fiet posterius. G. Age, fiat: ne amittamus ludendi occasionem.

COLLOQVII XLVI. ARGVM.

Inuitatio ad ambulationem, iusionis loco. Dei opera inuitare de- bent ad eum laudandum.

MATTHÆVS. OLIVETANVS.

IAm-dudum tadet me toties repetere lusus scholasticos. O. Quid facias igitur? M. Eamus in hortum nostrum. O. Quid

agemus? M. Ambulabimus, colloquemur, Dei beneficia in eius operibus commemorabimus. O Nihil sanè iucundius: sed interim petenda esset à praeceptore venia. M. Iam impetraui mihi, & item vni, quem vellem ducere. O. Bene res habet, eamus, ducente Deo. M. Precor, vt nos custodiat. O. Ego quoque idem precor tecum.

COLLOQVII XLVII. ARGVMEN.

Sulpicius & Munchius parant se ad ludendum pila palmaria.

SULPICIVS. MVNCHIVS.

Impetrastis ludendi facultatem? M. Impetrauimus. s. Ad quod vsque tempus? M. Ad cœnam vsque. s. Qui dederunt versus? M. Primi & secundi. s. Quid cetera classes? M. Primus quisque decurio trium proximarum classium pronunciauit vnam è Cicerone sententiam. s. Nonne precati estis vt solemus? M. Precati, & quidem praesente ludimagistro. tu vero vbi eras? s. Iueram domum, à matre accersitus. M. Nunc igitur quid agere cogitas? s. Ludere sesquihoram, deinde ad studium me recipere. M. Vin' tu vt tibi sim collusor? s. Quid-ne velim? M. Quo lusu nos exercebimus? s. Nullus est mihi iucundior pila palmaria. M. Nec quidem. s. Visamus igitur, an ceteri partes sortiti sint: nam si soli luderemus, minus esset voluptatis. M. Visamus sanè,

COLLOQVII XLVIII. ARGVM.

Inuitatio ad animum relaxandum. Corporis exercitatio confert valetudini.

MATTHÆVS. ROLANDVS.

Vis-ne venire mecum? R. Quid properas? M. Ad lacum. R. Quid eò? M. Lotum pedes. R. I sanè, nunc lotioni mihi opus non est. M. Sed interim parum fabulabimur. R. Ne fabulari quidē nunc velim. At quæ utilis est confabulatio? M. Dumtaxat de honestis rebus. R. At mihi utilior est ad valetudinem exercitatio corporis. L. Quid si mansero tecum? R. Prudenter facies: & nos pila palmaria colludemus. M. Bene vertat Deus: maneo.

R. Aliàs

R. Aliās lotum vnā tecum ibo: cūm scilicet longius erit temporis spatium. M. Ad ludum igitur nos accingamus. R. Nulla est in me mora.

COLLOQ. XLIX. ARGV M.

Ob negotium lūius prætermisus. Exemplum diligentiae:

VINCENTIVS. BONVS.

CV R hodie non lufisti nobifcum? B. Nēn erat mihi ludendi spatium. V. Quid habebas negotij? B. Non abfoluerani penfum meum. V. Quod penfum? B. Dimidium ex implaris restabat mihi perfcribendum. V. Perfecifti-ne? B. Perfeci. V. Laudo tuam diligentiam, ludes aliās otiofē. B. Cūm voluerit Deus. V. Rectē dicis. Nam absque voluntate eius fieri nihil potest.

COLLOQ. L. ARGVMENT.

Pueri elementarij, extraordinem, ludendi veniam petunt.

PRIMVS puer. PRÆCEPTOR. SE-

CVNDVS puer, & TERTIVS.

Salue, præceptor. P. Sit vobis falus à Chrifto. Pueri. Amen. P. Iam-ne repetiiftis? Pri. Etiā, præceptor. P. Quis docuit vos? Prim. Subdoctōr. P. Quid nunc vultis? S. Vt per te liceat nobis parum ludere. P. Non est ludendi tempus. T. Non petimus omnibus, fed nobis paruulis tantū. P. Atqui pluit, vt videtis. S. Ludemus in pergula. P. Quo lufu? S. Aciculis, vel iuglandibus. P. Quid mihi dabitis? Pri. Dicemus nomina. P. Quot dicetis singuli? S. Duo. P. Dicite igitur. Pri. Du papier, papier: charta. De l'encre, inct: atramentū. Dixi. S. Vn liure, een boeck: liber. Vn petit liure, boeckken: libellus. Dixi. T. Vne cerife, herfe oft hriecke: cerasum. Des noix, groote noten: iuglandes, Diximus. P. Quā belli estis homunculi! P. Ludite ad cænam vsque. Pueri. Gratias agimus præceptor.

COLLOQ. LI. ARGV M.

Inuitatur ad lufum quidam: at ille ftudium præfert lufui. Exemplum rarum pueri ftudiofi. Omnia tempus habent. Vtendum remiffionibus in tempore.

ELISEVS. DELPHINVS.

QUA de re elatus es letitia? D. Pater meus aduenit modò.
 E. Quid mea refert? D. Immo plurimum: quia nobis im-
 petrauit ludendi veniam. E. Ain-tu? D. Vide pueros iam ludentes
 in area. E. Ludant sanè alij: ego studere malim, quàm ludere. D.
 Nec minus ego. sed in tempore. Nam, vt est in prouerbio, Omnia
 tempus habent. Vnde & nos rectè monet Cato noster:

Interpone tuis interdum gaudia curis:

Vt possis animo quemuis sufferre Laborem.

E. Vera sunt quæ dicis, fateor: sed interim ornitte me, vt seriò
 studeam. D. Per me studeas licet; nihil impedio: at ego hac vtar
 occasione. E. Vtere sanè.

COLLOQ. LII. ARGVMENT.

Pueri à lusu reuocantur.

NOMENCLATOR. QVIDAM puer exturba.

Item ALIVS.

HEUS, pueri, heus, heus. Q. Quid clamitas? N. Desistendum
 Hest à lusu. Q. Eho, inepte, nondū quarta exacta est. N. Im-
 mo sere semihora post quartam. A. Cur non dedisti signum? N.
 Quia tintinnabuli funis fractus est. A. Clama iterū, sed attolle
 vocem. N. Heus, pueri, recipite vos omnes. Festinate, festinate, in-
 quam: vrget praeceptor. Q. Desine clamare: accurrunt omnes.

COLLOQ. LIII. ARGVM.

Orontius Quinto de patris aduentu gratulatur. Temporis ha-
 benda est ratio.

ORONTIVS. QVINTVS.

Quid ita letus es? Q. Quia venit pater. O. Ain-tu? vnde
 venit? Q. Lutetia. O. Quando aduenit? Q. Modò. O. Iam-
 ne salutasti? Q. Salutavi, cum ex equo descenderet. O. Quid
 amplius illi fecisti? Q. Calcarea detraxi & ocreas. O. Miror te non
 mansisse domi, propter eius aduentum. Q. Nec ille permisisset; nec
 ego vellem, praesertim nunc, cum audienda est pralectio. O. Bene
 tibi

tibi consulis, qui temporis rationem habes. Sed quid pater, valét-ne? Q. Rectè, Dei beneficio. O. Equidem gaudeo plurimū tua & eius causa, quòd saluus peregre redierit. Q. Facis, vt amicum decet. Sed cras pluribus verbis colloquemur. vide præceptorem, qui iam ingreditur auditorium. O. Eamus auditum prælectionem.

COLLOQ. LIIII. ARGVMENT.

Marcus Antonium Christianè & humaniter admonet: eidem bene vtrò facit Charitas. Verecundia in petendo. Liberalis in dando, petere quoque non dubitat.

MARCVS. ANTONIVS.

Miseret me tui. A. Quid ita? M. Quòd penna tua tam miserè abutaris. A. Quomodo abutor? M. Quia pessimè tractas eam in acuendo. A. Non est culpa mea; nequid erres. M. Cuius igitur? A. Scalpelli mei, cuius acies obtusa est. M. Scalpellū in culpa non est; sed tu ipse. A. Cur istud dicis? M. Quia debuisti vel scalpellum tuum acuere, vel aliud alicunde rogare commodato, saltem ad præsens negotiū. A. Non audeo petere. M. Quid times? A. Ne mihi denegetur. M. Ecce tibi meum. A. Gratias ago. M. Vtere quantiū voles, sed rectè. A. Sciens non abutar. M. Nec sis post hac tam verecundus in petendo. A. Sic est ingenium meum: soleo dare libentius, quàm petere. M. Vtinam multi essent tui similes! sed tamen qui libenter dat beneficium, is petere quoque liberè potest. Sed ego te nimis detineo: perfice quod caperas.

COLLOQ. LV. ARGVMENTVM.

Interrogationes curiosæ de rebus minutissimis, nec tamen inutilles. Præparatio in rebus omnibus. Patris familias diligentia in re familiari.

SVLPICIVS. ROGETVS.

CVR hodie manè absuisti? R. Occupatus eram. S. In quo negotio? R. In scribendis ad matrem litteris. S. Quid opus erat illi scribere? R. Quia ad me scripserat. S. Ergo rescripsisti? R. Propriè loqueris. S. Vnde tibi miserat litteras? R. Rure, nempe ex villa nostra. S. Quādo rus profecta est? R. Superioribus diebus.
S. Quid

s. Quid agit ruri? R. Curat nostra negotia rustica. s. Quid potissimum? R. Preparat ea quæ sunt opus ad proximam vindemiam. s. Prudenter agit. R. Unde istud probares? s. Nam omnibus in rebus adhibenda est præparatio diligens. R. Quis te istud docuit? s. Quidam pedagogus dictauit à Cicerone. R. Qua occasione? s. Cum admoneret, vt me diligenter pararem ad reddendam hebdomadam postero die. R. Profectò rectè monebat. s. Sed ad propositum reuertamur. Non habetis villicum qui curet ruri vestra negotia? R. Immo & villicum habemus, & famulos, & ancillas. s. Quid igitur opus est illic tue matris opera? R. Quia melius nouit prouidere rebus omnibus, quàm isti imperiti ruricola. s. Nihil-ne amplius? R. Sine me finire propositum. s. Putabam te absoluisse: perge. R. Etiam (vt ex patre audiui) præcipua cura domini requiritur in re familiari administranda. s. Ergo pater tuus nunc potius deberet in villa esse. R. Non potest. s. Quid prohibet? R. Quia totus est in arte sua occupatus. s. Maiorem, vt opinor, ex ea re fructum percipit. R. Quis dubitet? s. Inde igitur fit, vt relinquat uxori omnem curam rei domestica. R. Omnino sic est. s. Sed mater quando est reuersura? R. Vix ante perfectam vindemiam. s. Quid tu? non ibis vindemiam? R. A matre, vt spero, breui accersar. Sed quaeso te, quid cogitamus? Iam omnes in auditorium currunt. s. Bene res habet, currant & nos, ne postremi simus.

COLLOQUII LVI. ARGVMENTVM.

Quidam occupatus in merenda, moneatur instare prælectionis tempus. Sic pueros studiosos mutua decet admonitio.

RIPARIVS. AMEDÆVS.

A Vdisti-ne horologium? A. Dudum sonuit. R. Dinumerasti horas? A. Dinumeravi. s. Quota est? A. Fere sesquiprima. R. Instat igitur prælectionis tempus: fac vt paratus sis. A. Vbi merendam peredero, ecce me paratum. R. Cur meridie non adfuiisti nobiscum? A. Prodieram cum bona venia præceptoris. R. Sed interim sum tibi impedimento. A. Nihil impedit: ne bo-

*lum quidem perdidit interpellatione tua. R. Bene habet: perge;
sed matura.*

COLLOQ. LVII. ARGVM.

Ligarius Sarralinum ad repetendam prælectionem inuitat.

EXEMPLVM diligentiae in studio puerili.

LIGARIVS. SARRASINVS.

Fecisti-ne officium tuum? s. *Qua in re?* L. *In repetenda prælectione.* s. *Nihil adhuc repetiui.* L. *Quid cause fuit?* s. *Expectabam dum rediret compar meus.* L. *Quo ille iuit?* s. *Domum.* L. *Quid eò?* s. *Petitum merendam.* L. *Quid si redibit serius?* s. *Nescio: fieri potest.* L. *Vis interea mecum repetere?* s. *Equidem non recuso.* L. *Secedamus igitur; ne quis molestus sit nobis.* s. *Profectò bene mones: nemo studere potest in tanto ambulatorum strepitu & clamore.* L. *Aspice illic locum remotissimum, ubi nulli sunt ambulantes.* s. *Eamus illuc.*

PRÆFATIVNCULA IN SEPTEM

proxima colloquia.

NE pueri nihil agendo discant malè agere, præsertim otioso sermone. prauisque, aut ineptis colloquiis sese inuicem corrumpentes; omnibus modis incitandi sunt, ut in schola, dum præceptoris ingressum expectant, assuescant interea bini, ternive, id quod ab eo præscriptum fuerit, simul repetere. Plurimum proderit hac illis iucunda exercitatio: eosque interim ab otio, lasciuiâ, multisque aliis rebus malis, quibus offenditur Deus, auertere poterit. sed quia sine puerili colloquio eiusmodi repetitiones tractari non solent; pueri autem ipsi, nisi instanti fuerint, nihil aliud quam barbarè loquuntur: idcirco, ut Latine inter se loqui paulatim discant, hac de re hîc aliquot breues colloquendi formulas proposuimus. Ceterum in præceptoris diligentia situm erit, ut hac ipsa colloquia discipulis aliquoties interpretetur; doceâtque, quomodo in his, & aliis eius generis, (qua tradere ipse poterit) sese & domi, & in schola debeant exercere: ad idque illos identidem

dem cohortetur. Ita fiet, progressu temporis, vt promptiores semper, & alacriores eos habiturus sit ad ea maturè reddenda quæ præscripserit. Hinc etiam consequetur, vt minore cum labore ac molestia docendi munus exequatur.

ARGVMENTVM in sequens colloquium LVIII.

& in sex reliqua huius primi libri.

Pueri declinationum exempla à magistro præscripta, se vicissim audientes, repetunt: idque, ne sint otiosi tantisper, dum præceptoris ingressum expectant.

ADAMVS. BONINVS.

VIs-ne repetamus vnâ? B. Quid-nam? A. Id quod nobis præscriptum est. B. Equidem volo. sed quo genere repetendi vtemur? A. Audiamus nos vicissim. B. Sic præceptor nos monet sæpe. A. Rectè monet: sed malè paremus. B. Vter incipiet? A. Ego, si tibi ita placet. B. Maximè placet: incipe igitur. A. Secundæ declinationis nomina his exemplis Latine declinantur,

Magister, Adamus, Ianus, regnum.

B. Quæ sunt hodie declinandæ? A. Hesternū quidem est Ianus, hodiernum verò Adamus. B. Cur nos id repetimus quotidie, quod pridie reddidimus? A. Quia sic præceptor iubet. B. Id satis scio: sed cur iubet? A. Ad confirmandā memoriā. B. Age, declina Lanius.

A. N. S. Hic Lanius. G. Lanij, &c. ad finem vsque. B. Verte Gallicè & Flandricè. A. Lanius, Lanij. g. m. vn bouchier, vleeschhouwer. B. Declina Adamus.

A. N. S. Hic Adamus: G. Adami: D. Adamo, &c. ad finem vsque. B. Verte Gallicè & Flandricè. A. Adamus, Adami. g. m. est nomē viri, c'est le nom propre d'un homme, het is een eyghen mans naem. Gallicè & Flandricè Adam. B. Cur dicis nomen viri? tu nondum es vir. A. Fateor: sed sunt alij Adami, qui viri sunt. B. Vtinam aliquando vir euadas! A. Euadam, Deo iuuante. B. Attende pñc, vt vicissim audias me. A. Istic sum: dic audacter.

B. Secundæ declinationis nomina. A. Desine, præceptor adest. B. Audio tu sistentem; desinamus; ne putet nos garrere.

MOx aderit praeceptor, repetamus. D. Quid opus est mihi repetitione? solus repetui satis: omnia teneo memoria.

C. Quid tum? quanto sapius repetes, tanto melius tenebis. D. Bene mones, habeo tibi gratiam. C. Incipe: tempus abit.

D. Quarta declinationis. C. Erras Daniel: incipiendum est ab exemplo hesterno. D. Erravi, fateor. C. Dic igitur nunc recte.

D. N. S. Hoc sedile. G. sedilis, &c. ad finem usque.

Quarta declinationis nomina hoc exemplo declinantur.

N. S. Hic sensus. G. sensus. D. sensui. C. Haecenus: audio praeceptorem. COLLOQVIVM LX.

Quid agis Franciscus? instat praeceptoris aduentus. F. Scilicet, instat: nondum est semihora post secundam. E. Tamen non debemus interim tempore sic abuti: repetamus. F. Non stabit per me: ego enim sum paratus. E. Incipe igitur. G. Expectate parumper, quaeso: ego quoque sum vestra decurie. F. Matura. F. Dicamus suum quisque casum ordine, ut interdum nos docet praeceptor. E. Satis est verborum: attendite. G. Quid aliud agimus?

E. Tertiae declinationis nomina his exemplis Latine declinantur; pater, lumen, rupes, messis, pars, sedile, vestigal, laquear. F. N. S. Haec rupes. G. G. rupis. E. D. rupi. F. A. C. rupem. G. V. rupes. F. A. B. rupe.

F. N. P. Haec rupes. G. G. rupum. E. Errasti Gabriel, corrige erratum. G. G. rupium. E. D. rupibus. F. A. C. rupes. V. rupes. E. A. B. rupibus. F. Verte Gallice, & Flandrice. G. Rupes, rupis. g. f. vne roche, een steenrootse.

E. Pone in oratione. F. Non est in libro nostro.

E. Sed praeceptor docuit. F. Alta rupes, vne haute roche, een hooghe steenrootse. E. More patrio dicis. aspira fortiter, haute. F. Vne haute roche.

G.N.S. Hac mēsis. E.G. mēsis. F.D. mēsi, &c. vsque ad finem huius nominis. deinde sic pergunt colloqui.

E. Ambo errastis. F. Erraui, fateor. G. Ego quoque : sed vter erit victus? E. Præceptor iudicabit. F. Aequum dicis. E. Vultisne dicamus iterū, ad memoriam confirmandam? F. Quidni? G. Quid si præceptor interueniat? E. Quid tum? laudabit nos ore pleno.

G. Sed mutandus est ordo. E. Non est dubiū. incipe Franciscæ.

F. Tertiæ declinationis nomina, &c.

COLLOQVIVM LXI.

HEGROMIVS. IOHANNES.

Vis ne repetere mecum? I. Cur tam citò? H. Ne observator nos deprehendat garrientes aut otiosos.

I. Age, repetamus: sed vter incipiet? H. Ego, quia victor sum.

I. Dic igitur.

H. Prudens nomen adiectiuum sic declinatur in genera.

Hic prudens, g.m. hac prudens, g.f. hoc prudens, g.n.

Idem nomen sic declinatur in casus.

N. S. Hic & hac & hoc prudens.

I. G. prudentis. H. D. prudenti.

I. A.C. prudentem, & prudens, &c. ad finem vsque.

COLLOQVIVM LXII.

LVCIVS. MICHAEL.

Cur tu es otiosus? M. Non sum omnino. L. Quid agis igitur? M. Cogito de lectione reddenda. L. Ego quoque id ago:

repetamus vnā. M. Fiat: sed quam rationem tenebimus? L. Age

præceptoris partes, ego discipuli. M. Valde placet mihi condicio.

L. Sed ne sis mihi austerior. M. Ne timeas: nosti me satis.

L. Noui. M. Declina Lego in modo infinito.

L. Infiniti modi tempus præsens & præteritum imperfectum,

Légere. Præteritum perfectum & plus quàm perfectū, Legisse.

M. Perge. L. Sine me paulisper respirare, queso, præceptor. M.

Age, sino. Satisne respirasti? L. Satis. M. Perge nunc. L. Futu-

rum indefinitum, *Lecturam esse. Gerundia, Legendi, &c. ad finem vsque.*

M. Gaudeo te rectè fecisse officium. L. Ego verò mihi gratulor: sed est Deo gratus. M. Rectè dicis: utinam ex animo. L. Ex animo, certè. M. Bene habet, desinamus: sentio praeceptoris aduentum. L. Eccum: adest, 'st.

COLLOQVIVM LXIII.

NICOL. OPTAT. PETR. QVADR. ROBERT.

HEus pueri, nos hic sumus quinque: repetamus hodiernum verbum, ut solemus coram praeceptore. O. Nemo, ut opinor, contradicet. P. Quis contradiceret? nostra omnium res agitur. Q. Incipe igitur Nicolae, qui primus sedes.

N. Optatui & subiunctiui modi praesens tempus, Sin. Audiam. O. Audias. P. Audiat. Q. Plur. Audiamus. R. Audiatis. N. Audiant. O. Prateritū imperfectum, Sin. Audirem, P. Audires. Q. Audiret. R. Plur. Audiremus. N. Audiretis. O. Audirent, P. Prateritū perfectum, Sin. Audiuerim. Q. Audiueris. R. Audiuerit. N. Plur. Audiuerimus, &c. Vsque ad finem verbi hoc pergunt ordine.

COLLOQVIVM LXIII.

SIMON. THOMAS. VINCENTIVS.

Hic dies nobis est feriatu: & iam satis lusimus. T. Satis, opinor. S. Vultis ergo ut animi gratia conferamus de studiis nostris? T. Sanè mihi gratū feceris. V. Mihi verò gratissimum. T. Sed quid tractabimus? S. Tentemus declinare aliquod verbum Latine, Gallicè & Flandrice. V. Incipe igitur, quia nos prouocasti. S. Faciam; quando ita placet vobis. T. Audiamus.

S. Indicatiui modi praesens tempus, Sin. Doceo, i' enseigne, ich leere. doces, tu enseignes, ghy leert. docet, il enseigne, hy leert. Plur. Docemus, nous enseignons, wy leeren. docetis, vous enseignez, ghy lieben leert. docent, ils enseignent, sy leeren.

T. Prateritum imperfectum, Sin. Docēbam, i' enseignoye,

ich

ick leerde. *docēbas*, tu enseiginois, ghy leerde. *docēbat*, il enseignoit, hy leerde. *Plur. Docebāmus*, nous enseignions, wy leerden. *docebātis*, vous enseigniez. ghy lieden leerdet. *docēbant*, ils enseignoyent, sy leerden.

V. *Præteritum perfectum*, *Sin. Dôcui*, i' enseigney, ick heft gheleert. *docuisti*, tu enseignas, ghy hebt gheleert. *dôcuit*, il enseigna, hy heeft gheleert.

Plur. Docuimus, nous enseignâmes, wy hebben geleert. *docuistis*, vous enseignâtes, ghy lieden hebt gheleert. *docuerunt*, vel *docuere*, ils enseignèrent, sy hebben gheleert.

s. *Aliter Gallicè*, l'ay enseigné, tu as enseigné, il a enseigné. *Plur. Nous* auons enseigné, vous avez enseigné, ils ont enseigné.

T. *Præteritum plus quàm perfectum*, *Sin. Docueram*, i' auoye enseigné, ick hadde gheleert. *docueras*, &c. *Sic pergunt quatenus placeat.*

COLLOQVIORVM

SCHOLASTICORVM

LIBER SECVNDVS.

COLLOQVII I. ARGVMENT.

Interrogatiunculæ de acceptis litteris.

CORNELIVS. MARTIALIS.

Quid legis? M. Litteras. C. A que? M. A patre. C. Quando accepisti? M. Heri vespere. C. Quis attulit? M. Nescio. C. Nescis? quis tibi reddidit eas? M. Ancilla quædam à caupone. C. Vnde sunt data? M. Lutetia, credo. C. Quo die? M. Nondum licuit inspicere. C. Nempe ego te interpellavi. M. Parum refert: non adeò sum occupatus. C. Agè, perlege tuam epistolam: ego interea studebo. M. Ego quoque mox idem faciam.

COLLOQVII II. ARGVMENT,

Musicus Herardum percunctatur de rebus ad illum pertinentibus.

MUSICVS. HERARDVS.

Quo in statu sunt res vestre Lugdunenses? H. Nescio, iampridem nihil audimus. M. Nihil-ne scripsit frater tuus? H. Post menses duos nihil litterarum misit, quod viderit pater, M. Fortasse agrotat. H. Minime verò: nam tabellarij sepe nobis salutem nunciant verbis eius. M. Libenter audio illum rectè valere. Valde eum diligo: quia fuit mihi suauissimus condiscipulus. H. Ille (vt opinor) te vicissim diligit. M. Id verò mihi non est dubium. Sed nos hora vocat: eamus in auditorium. H. Maturemus. Iam recitatur catalogus.

COLLOQVII III. ARGVM.

Publica obseruatoris admonitio ad condiscipulos in aula communi scholæ vniuersæ. Admonitionis summa, ne pueri tempore abutantur. Extemporalis responsio cuiusdam primæ classis.

OBSERVATOR. BRISANTELLVS.

Desinite, ô pueri, garrire, absente magistro,
Verba, quibus summus leditur ille Pater,

De studiis potius tractate & rebus honestis:

Discite colloquiis verba Latina loqui.

Discite & inter vos reddenda reuoluere sæpe:

Doctor enim pueris semper adesse nequit,

Discite sectari vestigia certa bonorum.

Otia vos fallant blanda caute, precor,

En ego præmoneo; vos ne delectet abuti

Tempore: ne tergum verbera dura premant,

Ecce iterum vobis morum prædico magister:

Si quis erit casus, ne mihi det vitio.

B. Desine plura loqui: nemo parère recusat.

Est monitor nobis optimus ille Pater:

Ilūſque Patris natus, cui nomen Ieſus:

Et qui nos renouans Spiritus intus alit.

OB. *Quem mihi ſperassem tam reſpondere paratum?*

Quis puer Angelicos mittit ab ore ſonos?

O *quam te memorem, noſtra doctiſſime claſſis!*

Nam tibi diuinum carmen ab ore fluit.

Non ſum tam felix, vt fundam ex tempore verſus;

Sed modo, quā dixi, præmeditatus eram.

B. *Si meditatus eras, qui nunc tam fundis apertè*

Caſtalios latices? quis furor iſte nouus?

OB. *Nam tua me tantis mouerunt carmina ſlammis;*

Vt mihi nunc videar poſſe mouere ſeras.

B. *Sed cur immeritum tantis me laudibus efferſ?*

Eſt tribuenda vni gloria ſumma Deo.

Atque vtinam eloquium nobis, ſpatiūque daretur:

Et noſtra in laudes ſolueret ora ſuas.

Sed quia tempus adeſt vt voce & mente preccmur,

Idq; iubet doct̃or: deſine plura loqui.

COLLOQ. IIII. ARGVMENT.

Obſeruator de minutis rebus interrogans, tentat deprehendere puerum quandam in mendacio.

OBSERVATOR. PVER.

Q *Vid agis? P. Scribo. Ob. Quid ſcribis? P. Sententias. Ob.*

Quas? P. Ex officiis Ciceronis. Ob. Bene facis, vnde ha-

buiſti? P. Hypodidaſcalus dictauit nobis. O B. Quando? P.

Heri. Ob. Quota hora? P. Meridie. Ob. Vbi? P. In areæ. Ob.

Qui aderant? P. Omnes domeſtici, præter primos & ſecundos.

Ob. Vbi erant illi? P. In aula communi. Ob. Quid agebant?

P. Diſputabant. Ob. Vale, & perge ſcribere.

COLLOQVII V. ARGVMENT.

Hic nihil inuenit obſeruator, quod noter.

OBSERVATOR, PVERI ſtudentes.

Quid vos hic agitis, pueri? mihi videmini garrire, & nugas agere. Quidam puer. Longè falleris: nam repetimus viâ. Ob. Qua de re? P. De verbis anomalis, id quod reddendum est hora tertia. Ob. Bene facitis. P. Vis audire nostrum colloquium? Ob. Immo, pergit: maius opus moueo: volo tendere liqueos picis & graculis. P. In area multos ad solem inuenies. Ob. Retibus est illic prada parata meis.

COLLOQ. VI. ARGUMENTVM.

Pueros in otio deprehensos non deterret obseruator; sed eos humaniter admonet. **EXEMPLVM** obseruatoribus imitandum in causis leuioribus, præsertim cum pueri non sunt contumaces.

OBSERVATOR. PVERI garrientes.

ATAT! ecce, nunc capti estis: non fatemini? Quidam puer. Certè fatemur ingenuè: sed non dicebamus mala verba: quaeso te, mi Nicolae, ne velis notare nos. Ob. Quid garriebatis? audiui nescio quid de ientaculo. P. Illud est, loquebamur de ientaculo matutino: quia famulus non dederat nobis in tempore. Ob. Puto id fuisse: nec certè est valde magnum malum: nisi quòd sunt otiosa verba. P. Sed Latine loquebamur. Ob. Audiui, sed non erat fabulandi locus. Nam (ut scitis) hoc pusillum temporis à merenda debet vobis esse valde pretiosum, cum sit dicatum studio: scilicet, ut se diligenter quisque præparet ad reddenda magistris ea qua præscripserint: nonne verum dico? P. Certè verum dicis: nos debuissimus legere simul de Cicerone, qua mox oportebit reddere: sed ignosce precor, suauissime Nicolae, posthac erimus prudentiores; & officium nostrum diligenter faciemus. Ob. Si sic feceritis, præceptor vos amabit tamquam minuta sua intestina. Nonne videtis quemadmodum diligit bonos pueros, & studiosos? nec amat solum, sed etiam laudat, & pramiolis afficit. P. Ista scimus, & quotidie experimur. Ob. Ergo mementote: & promissa facite. P. Tacebis igitur hanc culpam?

culpam? Ob. Tacebo, sed ea lege, vt caueatis recidere. P. Cauebimus, Christo fauente.

COLLOQ. VII. ARGVM.

Nomenclator officium diligenter facit in requirendis absentibus.

NOMENCLATOR. PVER.

Vbi est frater tuus? P. Modò iuit domum. N. Quid ed? P. Petìtum nobis opsonium. N. Quid nunc vobis opus est opsonio? P. In merendam. N. Annon habetis in arca vestra? P. Non. N. Quid ita non? P. Quia mater non solet nobis dare opsonium nisi in præsens tempus. N. Nempe quia nouit vos esse gulosos. P. Quomodo gulosi sumus? N. Quia fortasse vno conuicta deuoratis, quod in tres datum fuerit. P. Tace, ego dicam fratri te nos gulosos vocare. N. Tace, ego dicam praeceptori fratrem tuum nihil aliud quàm discurrere. P. Atqui prodire non solet nisi cum bona venia praeceptoris. N. Atqui praeceptorem fallit. P. Quomodo fallit eum? N. Non enim mens est praeceptoris, vt ter quotidie prodeat. P. Sine illum venire: videbis quid tibi respondeat. N. Immo ille viderit quid praeceptori respondeat.

COLLOQ. VIII. ARGVMENT.

Pecania cùm adfertur, nuncium adfert, vulgi opinione, iucundissimum. Reprehensio libera inter familiares. Euangelium, id est, gratia Dei à Christo nunciata.

PASTOR. LANGIVS.

Frater tuus venit-ne Lugduno? L. Iam venit, heri ante meridiem. P. Nihil-ne litterarum tibi attulit? L. Nihil. N. Quid igitur nuntiavit? L. Prospera omnia. P. De patre quid narrat potissimum? L. Ait illum Dei beneficio iam planè febrè carere, & paulatim conualescere. P. Gaudeo sanè, Deumq; precor, vt pristinam valetudinem breuiter recuperet: sed cur ille (vt solet) nihil ad te scripsit? L. Negat frater eum potuisse scribere. P. Quamobrem? L. Quia nondum satis erat confirmatus. P. Nihil mirum, cùm tamdiu tam grauius agrotauerit: si ille
nihil

nihil ad te misit. L. Immo pecuniam. P. Euge, nullus est iucundior nuncius. L. Ita aiunt. P. Tu verò sic respondes, quasi fabulam audias. L. Quin, peius audio. P. Quid-nam? L. Merum mendacium. P. Egone mentitus sum? L. Non dico te esse mentitum; sed falsum dixisti. P. Ego, quid dicas, non intelligo. L. Dabo operam ut intelligas. P. Obsecro te. L. Si nullus est iucundior nuncius, quam de allata nobis pecunia, quid ergo est Euangelium Christi? quis est iucundior nuncius quam de gratia Dei, quam Christus attulit nobis per Euangelium? P. Fateor nihil esse iucundius Euangelio, iis dumtaxat qui credunt ei, & ex animo amplectuntur. L. Equidem sic intelligo. P. At ego loquebar de humanis & terrenis rebus: tu verò statim ad cælum ascendisti. L. Ita solent boni concionatores. P. Non putabam te esse theologum tam acutum. L. Nihil dixi, nisi quod est tritum & in medio positum. P. Viximus illud adèd vulgare & protritum foret, ut omnes in Christum crederent. Sed ne te diutius teneam, potène facere ut fratrem tuum paucis conueniam? L. Vix possum. P. Quid ita? L. Nam habet à patre nostro mandata plurima, in quibus curandis totus est occupatus. P. Nón-ne cœnabit domi apud vos? L. Cœnabit, opinor. P. Ibo igitur sub horam cœnae. L. Veni precor: & eadem opera nobiscum cœnabis. P. Non recuso. L. Interim vale: sed fac memineris adesse tempori. P. Quota hora? L. ante sextam. P. Hora est mihi commodissima.

COLLOQ. IX. ARGVM.

Quidam ex prouectis dissimulanter recusat puero chartam in libellum compingere: sed oblata occasione, de minutis rebus cum illo fabulatur, ut cum sic in Lætina lingua exerceat. Eadem opera, ut puer charitatis exemplum discat, compingit ei libellum chartaceum. Postremò illum paucis & breuibus præceptis instituit. **EXEMPLVM** dissimulationis in bonum.

VIGNOLVS. ANGELINVS.

Rogo

Rogo te, Angeline, compinge mihi hanc chartam. A. Quid merogas? non est ars mea. V. Atqui alius compingere non recusat. A. Quot habes schedas? V. Octo: sed iam sunt complicata: tantum restat insuere membrana. A. Quid dabis si tibi compegero? V. Nihil habeo quod possim dare, nam pecunia nulla mihi est. A. Ergo quare tibi alium opificem. Non enim gratis faciam. V. Mi Angeline, tu es tam bonus: denegabis mihi rem tantillam? A. Scin-tu quod habet prouerbum? V. Quod prouerbum dicis? A. Manus manum fricat. V. Quid hoc sibi vult? A. Da aliquid, siquid velis accipere. V. Siquid haberem, certè darem libenter. A. Cedo merendam tuam. V. Merendam! ah me miserum! quid ederem? Mallem dare pileum, si auderem. A. Merenda tua, parua res est. V. Sed vebementer esurio. A. Quid causa est? V. Quia nihil prandi nisi frustum panis, & tres aut quatuor iuglandes. A. Ebo, quid causa fuit? V. Quia mater domo aberat. A. Quis ergo tibi dedit merendam? V. Ipsa. A. Atqui dicebas eam absuisse. V. Verum est, aberat enim tempore prandij: nec rediit nisi paulò ante merendam. A. Nihilne edisti domi antequam in ludum venires? V. Nihil. A. Cur non? V. Quia timebam non adesse in tempore. A. Tintinnabuli sonitus te satis admonere debet. V. Sed rarò audimus à nostris adibus. A. Quid ita? V. Quia longè nimis ab hac schola distant. A. Sùnt-ne vera ista omnia qua mihi narras? V. Vera profectò, Angeline. A. Agè, da mihi tuam chartam; ego tibi compingam elegantem libellum: tu interim ede merendam tuam. V. Ego petam à matre sextantem, quem dabo tibi. A. Caue petas, nihil volo: quin potius darem tibi si egères. V. Ago tibi gratias. A. Non-ne putabas me seriò petere abs te merendam? V. Profectò sic putabam. A. Atqui dicebam ioco. V. Quamobrem? A. Vt paulisper audirem te Latine fabulari. Nam quòd bene discas, gaudeo. Quanti emisisti chartam hanc? V. Dedi pro codice assen cum semisse. A. Non emisisti malè, bona est: sed non rectè complicasti. Habes membranam? V. Ecce tibi

tibi. A. Bene res habet: ego citius consecrero, quam tu merendam perederis. V. Habeo tibi maximam gratiam, mi Angeline. A. Honestè loqueris: sed memento fili, vt semper viuas in timore Domini, diligenter obedias matri, sis frequens in schola, diligens in studio; ne verferis cum prauis, ac dissolutis: dénique quibus poteris, bene facito, quomodo vides me fecisse tibi; intellexisti? V. Optimè. A. Fac igitur vt sepe recorderis. V. Faciam, Deo volente. A. Ede nunc otiosè.

COLLOQVII X. ARGVMENT.

De carniū differentia, & beneficiorum diuinorum agitione. Mendacium vitandum est. Christus veritas. Christiani sunt Dei filij, & Christi fratres. Charitas in pauperes.

DAVINVS. MAYVS.

Quid tibi dedit mater in merendam? M. Vide. D. Caro est: sed quam? M. Bubula. D. Vtrum recēs, an salsa? M. Est bubula salita. D. Vtrum pinguis, an macra? M. Eho inepte, non vides macram esse? D. An non malles esse vitulinam, aut veruecinam? M. Vtraque bona est: sed in omni genere sapit mihi hœdina, præsertim assu. D. Hœm, delicatule, iâmne palatum tam doctum habes? M. Dico vt sentio; non enim est mentiendum. D. Absint à nobis mendacia. Sumus enim filij Dei, & Christi fratres, qui est ipsa veritas, vt ipse de se loquens testatur. M. Sed ad rem. Suilla quoque vescor libenter, modico sale aspersa, & bene cocta. D. O mirificam Dei gratiam, qui dat nobis tot opsoniorum genera & tam bona! M. Quot putas esse hac in vrbe pauperes qui solo pane hordeaceo victitant, ne ue tamen ad saturitatem? D. Non dubito multos esse, in tanta præsertim annona caritate. M. Itaque nos in tanta bonarum rerum copia quantas Deo gratias agere debemus? quas laudes illi dicere? D. Eius igitur beneficia magnificè vbique prædicemus: atque interim precemur, vt pauperum suorum misereatur inopie. M. Vtinam ipse corda nostra suo Spiritu ad eam rem penitus afficiat. D. Ita precor.

COL-

COLLOQVII XI. ARGVM.

Oblata occasione quidam prouectus sermonem ad paruuli captum, docendi gratia, accommodat. **EXEMPLVM** est, quod nulla bene agendi occasio, præsertim in docendo, sit prætermittenda.

ARNALDVS. BESSONVS.

Quid rides? **B.** Nescio. **A.** Nescis? magnum signum stultitiæ. **B.** Me igitur stultum vocas? **A.** Minime verò: sed dico tibi argumentum esse stultitiæ, cum quis ridet, & ridendi causam nescit. **B.** Quid est stultitia? **A.** Si diligenter euoluas Catonem tuum, istud quod quæris inuenies. **B.** Nunc non habeo meum Catonem, & volo aliam rem agere. **A.** Quod habes negotium? **B.** Habeo ediscere aliquid de Rudimentis. **A.** Et interim quæris fabulari, ineptule? **B.** Dic mihi quaeso de stultitia in Catone. **A.** Stultitiam simulare loco, prudentia summa est. an-non hac didicisti? **B.** Immo, sed non recordabar. **A.** Cum domi eris, inspicere librum tuum. **B.** O quantas gratias ago tibi! ego proponam alicui istam questionem, qui non poterit mihi respondere: & sic erit victus. **A.** Tace puer, tace, & stude, ne vapules. **B.** Non multum curo: ego serè teneo prælectionem. **A.** Nisi taceas, dicam observatori, qui te statim notabit. **B.** Mane, mane; nihil dicam amplius. **A.** Sed memento id quod dixi tibi. **B.** Quid est? **A.** Ne rideas vnquam sine causa. **B.** Sed ridere non est malum. **A.** Non dico istud. **B.** Quid igitur? **A.** Stultum est sine causa ridere. **B.** Nunc intelligo. **A.** Recordare sape.

COLLOQ. XII. ARGVM.

Nuncius latus d. Euangelio.

CORNELIVS. MELCHIOR.

ECquid habes noui? **M.** Accepi litteras à fratre qui Lugduni habitat. **C.** Quando accepisti? **M.** Heri sub noctem. **C.** Quis attulit? **M.** Pictarius. **C.** Quid-nam intellexisti ex istis litteris? **M.** Omnia bene illi habere quod ad pacem, & tranquillitatem omnium pertinet. **C.** Verà-ne predicasti? **M.** Expecta: litteras ipsas osten-

ostendam tibi à prandio. C. Est profectò quod nostris sociis gratulemur. M. Scilicet, quòdque Deo nostro gratias maximas agamus. C. Id quidem præstare debemus omni tempore, sed nunc maxime, cum audimus ea quæ ad gloriam eius & nostram utilitatem præcipuè pertinent. M. Vtinam hoc semper habeamus in memoria. C. Communicabis igitur mecum tuas litteras? M. Ut promisi. C. Ergo post-prandium. M. Etiam dubitas? C. Interea vale. M. Vale, & salve, Corneli.

COLLOQ. XIII. ARGV M.

Interrogatiunculæ de profectioe ad locum, & reditu ex loco.

IOSEPHVS. MATTHÆVS.

Est-ne domi frater tuus? M. Cur istud rogas? I. Pater meus volebat eum conuenire. M. Non est in hac vrbe. I. Vbi igitur? M. Peregre profectus est. I. Quando? M. Nudiustertius. I. Quò-nā iuit? M. Lutetiam. I. Qua iter factururus est? M. Lugduno. I. Vtrum, pedes, an eques iuit? M. Iuit in equo. I. Quando est rediturus? M. Nescio. I. Sed quem terminum constituit illi pater? M. Iussit ut hic adesset ad vicesimum huius mensis diem. I. Ducat illum Deus, ac reducat. M. Ita precor.

COLLOQ. XIII. ARGV M.

Quidam profecturus ad vindemiam, promittit amico se curaturum ut rus accersatur. EXEMPLVM puerilis amicitia:

DVÆVS. BALLINVS.

Quando profecturus es domum? B. Cras, Deo iuvante. D. Quis iussit? B. Pater. D. Quando autem iussit? B. Ad me scripsit superiore hebdomade. D. Quo die litteras accepisti? B. Die Veneris. D. Quid continebant præterea littera? B. Omnes rectè valere, proximis diebus initium fore vindemiae. D. O fortunatum, qui vindemiatum properas! B. Vis dicam patri meo ut te accersat? D. Quàm gratum mihi faceres! sed vereor, ut nolit. B. Immo gaudebit, cum propter nostram coniunctionem, tum verò quia & Latinè colloquendo nos exercebimus; & de studio

studii vnà interdum conferemus. D. Oh, gaudio totus exilio. Amabo-te, id curâ mi animule. B. Senties: interim Deum precemur, vt dicta, facta, & consilia nostra vertat in gloriam sui nominis. D. Bene mones: & certè ita expedit facere.

COLLOQ. XV. ARGVM.

Aurelius à Lamberto cuncte domum petit sibi vuas adferri.

EXEMPLVM desiderij puerilis.

AVRELIVS. LAMBERTVS.

Siste parumper gradum, Lamberte: quò properas? *L. Rectè à domum. A. Quid eò? L. Mater vult me paucis conuenire. A. Nescis quam obrem? L. Nescio, nisi fortè vt vestimenta hiberna mihi faciendâ curet. A. Istud est verisimile: iam enim instat hiems. L. Iam visa sunt gelicidia, & glacies etiam alicubi. A. His diebus vidi in foro montanos quosdam, qui dicebant magnam vim niuiù decidisse superiori hebdomade; cùm hic interea lentas pluuias tantum videremus. L. Ego quoque id ipsum audiui domi nostrâ ex rusticis, qui triticum nobis aduexerant. Sed cogor aberrumpere sermonem, ne mihi irascatur mater. A. Sed heus tu, mi Lamberte, adfer mihi domo aliquot vuas: nam amplissima fuit vobis vindemia. L. Adferam, vt spero, vtrique nostrum affatim: nisi si quid sortè mater irata est mihi. A. Istud auertat Deus.*

COLLOQ. XVI. ARGVMENT.

Pelignus & Bartholomæus euntes ad tonsorem colloquuntur.

Nemo gaudet se adiri intempestiue.

PELIGNVS. BARTHOLOMÆVS.

Quò-nam is tam celeriter? *B. Ad tonsorem. P. Ego quoque vnà tecum. B. Rogasti veniam? P. Non rogavi: sed tantisper expecta me, dum eo rogatum. B. Festina igitur. P. Mox rediero. Redij: eamus nunc iam. B. Quo vultu te praeceptor excepit? P. Hilario sanè. B. Eodem me quoque exceperat. P. Non solet irasci nobis, nisi illum adeamus intempestiue. B. Quotus quisque id non agere fert? P. Etiam nos, qui pueri sumus, saepius*

D

irasci.

irascimur condiscipulis, cum studia nostra, quantulacumque sunt, interpellant. Sed iam desinamus: optimè tonsorem ante officinam video. B. Euge, nulli sunt igitur expectantes: ita fiet, ut minus diu mereamur.

COLLOQ. XVII. ARGVM.

De quodam rus profecto cum patre.

NOMENCLATOR. PVER.

Vbi est Petrus? P. Iuit foras. N. Quid? P. Abiit rus. N. Quicum? P. Cum patre. N. Quis venerat accersitum? P. Patris famulus. N. Quando est in urbem rediturus? P. Hinc (ut dixit) ad octauum diem. N. A quo petiit abeundi veniam? P. Ab hypodidascaleo. N. Cur non potius à ludimagistro? P. Ad negoria prodierat. N. Sat habeo.

COLLOQ. XVIII.

RICHARDVS. NIGER.

Quid ascendis? N. In cubiculum nostrum. R. Quid eò? N. Petritum thecam scriptoriam. R. Adfer mihi cingulum eadem opera. N. Vbi est? R. Super arcam meam. N. Adferam: sed tu me hic expecta. R. Nusquam moueo.

COLLOQ. XIX. ARGVM.

Sub præcepto de parentum obedientia, continentur omnes qui nobis præsunt. Contentiones vitandæ.

PVTEANVS. VITACTVS.

Nescis vetitum esse, ne submisce loquamur inter nos? V. Quidni scirem, cum præceptor tam sæpe nobis inculcet eius rei causas? P. Cur igitur modò faciebas contrà? V. Quia Petrus ita me cœperat alloqui. P. Quid tum? debuisti illum admonere, non imitari. V. Deui; sed tunc mihi non venit in mentem. P. Sed interim notandus es. V. Minimè verò; nisi vis esse ipso præceptore seuerior. P. Dic mihi causam. V. Quia præceptor vetat quempiam notari, qui sponte delictum agnouerit, modò ne tale sit factum, quod verbo Dei interdictum sit. P. Nónne à Deo præceptum

ceptum est, vt parentibus obediamus? v. Illud est quintum Decalogi praeceptum. P. Atqui praeceptum illud patet latius. Nam parentum nomine, praeceptores complectitur, & magistratus, & denique omnes quibus Deus ipse nos subiecit. v. Non equidem nego vera esse quae narras: sed malo praeceptorem consilium, quàm tecum disputare: alioqui in maius malum me induceres, quod est contentiosis virum, multo magis à praeceptore vetitum. P. Aequum ducis: memineris igitur praeceptorem admonere; cùm rationes à nobis exiget. v. Ne putes me obliturum; praesertim cùm mea res agatur.

COLLOQ. XX. ARGVMENT.

Curiosus res nouas audire semper capiat.

ROSSETVS. FERRERIVS.

Vnde venis? F. E foro. R. Quid illic audisti noui? F. Nihil. R. Nihilne? F. Nihil prorsus. R. Mirū est te nihil audisse de bello, aut de ceteris rebus Gallicis. F. De iis quae nihil ad me pertinent, non soleo percurrere. R. Esto: sed tamen aliquid vel in transitu audiri solet. F. Ne mentiar, intellexi nonnihil in transitu. R. Narra mihi, quaeso. F. Nunc non est narrandi spatium. R. Cur non? F. Est mihi aliò properandum. R. Quonam? F. Nihil ad te. R. Quando igitur reuises nos, vt ex te istud audiamus? F. A prandio, si licebit per otium. R. Amabo te, fac liceat. F. Dabo operam: sed me detines diutius. Vale.

COLLOQ. XXI. ARGVMENT.

De reditu ex villa.

FRANCISCVS. DIONYSIVS.

Vbi fuisti his diebus? D. Ruri. F. Quo in loco? D. In villa nostra. F. Quid agebas illic? D. Ministrabam patri. F. Quid verò ille? D. Pascebat vites nostras. F. Quando illinc redisti? D. Heri tantum. F. Quid pater? D. Vnà mecum reuersus est. F. Bene factum: sed quò nunc is? D. Rectà domum. F. Quando repetes ludum litterarium? D. Cras, iuuante Deo, aut ad sum-

mum perendie. F. Ergo interim vale. D. Et tu vale mi Francisce.

COLLOQ. VII. XXII. ARGV. M.

Officium promittitur amici absentis nomine.

FONTESIVS. CVRTETVS.

Quando rediturus est Blasius? C. Non cerò scio, fortasse die crastino: sed cur istud rogas? F. Quia secum abstulit catalogum: & praeceptor irascetur si nemo sit qui recitet. C. Relinque mihi istam curam: habeo catalogi exemplum. F. Recitabis igitur? C. Recitabo. F. Bene facies: & noster Blasius referet gratiam, si qua se offret occasio.

COLLOQ. XXIII. ARGV. M.

Garbinus & Furvarius locantes se exercent in vsu & syntaxi huius nominis Domus: & obiter alia simul tractant. Sine Dei voluntate nihil fit boni.

GARBINVS. FVRVARIVS.

Quod est tibi domicilium? F. Paterna domus. G. Vnde nunc venis? F. Domo. G. Vbi prandisti? F. Domi. G. Vbi cœnabis? F. Domi vestrae; vt spero. G. Quis scis? F. Pater ipse tuus hodie me inuitavit. G. Vbi illum vidisti? F. Domi Varronis. G. Quod illic erat tibi negotium? F. Pater me miserat nunciatum aliquid. G. Scire etiam velim, vbi sis cubiturus. F. Domi fratris. G. Quid habes negotij cum fratre tuo? F. Dixit sorori nostrae se velle conuenire me otiosè. G. In qua domo habitat? F. In quadam conducticia. G. Ehd, nullámne habet propriam domum? F. Habet quidem, sed eam locat quibusdam inquilinis. G. Locat igitur domum propriam, conducit alienam. F. Scilicet, vt ex me audis. G. Quanti locat? F. Octodecim aureis Italicis, quos nunc Pistoletos vocant. G. Cur illam non potius habitat? F. Quia sita non est in loco satis commodo, siue (vt ita loquar) mercatorio. G. Sed illam alienam quanti conducit? F. Longè pluris. G. Quanti igitur? F. Quinque & viginti. G. Cara est habitatio. F. Carissima: sed quid agas? Loci commoditas id facit. G. Age (vt aliquando tandem finiamus) dic precor, scisne vbi cras futurus sis?

F. Do-

F. Domum reuertar; vt inde in scholam me conferam; si quidem permiserit Dominus. G. Cur addis, Si Dominus permiserit? F. Quia nisi permissu Dei, ne domo quidem exire possemus. G. Istud audiui saepe ex praeceptore. F. Cur ergo rogabas? G. Quia numquam nimis dicitur quod bene dictum fuerit, praesertim vbi de rebus diuinis agitur. F. Istud quoque ex praeceptore didicimus. G. Verum: sed vtile est talia saepe repetere ad memoriam exercendam. F. Vide quò nos sensim adduxerit tua prima interrogatio? G. Tantùm volebam paucis verbis tecum iocari. F. Agè, quoniam nunc satis animum exercuimus; non vis etiam corpus exercere, valetudinis causa? G. Quidni velim? F. Eamus igitur lusum pila palmaria; nam eo lusu scio te delectari. G. Delector sanè: sed nunc pilam non habeo. F. Ecce tibi: sequere me. G. Ego te sequar libens: tu me bene ducito.

COLLOQVII XXIIII. ARGVM.

Pecuniam creditam reposcit creditor à debitore. Deus omnia gubernat.

CREDITOR. DEBITOR.

Quoad patris reditum expectas? D. Hinc ad diem octauum. C. Quis scis diem? D. Ipse pater ad me scripsit. C. Aduentus eius (vt spero) te ditabit. D. Crasso ditior ero, si bene numatus venerit. C. Tunc mihi mutuum reddes? D. Non est quòd dubites, quin, si tibi opus erit amplius, non modò reddam mutuum; sed etiam referam gratiam. C. Quomodo? D. Pecuniam mutuam vicissim dabo. C. Nihil opus erit, spero. D. At ne scis quid possit accidere. C. Tempus est breuissimum. D. Non edico, quòd tibi velim ominari malum. C. Quicquid ominentur homines, Deus clauum tenet. D. Sed quid cessamus recipere nos in auditorium? C. Opportunè admones.

COLLOQ. XXV. ARGVM.

Patris docti diligentia in filiis domi docendis. Beneficium Dei agnoscendum ab iis qui bonos parentes habent.

Quando rediſti domo? *M.* Tantum redeo. *P.* Vbi eſt frater?
M. Manſit domi. *P.* Cur manſit? *M.* Vt pranderet cum
 matre. *P.* Tu verò cur etiam non manſiſti? *M.* Iam pranderam
 cum patre. *P.* Quis vobis miniſtrabat? *M.* Ancilla. *P.* Quid ma-
 ter? ubi erat? *M.* Etiam domi, ſed occupata. *P.* Qua in re? *M.* In
 recipiendo tritico quod nobis aduectum fuerat. *P.* Quando redi-
 ſtis domum? *M.* Cum accerſar à patre. *P.* Quo die iſtud erit? *M.*
 Fortaſſe hinc ad quatuor dies. *P.* Cur vos tam ſæpe comiteatis?
M. Sic volunt parentes. *P.* Quid agitis domi? *M.* Quod iubemur
 à parentibus. *P.* Sed interim perit vobis ſtudiorum tempus. *M.*
 Non omnino perit. *P.* Quid igitur? *M.* Quoties pater non eſt ne-
 ceſſario occupatus, omnibus horis exercet nos; manè, ante &
 poſt prandium, ante cœnam, à cœna ſatis diu; poſt. emò etiam
 antequam cubitum eamus. *P.* Quibus rebus vos exercet? *M.* Exi-
 git à nobis ea poſſimum, quæ tota hebdomade in ſchola didici-
 mus: themata noſtra inſpicit, ac de iis nos interrogat: ſæpe dat
 nobis aliquid modò Latinè, modò Gallicè deſcribendum: inter-
 dum etiam nobis proponit breuem ſententiam vernaculo ſer-
 mone, quam Latinè vertamus: interdum contrà, iubet aliquid
 Latinum Gallicè reddere vel Flandricè. *P.* Mira narras, ſi modò
 vera. *M.* Immo ſunt longè plura, quàm quæ tibi narraui: ſum
 enim oblitus morum ciuilitatem: de qua etiam admonere nos
 ſolet in menſa. *P.* Cur pater veſter tantum ſumit laborem in vo-
 bis docendis? *M.* Vt ſic intelligat num in ſchola operam luda-
 mus; & tempore abutamur. *P.* Mira hominis diligentia, atque
 aded prudentia. O quàm deuini eſtis Patri celeſti, qui talem
 patrem in terra dedit vobis! *M.* Faxit ille, vt hoc & cætera eius
 beneficia nunquam obliuiſcamur. *P.* Bonum & pium eſt iſtud
 optatum: cura vt habeas non modò in ore, ſed in animo etiam
 magis. *M.* Quod me tam fideliter mones, habeo tibi gratiam. *P.*
 Bene moneſdi officium debemus omnibus, ſed maxime familia-
 ribus

ribus & amicis. M. Rectè iudicas. Sed viso num frater domo tandem reuerterit : nam ad cessandum promptus est plus satius.

COLLOQ. XXVI. ARGVMENTVM.

Res ad bonam scripturam necessaria. Probus puer bene merendi occasionem non molò expectat, sed etiam quærit. Charitas Christiana. Spiritus auctor eius. EXEMPLVM diligenter notandum.

MYCONIVS. PETELLVS.

Seriò-ne scribis, an tu ineptis? P. Equidem scribo seriò, cur Senim tempore abuterer? Tu verò cur istud rogas? M. Quia vidi aliquando cùm bene scriberes. P. Scribo interdum melius. M. Qui sit igitur vt nunc tam scribas malè? P. De sunt mihi bene scribendi adiumenta. M. Quæ tandem? B. Bona charta, bonum atramentum, bona penna. Nam hac mea charta (vt vides) misèrè perfruit: atramentum est aquosum, & subalbidum: penna mollis, & malè parata. M. Cur ista omnia maturè non prouidisti? P. Pecunia mihi deerat, & nunc etiam deest. M. Incidisti in illud vulgare prouerbum, Cui deest pecunia, huic desunt omnia. P. Sic agitur mecum. M. Sed quando te speras accepturum? P. In mercatu proximo pater ad me missurus est; aut ipsemet venturus. M. Ego te interea inuare volo. P. Si quidem id potes, magno beneficio me affeceris. M. Accipe hos sex asses mutuo ad chartam, & cetera comparanda. P. Quàm verè dictum est illud, Amicus certus in re incerta territur! Sed quid te impellit, vt mihi vltro tam benignè facias? M. Charitas illa Dei, quæ (vt Paulus ait) effusa est in cordibus nostris. P. Mira est vis diuini Spiritus, qui eius auctor est charitatis. Sed mihi interim cogitandum, quomodo tibi refferam gratiam. M. Parua res est: omitte istam cogitationem; ne te impediat, quominus in vtramuis aurem dormias: tantum redde mutuum, cùm tibi commodum fuerit. P. Reddam (vt spero) propediem. M. Eamus ad precationem; ne notemur. P. Adde vnum, si placet. M. Quid est? P. Nè hodie incænati mittamur cubitum. M. Ha, ha, ha, he.

COLLOQ. XXVII. ARGVM.

Doſti adoleſcentis colloquium cum puero mediocriter proueſto. Admonitio ad præſtandum mutuas operas. precatio. Quid pueris agendum, cum manè ſurrexerint. Deus agnoſcendus eſt adiutor. Spes certa in Deo neminem fruſtratur. Philoſophi ethnici multa verbo diuino conſentanea dixerunt.

VELYSATVS. STEPHANVS.

Q Vota hora ſurrexiſti hodie? s. Paulo ante quintam. v. Quis te expergeſecit? s. Nemo. v. An ceteri iam ſurrexerunt? s. Nondum. v. Non iuiſti illos excitatum? s. Non iui. v. Quamobrem? s. Neſcio, niſi quia non putabam illud ad me pertinere. v. An non te illi excitant interdum? s. Immo ſapiſſimè. v. Deuiſti igitur ſimiliter facere. s. Deui, ſatcor. v. Memento igitur, vt poſthac facias. s. Meminero, Deo iuuante. v. Sed tu quid feciſti, ex quo ſurrexiſti è lecto? s. Primum flexis genibus precatus ſum. v. Factum bene: quid poſtea? s. Deinde ornaui me; & curaui corpus mediocriter, vt Chriſtianum decet: poſtremò ad quotidiana ſtudia me retuli. v. Si perges ſic facere, ne dubites, quin Deus tua iuuet ſtudia. s. Adhuc me ſemper iuuit, qua eſt eius benignitas, nec me (vt ſpero) derelinquet. v. Rectè loqueris: nec ille ſpem tuā fruſtrabitur. s. Anno ſuperiore didici in Catone, Spem retine; ſpes vna hominè nec morte relinquit. v. Quòd retinueris, bene feciſti; eſt enim egregia ſententia, & homine Chriſtiano digna. s. Atqui aucler eius libri nō ſuit Chriſtianus. v. Non ſuit, certa res eſt. s. Vnde igitur ſumpſit tot pulchras ſententias? v. Maximè ex philoſophis ethnicis. Nam & ipſi diuino Spiritu illuminati, plurimæ dixerunt, que ſunt verba Dei conſentanea: quod tu quoque videre aliquando poteris, ſi litterarum ſtadium proſequère. s. Ego proſequar (vt ſpero:) dummodo ipſe Deus det patri meo vitam longiorem. v. Precare diligenter, & ex animo, vt illud contingat. s. Quotidie id precor ſæpe. v. Det tibi Dominus Deus in omni opere bono perſeue-

seuerantiam. s. Quod mihi optas, idem tibi precor: & gratias ago, quod me tam fraternè monueris.

COLLOQ. XXVII. ARGVM.

Inuitatio ad lulum. Euentus ludi. Quicquid nobis accidit, est boni conlulendum. Ditari aliquem Deo adiuuante. Spe lucri non est ludendum. Ethnicorum doctrina de fortuna. Admonitio careat odio, & inuidia. Solus Deus est cordium scrutator.

EXEMPLVM admonitionis mutux.

DOMINICVS. BARRASIVS.

VBi sunt iuglandes tue? B. De quibus loqueris iuglandibus? D. Quas hodie ex pramio accepisti. B. Vbi sint rogas? quasi verò tibi seruare debuerim. D. Non sic intelligo: sed quero, quid feceris. B. Edi in merenda. D. Edisti miser? cur potius non seruabas ad ludendum? B. Edere malui, quàm perdere. D. Non poteras perdere nisi duodecim. B. Fateor. D. Quod si sors tulisset, potuisses ducentas, aut fortasse plures lucrifacere. B. Dubius est (vt vulgò dicitur) ludi euentus. D. Quid tum? ubique parati esse debemus in vtramq. partem, & boni consulere quicquid nobis euenerit. B. Istud ego scio: sed non sum admodum ludendi peritus in eo genere. D. Abi, nūquam rem facies. B. Aliquis rem facit Deo volente: nec ego ditari ex ludo velim. D. Ergo (vt video) quarendus mihi est collusor alius. B. Nihil sanè impedio. Sed mane parumper. D. Quid vis? B. Quid tu vocas sortem, de qua hīc mihi mentionem fecisti? D. Ipsam fortunam. B. Quid autem est fortuna? D. Stultorum opinio. B. De fortuna quid opinantur stulti? D. Nunc mihi non vacat de hoc tibi respondere: sed vide annotationem præceptoris in Catonem. B. In quem locum? D. In illum versiculum, Indulget fortuna malis; vt lædere possit. B. Vt video, non ignoras quid sit fortuna. D. Satis scio fortunam nihil esse. B. Cur ergo dixisti, Quod si sors tulisset? D. Excidit mihi sic loqui Ethnicorum more. Nam eorum libri (vt sapè docet præceptor) pleni sunt eiusmodi impia doctrina. B. Nihil mirū: nepe illi veram Dei cognitionem non habuerūt. D. Sed audi mi Barrasif:

vis amplius disputare;quare tibi alios disputatores,nā mihi nunc serio ludendum est: volo tamen prius te vicissim admonere. B. O quā gratū mihi feceris! D. Nōne dixisti hac verba, Dubius est ludi euentus? B. Fateor me dixisse: sed pramuniui. B. Quomodo istud intelligis? B. Addidi enim hac tria verba; vt vulgō dicitur. D. O astutiam vulpeculam! os occlusisti mihi. Sed hac inter nos sine odio, aut maleuolentia dicta sint. B. Nouit Deus vtriusque animum. D. Est enim ille solus cordium scrutator. Sed quid tu? vis hic solus otio torpescere? B. Cogito quo lapsu me exerceam. D. Quasi verò sit diuinus cogitandum. Agē, sequere me, dabo tibi mutuo iuglandes. B. Amicē nunc loqueris: sed quando reddā? D. Ad Calēdas Gracis: si non potes citius. B. O festū caput! eamus.

COLLOQVII XXIX, ARGVMENTVM.

Hic probi adolescentis admonitio contemnit ab improbo. Scētia res inestimabilis. Misericordia. Bona externa perdunt multos. Diuitiæ sunt Dei donum. Virtutis & scientiæ possessio. Meus bona.

RVFVS. CASTRENSIS.

QVando repetes ludum litterariū? C. Nescio. R. Cur de hac re patrem non admones? C. Quid putas me curare? R. Parum admodum, vt credo. C. Profectò verum dicis. R. Satis est signi te non amare litteras, C. Scio legera, Latine loqui, saltem mediocriter: quid opus est mihi tanta scientia? R. O miserum adolescentem! siccine rem contemnis inestimabilem? C. Quid tu sic exclamas? vnde tibi videor miser? R. Amice, nulla tibi à me orta est iniuria; quod enim tibi dixi, non est conuicium: ne tu in malam partem accipias: sed misereor tui, quia id contemnis quod felicitatem parit. C. Lucrum, diuitia, & voluptas felicitatem pariunt. R. Immo ista multis fuerunt exitio: tametsi diuitiæ sunt donum Dei, nec nocent nisi iis qui abutuntur: verum enimvero nulla est homini pretiosior possessio, quā virtus, & rerum honestarum cognitio. C. Vis igitur concionari; vt video. R. Vtinam diuinas conciones audiuiſſes diligenter. C. Hem, obtundis me;

dis me; num quid vis? R. Vt bonam mentem det tibi Deus. C.
Ea fortasse tibi est magis opus, quàm mihi. Vale.

COLLOQVII XXX. ARGVMENTVM.

Euntes in scholam Latinè colloquuntur, Simile gaudet simili. Im-
proborum mores probis odiosi.

MICHAEL. FRISIVS.

Salue Frisi. F. Tu quoque saluus sis, Michael. Quota est hora?
M. Mox audies sonū semihora post quintam. F. Bene habet:
maturè satis aderimus. M. Gaudeo me tibi occurrisse; vt euntes
Latinè tantisper colloquamur. F. Ea sanè est utilis & iucūda ex-
ercitatio. M. Quoties incuto in aliquem ex istis dissolutis nebulo-
nibus, mallet in hedarium offendisse. Non enim per eos mihi licet
aliquid in v. a meditari, adeò mihi eorum mores odiosi. F. Nihil
mirum: nam ferè sunt eiusmodi, vt neque loqui velint quidpiam
boni, neque audire sustineāt. M. Quid cum illis agas, quibus nihil
est cura, nisi vt suas libidines expleāt? F. Nihil aliud crepant, nisi
suas cupedias, & meras cōpotationes in secretis cauponulis. M.
Etiā nos irident plenis buccis, quòd Latinè per vicos loquamur.
F. Illud verò est omnium pessimum, quòd nusquam se patiuntur
admoneri. M. Quia scilicet (vt ait Propheta) non est timor Deū
ante oculos eorū. M. Siquid occeperis amicè commonere, statim
audies, Tace concionator, obtundis me. Quòd si dixeris, deferam
te ad praeceptorem, aut ad obseruatorem: Oh, ego bene curo, in-
quiunt: tu non auderes. Nam si me accusares, non ferres impu-
nè. E. Immo verò te continuò verberabunt: si locus erit semotus ab
arbitris. M. Profectò cūm quidam eorum me nuper offendisset in
quodam recessu; impēgit mihi in vtramque malam duos ingen-
tes colaphos: & aufugit continuò. F. Quid tu, quaso, interea? M.
Quid istud quæris? tam illud subitum fuit, vt vix hominem aspi-
cere potuerim. F. Sed qui tam citò & sensim ad scholam perue-
nimus? M. Sic fere confabulantibus vsu venire solet. F. Agè, in-
grediamur sine murmure & strepitu; ne studentes offendamus.

COL-

COLLOQVIVM XXXI.

PROBVS. AMICVLVS.

VNde adfers istam tuniculam? A. Domo. P. Quid vis facere? A. Volo induere. P. Nunc non est mutandi tempus. A. Quando igitur? P. Cras manè, cum surges è lecto. A. Bene mones: expectabo.

COLLOQ. XXXII. ARGVM.

Antonius & Daniel colloquuntur de matrimonio. Adolescens doctus & bene moratus; puella bene instituta. EXEMPLVM prospericoniugij.

ANTONIUS. DANIEL.

EVge, audiui sororem tuam nupsisse. D. Verum audiuisti. A. Quis est maritus eius? D. Quidam civis Lugdunensis, honestis parentibus progenitus. A. Estne dives? D. Sic habetur: sed tamen pater meus hoc longè pluris facit, primum, quòd ille sit bene moratus adolescens: deinde, quòd non solum doctissimus, sed etiam bonarum litterarum amantissimus: denique, quòd diligens Dei cultor, & Christianæ religionis summus observator. A. Mihi narras egregios adolescentis titulos. O felicè sororem tuam, qua Dei beneficio talem virum nacta est! D. Felicem sanè non ab re dixeris: siquidem bonum illud perpetuò sic agnoscat, vt semper meminerit ex Dei bonitate profectum esse, ob idque immortales agat eidem gratias. A. Credo id facturam. D. Ita spero quidem; sic enim à parentibus semper bene instituta est. Sed me iam aliò reuocant domestica negotia. Ergo vale mi Antoni. A. Tu quoque bene vale, suauissime Daniel. D. Nunquid vis? A. Vt verbis meis dicas salutem plurimam tuis omnibus, præcipuè patri, matrique, & ipsi noua nupta: meque illi gratulari faustum illud coniugium. D. Ego verò id faciam, & quidem libentissimè.

COLLOQ. XXXIII. ARGVM.

Henricus conferre quærit de concione sacra: Gerardus recusat atque offenditur. EXEMPLVM in morum dissimilitudine.

HEN-

HENRICVS. GERARDVS.

Hodie te non vidi in concione: quid illud sibi vult? G. Quid sibi velit nescio: ego tamen interfui. H. Narra mihi qua mandasti memoria. G. Non est tuum à me rationem exigere. H. Ego quidem non exigo: verum id rogo, vt memoria causa conferamus vnà. G. Malim nunc solus recordari. Audies me (si voles) cum praeceptor ante prandium nos interrogabit. H. Quid mali esset, si nunc inter nos ea de re conferremus? G. Nihil mali esset; fateor: sed nunc mihi non libet. H. Tua igitur te libido regit. G. Omitte me: cur molestus es? H. Omitto sanè; sed audi vnum verbum. Non decet puerum esse tam morosum. G. Nec puerum decet esse tam molestum.

COLLOQ. XXXIIII. ARGVM.

Admonitionem bonam puer bonus in bonam partem accipit: & gratias habet monitori.

RVBLIVS. LEPVSCVLVS.

Quid fecisti regula mea? L. Reliqui in pergula superiore. R. Cur eam reliquisti? L. Oblitus sum. R. Non rectè factum: sed tu sic facere soles, si quid tibi fuerit commodatum. L. Piget me negligentiae meae. R. Non satis est dolere; nisi mores mutare velis. L. Deum precabor, vt mihi mutare velit. R. Si sapias: alioqui nemo tibi posthac commodare volet. L. Habeo gratiam, quod me tam amice monueris. R. I nunc repetitum meam regulam: est enim ea mihi opus ad ducendas in charta lineas. L. Nunc eo. R. Refer ad me in cubiculum. L. Mox habebis.

COLLOQVII XXXV. ARGVM.

Admonitus monitionem viciislini monet.

Suspectus caueas, ne sis miser omnibus horis:

Nam timidus & suspectis aptissima mors est.

In suspiciosos.

EMERICVS. BALDVS.

Cur solus rides? B. Quid tua? E. Quia fortasse rides me. B. Vnde tibi orta est ista suspicio? E. Quia malus es. B. Omnes

Omnes quidem mali sumus: at ego te peior non sum. Nemo igitur ridet nisi aliquem irrideat? E. Non sic intelligo: sed qui solus ridet (ut saepe audini) aut stultus est, aut aliquid mali cogitat. B. Ista sententia cuius sit nescio, sed cuiuscumque sit, non est perpetua vera. tamen admonitionem tuam in bonam partem accipio: teque moneo vicissim, ut caueas suspiciosus esse. Nam timidus, & suspectus aptissima mors est, ut est in morali nostro carmine. E. Memini: boni tamen consulo admonitionem tuam.

COLLOQ. XXXVI. ARGVMENT.

Nicolaus Mercerium monet, ne sit curiosus alienarum rerum percunctator. Horatius: Percunctatorē fugiro, nam parulus idem est: Nec rerum patula commissa fideliter aures. **EXEMPLVM** in percunctatores.

NICOLAUS. MERCERIUS.

Vnde venis? M. Domo. N. Quid agitur domi vestra? M. Nihil tua refert. N. Fateor: sed familiares sic rogare serè solemus, perinde quasi rogemus, Ut valetis? Quomodo se vestrae res habent? M. De re aliena nimium percunctari non decet. N. Taceo: sed vidēis mihi pro atate nimis sapere. M. Nihil meum dico: id audini saepe. N. Ego quoque non semel audini. M. Cur ergo non vteris? N. Quia non semper in mentem venit. M. Immo qui tu es percunctator: quare res non sine causa datur vitio. N. Habeo gratiam, quod me ad eum amicum moneas: posthac, adiuvante Deo, cauebo ineptus esse. M. Ita paulatim sapiēs.

COLLOQ. XXXVII. ARGVMENT.

Admonitio de civilitate morum.

HUMBERTVS. PLANTINVS.

Hec tu, praeceptor adest. P. Quid tum? H. Respice ad illum. P. Quamobrem? H. Ut ei caput aperias, & venientem salutes. P. Ita decet facere: sed aliud cogitabam. H. Tace.

COLLOQ. XXXVIII. ARGVMENT.

Latinus sermo colloquii exercetur. Colloquiorum materia. Otiosus sermo qui sit. Docilitas.

PONTANVS. MARCVS.

Vnde redis? M. Foris. P. Cur exieras? M. Redditū vrinam.
 P. Qualis est cali facies? M. Nebulosa. P. An regelat? M.
 Sic resoluitur gelu, vt niues omnino liquecant. P. Etiām-ne
 pluit? M. Sensi aliquid supernè distillare. P. Fortasse in transitu,
 è stillicidio tecti. M. Immo è nubibus, scio: quod si non credis,
 vise tu ipse. P. Quasi ego tibi non credam in re tantilla. M. Cur
 igitur dubitare videbaris? P. Vt pluribus verbis tecum fabula-
 rer. M. Quorsum id pertinet? P. Ad Latinum sermonem exer-
 cendum. M. Sed interim saepe otiosa verba dicimus, à quibus
 omnino abstinendum Christus precipit. P. Tota erras via in
 precepti intellectu. M. Cur istud dicis? P. Quia non est otiosus
 sermo, qui ad aliquam institutionem refertur, praesertim vbi
 agitur de bonis & honestis rebus: qualia sunt Dei opera in re-
 bus naturalibus. M. Videris mihi rectè sentire: proinde faciliè
 tibi assentior. P. Sed hac hactenus. instat nobis aliud negotium.
 M. Agè, desinamus.

COLLOQ. XXXIX. ARGV M.

EXEMPLVM obliuionis.

TROLLIETVS. BOLANVS.

SCin-tu quota sit hora? B. Non certum scio: sed video insta-
 re cœna tempus. T. Me miserum! oblitus sum adire ma-
 trem, qua iusserat. B. Curre, curre: opportunè venies, vt cœnes
 domi. T. Rectè miones: eo rogatum veniam. B. Eccum hypodi-
 dascalum. T. Optimè adest.

COLLOQ. XL. ARGV M.

Rolandus & Lambertus de scalpello recens empto colloquun-
 tur. Res inuenta restituenda est domino, si cognosci potest.
 Inuentori dandum aliquod præmium. Deus precandus &
 laudandus.

ROLANDVS. LAMBERTVS.

QVid ais de scalpello quod emeram tibi nudius tertius? ést-
 ne satis bonū? L. Inmo verò est optimū, sed (me miserū)
 parum

parum absuit, quin perdiderim. R. Eho, quid ais? quomodo id accidit? L. Cum redirem foris, exciderat mihi in vico. R. Vnde exciderat? L. E theca mea, quam imprudenter apertam reliqueram. R. Quomodo recuperasti? L. Affixeram statim chartulam valvis templi: post prandium quidam puer sextæ classis mihi retulit. R. Utinam omnes tam fideles essent, qui res amissas reperiunt. L. Profectò pauci sunt qui restituant, si modò sit res alicuius pretij. R. Et tamen id verbo Dei nominatim precipitur. L. Quidni? est enim furti species; si quis rem alienam inuentam retineat, modò sciat cui reddenda sit. R. At plerique putant se iure possidere quicquid amissum inuenerint. L. Errant illi quidem grauissimè. R. Verum (ut redeamus ad inceptum sermonem) quid dedisti puero qui scalpellum tuum inuenerat? L. Dedi sextantem, & nuces aliquot iuglandes: laudani prater ea, & paucis admonui idem semper esse faciendum. R. Rectè fecisti: sic enim libentius reddet alijs, si quid repererit. Sed quid, si perdidisses? L. Aequo animo tulissem: & mihi emissem aliud. R. Itane aequo tulisses animo? L. Certè non sine aliqua molestia. R. Non igitur aequo animo: sed nolo te arctius urgere. L. Non sumus theologi. R. Quid ergo? L. Grammaticuli. R. Et quidem imperiti. L. Tanto diligentius Deum precari debemus, ut nos liberet ab inscitia & ignorantie tenebris, in quibus & versati sumus, & adhuc versamur. R. Id verò facimus, si sanctis admonitionibus pareamus, quas audimus quotidie à præceptore, & sæpe à concionatoribus. L. Vide quantum profuerit nobis scalpelli mei amissio. R. Ob eam rem tibi dupliciter gratulor, primum, quòd tibi rectè emerim: deinde quòd amissum recuperaueris. L. Habeo tibi gratiam, mi Rolande. R. Quin patri nostro calesti sit laus, & gratiarum actio. L. Amen.

COLLOQ. XLII. ARGUMENT.

De pennis ad scribendum acuendis. Pennarum bonarum notæ.

MACARIUS. CAROLVS.

Mihi

Mihi non videris nimis occupatus. c. Mediocriter. m. Quid si mihi ex acuas duas aut tres pennas? c. Satis sit tibi, si vnā acucro in praesentia. Sūnt-ne nouae? m. Noua quidem, sed parata vsquedum acuantur. Iam enim leuigauī, caudam rescidi, detraxi plumulas. c. Ostende, profectō sunt optimae, & ad scribendum aptissimae. m. Vnde id nosti? c. Quia sunt caule amplo, firmo & nitido. Nam molles, & quae caulem breuiorem habent, parum sunt ad scribendi vsum habiles. m. Gaudeo me vtiliter emisse. c. Non ab re. sed quanti? m. Pro his tribus dedē quadrantes duos. c. Singulas igitur binis emisisti denariolis. m. Res apparet. Est vile pretium pro rei bonitate. c. De quo emisisti? m. De quodam circumforaneo. c. Apud huius opidi mercatores singula, & quidem minus bonae, venduntur sextantibus. m. Et tamen audent interdum dicere pluri sibi constare Lugduni. c. Ea ferē est mercatorum consuetudo, nihil enim proficiunt nisi admodum mentiantur, vt ait Cicero. m. Sed agē, ne te diutius remorer, agamus quod instat. c. Citō expediere. aspice me diligenter; vt discas aliquando. m. Aspicio intentis oculis: sed mihi opus esset spatio paulo longiore. c. Istud ergo fiet in cubiculo, si quando me velis inuisere. m. Quo tempore? c. Post schola missionem: hoc est, hora nona matutina, vel quarta pomeridiana. Nunc habes pennas duas, rectē (ni fallor) in vsum tuum accommodatas. Hanc tertiam in aliud tempus tibi integram seruabis. m. Accipe tibi, si placet. c. Quin tibi serua: domo adferuntur mihi satis multae. m. Ago tibi quantas possum gratias, vale. c. Incolumem te conseruet Deus. Sed heus, ne parcas vnquam labori meo. m. Tu quoque & me, & rebus meis vicissim vttere, si quid opus fuerit. Iterum vale.

COLLOQ. XLII. ARGVMENTVM.

Breuis confabulatio, sed doctrinae plena. Vir bonus & prudens occasionem docendi capit ē re minima.

PVTEANVS. BVERLA.

E.

Vnde

VNde veniebas modo? B. E culina. P. Quid illuc iueras? B. Ut me calefacerem. P. Tu, credo, libentius es in culina, quàm in schola: nōne? B. Nihil mirum: in schola non est ignis. sicut in culina. P. Abi, sapis. B. Vtinam tam sperem in divinis rebus, quàm in cura corporis. P. Fac sapias. B. Quomodo? P. Studio, cura, labore, diligentia. B. Non parco labori. P. Recte facis; sed est tempus expectandum, cuius progressu fiunt omnia. interea precandus est Deus assidue. B. Bene mones, utinam illa studia nostra promoveat in gloriam sui nominis. P. Id faciet si pergamus eum colere diligenter.

COLLOQ. XLIII. ARGV M.

Ab amico quidam mutuo alicui impetrat. Obiter mentio fit de providentia Dei.

MARTIALIS. BLANCVS.

Quantum habes pecunie? B. Asseni cū semisse. tu verò? M. Non tantum. B. Quantum igitur? M. Vnicum asseni. B. Vis mihi a.ire mutuo? M. Est mihi opus. B. In quē usum? M. Ad emendam chartā. B. Hodie reddam tibi. M. Addendū fuit, Deo iuvante. B. Sic docet praeceptor, sed non possum assuescere. M. Fac assuescas. B. Quomodo id fiet? M. Si saepe cogites nos à Deo sic pendere, ut nihil possimus sine eius auxilio. B. Bonū mihi das consiliū. M. Quale mihi dari velim. B. Sed (ut ad propositū redeamus) dabis mutuo istū asseni? M. Miror te mutuo petere, qui plus habeas quàm ego. B. Est quidā scholasticus hāc transiens, qui librū venalē ostentat. M. Quid tum? B. Cupiebam emere; quia vilius indicat, quàm noster bibliopola. M. Accipe: sed quaeso, vnde tam cito reddes? B. A cœna ibo domum, ut à matre petam. M. Quid si dare nollit? B. Nihil cunctabitur; cū librū ostendero.

COLLOQ. XLIIII. ARGV M.

Montanus & Eusebius conferunt annos suos. Laudatur docti pedagogi diligentia: item boni patris prudentia in liberorum institutendorum cura. Agnoscitur in ea re Dei beneficium.

EXEMPLVM exercitationis in lingua Latina à teneris annis.

MON-

MONTANVS. EVSEBIVS.

QUOT annos habes? E. Tredecim; vt à matre accepi. tu verò? M. Equidem non tot habeo. E. Quot igitur? M. Deest vnus. E. Sunt ergo duodecim. M. In promptu est ratio. E. Sed frater tuus quorum agit annum? M. Quintum. E. Quid ais? iam Latine loquitur. M. Quid miraris? semper habemus domi paedagogum & doctum, & diligentem: semper nos Latine loqui docet: nihil Gallicum effert, nisi aliquid declarandi causa: quin etiam patrem non audemus, nisi Latine alloqui. E. Numquam igitur Gallicè loquimini? M. Solum cum matre, idque certa quadam hora, cum illa nos ad se vocari iubet. E. Quid agitis cum familia? M. Cum familia rarus est vobis sermo, & quidem tantum in transitu: & tamen famuli ipsi nos Latine alloquuntur. E. Quid ancilla? M. Si quando vsus postulat vt eas alloquamur, vimmur sermone vernaculo; vt solemus cum ipsa matre. E. O vos felices, qui tam diligenter docemini! M. Est Deo gratia, cuius dono patrem habemus qui curet nos tam accurate erudiendos. E. Certè eius rei laus, & honor vnico calet; patri debetur. M. Sed quid agimus? iam audio recitari catalogos. E. Ergo festinemus.

COLLOQ. XLV. ARGVM.

Silvius Ludouico ægrotanti suadet vt quiescat. Paret Ludouicus.

SILVIVS. LVDOVICVS.

QUID tristis es Ludouice? L. Aegroto. s. Quid morbi est? L. Nescio. s. Sed tamen, est-ne grauis morbus? L. Non admodum, gratia Deo. s. Quid-nam tibi dolet? L. Caput. s. Quid, totum-ne caput? L. Non certè. s. Quæ pars igitur? L. Nescio nomen. s. Est-ne vertex? L. Non est. s. Quid ergo? vtrū sinciput, an occiput? L. Hac pars anterior. s. Est ergo sinciput. L. Quid igitur faciã? s. Quiesce bene: mox sanus eris. Sic enim à matre accepi, nullū esse præsentius remediū capitis doloribus, quàm quietē. L. Atqui varij sunt morbi capitis. s. Et varia fortasse remedia: sed

quid est facilius, quam id tentare quod dixi tibi? L. Experiri quidem, nihil (ut spero) nocebit: sed ubi quiescam? s. Domi vestrae in lecto. L. Mater non sinet. s. Immo si dixeris te agrotare. L. Atqui me putabit simulare. s. Fieri potest: sed quid dubitas periculum facere? L. Bonum consilium. s. Vtere, si vis. L. Faciam profecto. s. Enimvero, si sapias. L. Sed vnum restat. s. Quid est? L. Impetranda est a praeceptore venia. s. Adi, & pete. L. Quid si nolit dare? s. Immo facillime. L. Qui scis istud? s. Quia satis est credulus nobis: nisi qui aliquoties illum fefellerunt. L. Numquam sciens illum fefelli. s. Ito igitur fidenter. L. Nunc eo. s. Sed heus, prius meditare, quid sis dicturus: ne forte loquendo hareas. L. Bene mones: non accedam imparatus.

COLLOQVII XLVI. ARGUMENT.

Paulus & Timotheus certant, uter melius pronunciet aliquid eorum quæ in schola edidicerint. Salomon iudex. EXEMPLVM honesti studiorum certamini.

PAVLVS. TIMOTHEVS. SALOMON iudex.

Optatus mihi ades, Timothee: quarebam qui mecum certare vellet: sed omnes ad lusus certamen currunt: tu vero quid vis? T. Quid ego malim, quam tecum de nostris studiis pacifice contendere? P. Sed quod petis certandi argumentum? an de repetendis Ciceronis epistolis? T. Malo de Catone. P. Quamobrem? T. Quia restant mihi ediscenda aliquot praelectiones de Cicero-ne. Scis enim me agrotasse fere duas hebdomades. P. Memini. Vis igitur dicamus secundum librum Moraliū distichorum? T. Est longius nimis in hanc horam. P. Quid ita? T. Quia nobis aliquandiu ludendum est: ut corpus exerceamus ad valetudinem conservandam. P. Dicamus ergo librum tertium, qui est brevissimus. T. Sed iudicem volo. P. Praesto est Salomon, qui me ob eam rem sequitur. T. Vis igitur, Salomon, audire nos? s. Quid dicturi estis? P. Tertium librum distichorum moraliū. s. Nonne alternis dicetis? T. Scilicet suum, uterq. distichum. s. At pueri (ne erretis) nolo

nolo vos audire tamquam iudex. B. Cur non? s. Ne fortè mea sententia alteruter amicorum offendatur. T. In quo igitur nobis eris adiutor? s. Notabo in chartula diligēter viriusq. lapsus: dein- de referetis ad praeceptorē. T. Quid tum fiet? s. Ille vtri videbitur victoriam, & praeium adiudicabit. P. Eris igitur nobis tantum testis. s. Sic intelligo. T. Optima sanè videtur mihi ratio. P. Mihi quoque valde probatur. s. Sed vnum restat. T. Quid est? s. Vultisne, praeceptoris lapsus manifestos, hasitationes etiam notari? T. Sic volunt praeceptoris leges super hac re. s. Date mihi librum in manum; vt certius obseruare possim. P. Tene meum. T. Incipiám-ne? P. Aequum est: quia tu à me prouocatus es. T. Audi, quæso, Salomon, sed diligenter. s. Tu verò caue dicas negligēter.

T. Hoc quicumque cupis carmen cognoscere lector,

Hac praecepta feres, quæ sunt gratissima vitæ.

P. Instrue praeceptis animum, nec discere cesses:

Nam sine doctrina, vitæ est quasi mortis imago.

T. Commoda multa feres: sin autem spreueris illud,

Non me scriptorem, sed te neglexeris ipse.

P. Cum rectè vives, ne cures verba malorum.

Arbitrij nostri, &c. Sic pergunt ad finem vsque libri tertij.

COLLOQ. XLVII. ARGVM.

Porralis & Marcardus de reditu à vindemia, deque vuis allatis colloquuntur.

PORRALIS. MARCARDVS.

GRatulo tibi redditum Marcarde. quando redisti rure? M. Heri post meridiem. P. Quid mater? M. Quemadmodum illa me secum duxerat, ita reduxit. P. Nón-ne venit in equo? M. Et quidem tolutario. P. Tu verò? M. Quid rogas? eram illi à pedibus. P. Non tibi fuit molestus labor itineris? M. Nulla mihi fuit via difficilis: adeò erat iucunda in urbem reditio. quid queris? noluissem eques venire. P. Quantum distat hinc villa vestra? M. Quatuor milliaribus, isq. non admodum longis. P. Sed iam satis

de reditu; nunc aliud agamus. Fuiſti-ne memor promiſſi tui? num rediſti vacuus? M. Attuli vuarum quantũ potui. P. Quantum igitur? M. Quafiſſimũ. P. Hui quaſillũ! tibi igitur vni. M. Immo nobis duobus. P. Quid, duobus tantillũ? M. Non poteram ferre amplius, pro viribus corpusculi mei: quod ſi robuſtus eſſem, aſſini onus aſportaviſſem: mater enim facile permittebat. P. Quam vellem adſuiſſe! M. Ego & mater te plurimum deſideravimus. Sed eſto animo bono: ea reliquit ſervulum ruri, qui ampliſſima corbe onuſtus veniet: tum illa tibi dabit aſſatim. P. Aha, nunc optata loqueris, mi Marce. M. Eamus domum ad nos: videbis quaſillum noſtrum, adhuc (ut ſpero) integrum. P. O lepulum caput! nam & cupiebam ire ſalutatum matrem tuam mihi cariſſimam. M. Profecto illi gratiſſimum feceris. P. Eamus igitur.

COLLOQ. XLVIII. ARGUMENTUM.

Diues ex occasione pauperi opem pollicetur. Deus hominum opera nos nec opinantes iuvat. Deus afficit animos ad bene agendum. Deus hominum affectus gubernat. **EXEMPLUM** inſigne caritatis erga pauperes.

ANTONIUS. BERNARDVS.

Quid hic ſolus cogitas? B. Meam deploro miſeriam. A. Quanam te afficit miſeria? B. Heu (me miſerum!) ecce mutavimus claſſem: nec eſt mihi pecunia unde libros emam. A. Annon tibi dat pater? B. Dat quidem interdum; ſed parcẽ nimis. A. Eſt igitur avarus. B. Non ſequitur. A. Quid igitur impedit quo minus tibi pecuniam ſuppeditet? B. Paupertas: præterea cùm peto, miratur tot nobis opus eſſe libris. A. Nihil mirum, præſertim, cùm ſit pauper: ſed interim eſto animo bono; nec te afflictes quaſo; dabo operam, ut te iuvet pater meus. libenter enim largitur pauperibus: præſertim iſ quos novit bonarum litterarum ſtudioſos eſſe. B. O me felicem, ſi tua opera me Deus adiuvet! A. Iuvabit, ſpero: ſed tu interim precare illum diligenter, ut mei patris animum erga te affectum reddat. B. Rectẽ mones. Nam, (ut ſape audiui ex ſacris concionibus) ſolus eſt Deus qui hominum

num corda gubernat, ac dirigit. A. Ita res habet. B. Vale, mi Antori, qui mihi animum reddidisti. A. Tu quoque Bernarde, vale. Sed dic mihi, queso, quantum nummorum tibi opus est? B. Si duos haberem decusses, abunde mihi esset in presentia. A. Tace, cras (ut spero) diuinum auxilium senties.

COLLOQ. XLIX. ARGVM.

De frigoris acerbitate, & hypocausti incommodo.

PHILIPPVS. VV THERIVS.

QUo nunc is? V. In hypocaustum. P. Quid ed? V. Hoc cine rogandum est? non frigus sentis? P. Quotusquisque nunc non sentiat, cum adeo sit acerbum? sed ego malim me in culina calfacere. V. Atqui praeceptor retuit. P. Non ignoro: sed rogabo veniam. V. Cur non vis in hypocausto calefieri? P. Vapores elibant tentant mihi caput, quod alioqui infirmum satis habeo: unde fit, ut facile ex capite laborem. V. Ego quoque sic aliquando fui: sed paulatim assuefeci me ad ferenda hypocausti incommoda. P. Et ego (ut spero) me assuefaciam: verum praestat id fieri horis pomeridianis, ubi tantus ille aestus deserbuerit. V. Sed nunc tempus non est hic philosophandi diutius, iam mihi dentes frigore crepitant.

COLLOQ. L. ARGVM.

Attingitur differentia inter hortum, & hortos. Rerum nomina tenere non satis est, nisi res ipsas cognoscamus.

STRATANVS. THEOBALDVS.

QUae sunt arbores in horto vestro? T. Hortum habemus suburbanum, in quo sunt olera quibus vescimur quotidie: praterea sunt in fundo nostro vni horti, variis arboribus consiti. S. In horto quae sunt olera? T. De hoc mater melius respondere posset. Nam illic saepe versatur, aut ferendi causa, aut sarriendi, aut aliquid colligendi. S. Sed tamen dic mihi aliquot olerum nomina. T. Parum prodesset nomina tibi recensere, nisi res ipsas videres. quin camus in rem presentem. S. Potes ire quando libet?

libet? T. Possum quidem, matre permittente. s. Fac amabo, permittat, sed ca lege, vt me tibi comitem assumas. T. Id facillime fiet: tantum hic me expecta: mox rediero. s. Quid si ea domi non est? T. Tamen huc tibi renunciabo. s. Bene vertat Deus.

COLLOQ. LI. ARGV M.

Amicus amico pecuniam vltro offert. Beneficium voluntarium. Humana beneficia diligentius quàm diuina expendimus. EXEMPLVM liberalitatis rarissimum.

PASCASIVS. CAVILONIVS.

Hodie pecuniam à patre accepi: si tibi forte est opus. c. Nihil nunc opus est mihi: sed tamen gratiam habeo maximam, quòd tua liberalitate vltro mihi offers beneficium; quotus enim quisque id faciat? v. Credo esse paucissimos: tu me tamen non semel beneficius prpuocasti. c. Aded parua illa fuerunt, vt non sint commemoratione digna. v. Non est paruum beneficium, quod ab optima voluntate profectum sit. c. Utinam Dei erga nos beneficia tam expendereamus, quàm solemus hominum! p. Faxit ille, vt in ea cogitatione nos exerceamus & sapius & diligentius. c. Illud profectò necesse est, si volumus eius benignitatem sapius experiri.

COLLOQ. LII. ARGVMENT.

Fatonus Barbarinò vult dictata describere: Barbarinus permittere non audet, ne à præceptore arguatur. Nec fallendum, nec mentiendum est, Præstat puerum timidiorē esse, quàm audacior in.

FATONVS. BARBARINVS.

Quid agis? B. Scribo. F. Quid scribis? B. Describo dictata præceptoris. F. Quanam? B. Hesternā. F. Quid non aderas? B. Immò aderam: sed non poteram magistrum dictantem assequi. F. Quæ res te impediēbat? B. Quòd satis commodè non sederem, F. Veneras ergo serius. B. Istud est. F. Cedo commentarium tuum, egomet tibi scribam. B. Quid faciam lucri? F. Ego citius, quàm tu, descripsero: post ludemus vnà; vt

con-

concessit praeceptor. Da (inquam) libellum tuum. B. Libenter id quidem facerem; sed non audeo. F. Quid times? B. Edictum praeceptoris. F. Quod tibi edictum narras? B. Nescio eum vetuisse, ne quis sine permissu eius alteri scribat? F. Id ego probe memini: sed vnde hoc sciet? B. Rogas? cum, emendandi causa, scriptura rationem exiget, tum captus ero. Nouit enim manum meam: praeerea neque fallendum est. neque mentiendum. F. Verbo Dei vtrumque vetamur. B. Quid ergo responderem praeceptor, cum ille negaret me ita scripsisse? F. Non eò res euadet, spero. B. Nolo tua spe tantum subire periculum, F. Vah! nimium timidus es: nunquam rem facies. B. At tu forsitan audacior. F. Tu igitur scribe quantum voles: ego ad ludendum me confero. B. Abi, quasso: iam vnā paginam descripsissem, nisi me interpellasses. F. At interim aliquid proficimus, dum Latine fabulamur.

COLLOQ. LIII. ARGVM.

De accepta pecunia, & mutuo facile data. Amicus verus. EXEMPLVM animi ad bene merendum promptissimi.

BERTHINVS. PROBVS.

VEnit-ne pater ad mercatum hodiernum? P. Hodie manè conuenit me, cum adhuc è lecto surgerem, B. Nihil ab eo petisti? P. Immo pecuniam. B. Et numerauit? P. In praesentia. B. Quantum, obsecro? P. Viginti asses. B. Papa! asses viginti? qui sit; vt audeat tibi tantum pecunia committere? P. Quia nouit me dispensatorem frugis. Siquidem semper illi reddo rationem vsque ad teruncium. B. Sed agrè fortasse impetrasti. P. Immo facillimè, atque addò cum gratia. B. O mitem parentem! P. Certè mitissimum. B. Sed (vt ad rem) quid facies ista pecunia? P. Emam libros & alia mihi necessaria. B. Potèst-ne mihi aliquid mutuo dare? P. Possum, si modò eges. B. Nisi egèrem, non peterem. P. Quantam vis à me accipere. B. Quinque asses. P. Accipe. B. O verè amicum animum! P. Amicus verus non est, nisi qui amicum iuuat in tempore; si tamen habet vnde

inuenit. B. Amicus certus (vt est in proverbio) in re incerta cernitur. P. Quando reddes mutuum? B. Vbi primum pater in hanc urbem venerit. P. Quando venturum speras? B. in mercatu proximo, nempe ad octauum diem Octobris.

COLLOQVII LIIII. ARGVMENT.

Pædagogus, ad exercendam suorum discipulorum memoriam, à quodam eorum exercitationis maturitatem rationem exigit. Narrat puer ordine & distinctè singula, sedque memoriter, & audientibus condiscipulis. EXEMPLVM ad pueros in simplici narratione exercendos; vt puro sermoni paulatim assuecant,

PÆDAGOGVS. PVER.

Hodie manè quota hora expergesactus es? P. V. Ante lucem: quota hora nescio. P. A. Quis te expergesecit? P. V. Venit excitator hebdomadarius cum laterna sua; pulsauit acriter ostium cubiculi: quidam aperuit: excitator accendit nostram lucernam, elata voce inelamauit: experrecti sunt omnes. P. A. Narra mihi ordine, quid egeris ex illo tempore vsque ad finitum ientaculum. Vos, pueri, auribus atque animis diligenter attendite: vt discatis hunc vestrem condiscipulum imitari. P. V. Experrectus surrexi è lecto; induiunicam cum thorace; sedi in scabello; accepi femoralia & tibialia, vtraque indui; calceos calceau; femoralia lingulis astrinxi thoraci; tibialia periscelide ligavi supra crura; cingulo me pracinxi, caput diligenter pexui, aptaui capiti pileolum; togam indui: deinde egressus cubiculum, descendidi infra: vrinam in area reddidi ad parietem: accepi frigidam è situla; manus & faciem laui; os & dentes collui: deterfui manili manus, & faciem. Interea signum ad precationem, & rem diuinam datur minore tintinnabulo: in aulam priuatam conuenitur, precamur vnà: accipimus ordine ientaculum à famulo culinario: ientamus in triclinio sedentes & quieti, sine murmure, sine strepitu: quos audiui ineptè garrientes, aut verba loquentes otiosa, aut etià lasciuientes vici, amicè admonui: qui non paruerrant admonitioni, detuli ad obseruatorem; vt eos notaret. P.

Nemô.

Nemo-ne vobis praeerat dum ientaretis? PV. Immo hypodidasca-
lus. PAE. Quid agebat interea? PV. Ille per mediam aulam am-
bulabat, tenens librum in manibus, & identidem monens obser-
uatorem, vt notaret ineptè garrientes. PAE. Nullum-ne igitur
verbum tunc licet emittere? PV. Immo licet: verum ij demum
notari solent, qui diu, & multis verbis ineptè, & sine villo fructu
confabulantur. Caterum licet omnibus iucundos inter se tracta-
re sermones de bonis & honestis rebus: dum tamen id modeste
fiat, citra clamorem & contentionem. PAE. Haecenus satisfac-
cisti mihi: cetera narrabis à prandio; nisi aliquod negotium in-
teruenerit. Eamus nunc in aulam ad prandium; ne magistro in-
mora simus. P. Audiu modo signum dari. PAE. Opportune datum.

COLLOQ. LV. ARGVMENT.

Prosequitur puer narrationem ante prandium inceptam.

PÆDAGOGVS. PVER.

VBi finivisti narrationem ante prandium? PV. Cum vellent
finem imponere de ientaculo, tu me interpellasti prae-
ceptor. PAE. Perge igitur narrare ordine reliqua. PV. Dum ient. inde
finem facimus, datur publicum signum posterius. sumit quisque
libros, inus in aulam communem; recitantur de more catalogi
singulorum classium; qui adsunt, ad nomen respondent; ego quo-
que respondeo. absentes notantur in catalogis ab ipsis nomencla-
toribus. Finita catalogorum recitatione, praeceptor inquit de
absentibus, deinde sedet in cathedra sua; & iubet pronunciari
praedlectionis contextum. Pronunciamus terni clara voce; vt so-
lemus quotidie. Tum iubet vt reddamus interpretationem: ali-
quot ex rudioribus legunt singuli: nos alij reddimus terni, idque
memoriter; praeter eum qui verba ipsa contextus praestit nobis or-
dine. Tandem praeceptor exigit Gallicam vel Flandricam verbo-
rum significationem: doctiores, quibus nominatim praecipit, re-
spondent: ego quoque iussus ab eo, respondeo; laudat ille qui bene
responderint, de quorum numero ego, (quod sine iactantia dictum
sit) vnus

fit) vnus crām: Postea iubet singulas orationis partes ordine tractari ad rationem grammaticam. Postremò palàm præscribit, quid sit à prandio reddendum: audita hora octaua, precationem imperat. qua finita monet, vt officium sedulò faciamus: tandem nos missos facit. Eo spectante, eximus ordine, & sine strepitu, lætique discedimus. Satis-ne tibi feci, præceptor? PÆ. Immo cumulatissimè. P V. Placétne tibi, vt sub cœna tempus idem faciam de reliquis huius dici actionibus? PÆ. Nihil opus erit: nam de iis qua horis pomeridianis aguntur, aliàs te audiri satis.

COLLOQVII LVI. ARGVMENTVM.

Pædagogus puerum in diuinis rebus per otium instituit: diuinorum beneficiorum commemoratio. Christi mors salus est omnium credentium. Laudatur pueri studium ac diligentia.

PÆDAGOGVS. PVER.

A Des Carole? P V. Adsum, præceptor. PÆ. Quid agunt duo condiscipuli tui? P V. Adhuc docentur à subdoctore. PÆ. Tu verò iam-ne pronunciaſti contextum prælectionis in crastinum mane? P V. Pronunciaui. PÆ. Satis-ne rectè? P V. Sat, gratia Deo. P. Quis te audiuit? P V. Ludimagister. PÆ. Bene habet. sed est quod monere te velim. P V. Ego istud audire percipio. PÆ. Sæpenumero cogitandum tibi est, quantum debeas bonorum omnium largitori Deo, qui & ingenium & memoriam tam felicem tibi dederit. P V. Quid illi non debeam, qui mihi dedit omnia? PÆ. Dic aliquot eius beneficia præcipua, quemadmodum docui te aliquando. P V. Dedit mihi celestis ille Pater corpus, animam, vitam, mentem bonam, parentes bonos, locupletes, nobiles, bene erga me affectos, & qui non modò suppeditant mihi copiosè omnia ad hanc vitam necessaria, sed etiam (quod est longè maximum) me bonis litteris bonisque moribus tam diligenter instituendum curant; vt nihil sit præterea requirendum. PÆ. Verè omnia ista dixisti: sed vnum prætermisisti, quod est singulare Dei beneficium. Scin-tu, quid sit? P V. Sine me paulisper cogitare.

PÆ.

PÆ. Otiosè cogita. PV. Nunc ego reminiscor: sed pro magnitudine rei, nescio quibus verbis id possim exprimere. PÆ. Dic tamen, quo poteris modo. PV. Cogito etiam atque etiam. PÆ. Dic tandem. PV. Innumerabilia sunt Dei optimi maximi erga me beneficia, in corpore, in animo, in externis rebus; sed nullum maius nec dici nec cogitari potest, quàm quòd Filium suum vnicum gratis mihi dederit, qui me miserrimum peccatorem, & sub Sathanæ tyrannide captivum, ac morti æternæ destinatum, redemit, idque morte sua omnium crudelissima, & maximè ignominiosa. PÆ. Satis apè dixisti, & totidem fere verbis quot aliàs te docueram. Sed numquid Deus tibi vni hoc tantum beneficium præstuit? PV. Minime verò. PÆ. Quibus præterea? PV. Omnibus quotquot Evangelio fideliter, ac verè crediderint. PÆ. Faxit ipse Christus vnicus Servator noster, ut magis ac magis in ipsius cognitione proficias. PV. Faciet, spero. PÆ. Perge igitur, ut cœpisti, alacriter, quod bene vertat Deus in gloriam sui nominis. PV. Ita precor. PÆ. Eamus cœnatum.

COLLOQVII XLVII. ARGVMENT.

Facera obſervatoris confabulatio cum puero verè candido, & simplicis ingenij.

OBSERVATOR. PVER.

TV nunquam studes: quando eris doctus? P. Id fiet progressu temporis, Deo iuvante. Ob. Rectè dicis: sed interim laborandum tibi est. P. Atqui ego non sum arator. Ob. Etiam rides? quasi Laborare idem sit quod arare. PV. Scio non idem esse. Ob. Cur ergo sic respondisti? nōne istud ridere est? P. Et ridere non est malum; cū sit naturale omnibus hominibus. Ob. Pergin tu nugas dicere? P. Quod dixi, verum est; & verum dicere non est nugari; cur me immeritò reprehendus? Ob. Iure te arguo. P. Quo iure? Ob. Quia non ignoras ridere pro irridere visitatum esse: & tamen sic accepisti, quasi de risu sim locutus. P. Si defendo causam meam, quid mali scio? Ob. Pergis igitur esse pertinax: pro-

fecto

fecto serio notaberis. P. Ne, queso, mihi irascaris, mi Martine. Ob. Non irascor; sed officium meum facio. P. Sed audi queso. Ob. Quid audiam? tuas nugas? P. Audi, inquam: nihil mentiar. Ob. Dic breuiter: est mihi alibi negotium. P. In primis cum tu me admonuisti, non eram otiosus. Ob. Quid ergo? Si nihil faciebas, nonne otiosus eras? P. Non eram; pace tua dixerim. Ob. Qui potest istud fieri? P. Dicam tibi: etsi tute melius hoc intelligis, quam ego. Nihil faciebam, ut apparebat: sed tamen cogitabam aliquid boni. Ob. Declara istud mihi. P. Cum tu facis verus, sepe meditaris diu, quasi sis otiosus: quamuis nunquam sis minus otiosus. Ob. Pro ista etate nimis acutus es. Etiam si tibi, ut ais, otiosus non eras: tamen qui te viderent, possent aliter iudicare. P. At solus eram. Ob. Verum: sed poterant aliqui interuenire. Denique non fateris culpam? P. Siqua fuit culpa, in eo fuit, quod primo aspectu videbar tibi esse in otio, cum re vera non essem. Ob. In eo nihil requiro; sed de irrisione quid respondes? P. Certè nihil dixi irridendi animo. Ob. Quo igitur? P. Iocabar; crede mihi. Ob. Quorsum? P. Ut paucis verbis fabulando, aliquid ex te addiscerem. Ob. Non is sum à quo multa doceri queas. P. Immo tecum multum boni sepe didici. Ob. Quid tandem vis concludere? P. Ut mihi ignoscas: quando (ut vides) malo animo nihil peccani, quod equidem sciam. Ob. Agè, ignosco: quia videris mihi candidus, & apertus: neque adhuc vidi te mendacem esse. P. Ago tibi gratias, Martine suauissime.

COLLOQ. LVIII. ARGVMENTVM.

Doctrina pueris maximè necessaria, de fugienda videlicet prauorum consuetudine, & maximè impostorum. EXEMPLVM amici fidi in dando consilio.

MESSOR. VALLENSIS,

Non meministi praeceptorem tam sepe monere nos, de fugiendis prauis sodalibus? V. Ego verò probe memini. M. Tamen alicubi satis negligenter vteris eius monitis. V. In quo videtur

deor tibi ea negligere? M. Dicam tibi: si modo attentè audias. V. Dic obsecro: audiam attentissimè. M. Nunquam vis cauere tibi ab illo impostore? V. Cur caueam? M. Ne illius contagione depraueris: Nosti enim eum esse pessimum. V. Atqui non sponte sequor: ad me accurrit vndique. M. Nimirum quia nouit te habere quod des: & dare libenter ac saepe. V. Quid igitur mihi faciendum suades? M. Dic semel, & seridè, & quasi animo irato. Quid vis amice; cur me vbique sequeris? omnes clamitant te esse pessimum, & ideo sodales tui esse nolunt. Proinde omitte me pesti hac quæso: ne tua causa virgis palam cadat. V. Quid si velit aliquid contrà respondere? M. Abrumpe illi sermonem, teque recipe celeriter. V. Ago tibi gratias, quod me tam fideliter monueris.

COLLOQVII LIX. ARGVMENTVM.

Interrogatiunculæ de morbo. Deus est medicorum princeps.

CASTELLANVS. MOSSARDVS.

Quid egisti per hos quindecim dies? M. Ministraui matri, quæ grauer agrotabat. C. Ain' tu? M. Sic est profectò. C. Quæ laborabat morbo? M. Febre tertiana. C. An conualuit? M. Paulatim conualefcit, gratia Deo. C. Quis eam sanauit? M. Medicorū summis. C. Quis ille? M. Ipse Deus. C. De hoc nihil dubito: sed cuius opera? M. Domini Sarrafini. C. Is habetur maximi nominis in medicine professione. M. Id quotidie probant egregiæ curationes eius. C. Quibus remediis utebatur in curanda matre tua? M. Medicamentis. C. Satis istud intelligo etiam te tacente: sed dic planè, quæ fuerunt ista medicamenta? M. Sine me aliquantisper recordari. C. Sino: dic tandem, quæ reminisceris. M. Duo tantum nomina mihi occurrunt, clystères, & potiones. C. Quid ista conferunt? M. Eho inepte, ita rogas quasi ego medicina operam dederim. Itaque si cupis amplius scire, quære tute ipse ab iis potius qui ista proficuntur, hoc est à medicis, & pharmacopolis. C. Ne mihi succenseas, oro. M. Cur tu es adeò curiosus? C. Ut addiscam semper aliquid. M. At vide interim, ne voceris percun-

percuñctator. C. Audi tamen item pauca. M. Loquere. C. Quamdiu agrotavit mater? M. Ferè duas hebdomades. C. Inter ea ubi erat pater? M. Profectus erat Antuerpiam ad mercatum. C. Sed tu, qua hora redisti in gymnasium? M. Hodie manè. C. Dediſtine excuſationem preceptorì? M. Dedi. C. Quid tibi reſpondit? M. Factum bene, inquit. Tu verò ubi eras? C. Hesterno die rus iueram cum patruo. M. Agè videamus quid ſinus reddituri hora ſecunda: nam ego quodammodo nunc nouus ſum diſcipulus.

COLLOQ. VII. LX. ARGV. M.

Meio, meis, meiere, minxi, miſtum.

GRANGERIVS. TOQVETVS.

Vis venire miſtum? T. Satis otioſè minxi. G. Eamus vnà, queſo, vt parum fabulemur. T. Tace inepte, niſi vis accuſari: non eſt fabulandi tempus. Nón-ne debuisti meiere cum ientaretur? G. Deui, ſed oblitus ſum. T. Ito igitur ſolus, cum bona venia preceptoris: nec ſis poſthac tam obliuiouſus. G. Parebo tibi: & meminero.

COLLOQ. LXI. ARGV. M.

Non ſolùm nobis nati ſumus, ſed alius aliũ tollicirè curare debet in tempore. **EXEMPLVM** tempeſtiuæ admonitionis.

MALAGNODVS. GASSINVS.

Quid cogitas Gaſſine? caue tibi, obſecro. G. Quid mihi cauebo? M. Ne in morbum incidas. G. Qua ex cauſſa? M. Ex nimia luſus intemperantia. G. Vnde apparet periculum? M. Quia totus aſtuas; totus ſudore mades. G. Rectè. & in tempore admones: proſectò non ſentiebam. M. Deſiſte, ſi me audis. G. Audio verò libenter, ac tibi morem gero; quoniam enim reſpuat tam fidele conſilium? M. Deterge faciem ſudariolo; & indue te celeriter: ne ſubitum frigus cōtrahas. G. Habeo tibi gratiam. nam ſerè morbiſum obnoxius. M. Quid eſt cauſſa? G. Infirmiſtas mea valetudinis: vides enim quàm imbecillo ſim corpore. M. Tãto magis debes tibi cauere. G. Iſtud probè noui: & parès vterq. me monet ſapiſſime: ſed

sed quid agas? natura proni sumus in nostrā perniciem. M. O mi Gassine, non est voluptati seruiendū; sed temperantia valetudini consulendum. G. Est in promptu carmen Catonis in eam sententiam. M. Teneo; sed de his aliās. iam satis indutus es: nō est quod hic morere diutius. G. Vale Malagnode, monitor amicissime. M. Vin' tu vt domum te deducam? G. Nihil opus est deductione: ego bellē me habeo, Dei beneficio. M. Mi Gassine, cura vt valeas.

COLLOQ. LXII. ARGVMENT.

Omnia victoria nisi ad Dei gloriam referatur, mera est vanitas. Victoria modesti adolescentes rectē vtuntur: stulti contrā faciunt. Curiositas. A pueris tria potissimum curanda. Sine Deo nihil sit boni. Spiritus diuinus in nobis operatur. Omne bonū à Deo esse confitendū est. Deus auctor fidei, idē & perseverantiae. Spes bona. Adolescentū ingenuorū contentio in bonū.

ROBINERIATIVS. BOBVSSARDVS.

Valde miror cur hodie mane non adfueris. B. Quid miraris tantopere? Nihil hīc est noui: multi absunt quotidie, immo ferē horis singulis. R. Atqui victoria tibi erat in manibus. B. Quid ego curo? eiusmodi victoria (vt bene dicebat quidam) nihil aliud est quā breuis gloria. R. Sed interim modesti adolescentes hinc ad studia magis incenduntur, nec tamen inani gloria tumescunt: sed ad honorem Dei referunt quicquid inde laudis accesserit. B. Istud certē rarō contingit. Plures enim sunt qui victoriis abutantur ad priuatam gloriam, quā qui diuini honoris rationem habeant. R. Verissimile dicis. B. Immo verissimum. R. Sed velim mihi dicas cur absueris. B. Scripsi ad patrem litteras. R. Cuius nomine? B. Matris. R. Dictauit-ne tibi ipsa? B. Quid scripisssem, nisi dictasset? R. Quid continebant litterae? B. Longum esset tibi narrare. R. Saltem dic earū argumentum. B. Variū erat, & multiplex; & quid tua (quæso) scire refert? R. Nihil. B. Cur ergo tam auide queris? R. Animi causa; vt ferē curiosi sumus noui aliquid audiendi. B. Nihil aliud quā garris: omitte me. R. Ausculta paucis. B. Agē, ausculto, loquere quid re-

Is. R. Scire cupio ubi sit pater tuus. B. Quasi verò nescias. R. Unde scirem? B. Cum tibi sit notissimus; & cum simus vicini; non putassem te ignorare. R. Dic tandem, quaso. B. Est Lugduni. R. Quando est profectus? B. Abhinc dies quatuor. R. Quid illic agit? B. Negotiatur. R. Quando rediturus est? B. Finito mercatu. R. Ad quod tempus simetur? B. Roga mercatores: non est meum curare talia. R. Quid igitur curas? B. Ut Deum timeam; parentibus obediam: bonas artes cum pietate discam. R. Na tu magnificè loqueris: sed dic mihi seriò; potes-ne solus res tantas efficere? B. Ego-ne istud mihi assumo? Deus ipse Spiritu suo me adiuuabit. R. Optime sentis: nihil ex te præcrea requirebā. B. Est, Deo gratia, cui acceptum refero, quicquid inest in me boni. R. Istud recte, & laudo equidem: ne tibi videar nihil aliud, quam garrire. A. Cum illud dicerem, iocabar sanè. R. Ego sic accepi: sed tu (ut cœpisti) perge discere, & sapere. B. Qui mihi dedit fidem, idem (ut spero) perseverantiam dabit. R. Bene speras: & ego idem spero tecū. Itaq. pergamus vivere inter nos coniunctissimè; ut adhuc fecimus. B. Per me quidem non stabit; nisi ope diuina prorsus ero destitutus. R. Auertat ipse Deus; sed audin-tu horologium? B. Vt in ipso tempore sermonem finimus!

COLLOQVIORVM

SCHOLASTICORVM

LIBER TERTIVS;

Cui insunt magistri colloquia cum discipulis.

ADMONITIO.

Hæc à pueris ita legenda crunt, ut ex duobus legentibus unus discipulum; alter præceptorem agat.

COLLOQ. I. ARGVMENT.

Duo; aut tres ex domesticis discipulis præceptorem inanè salutariū veniunt; ut sciat an omnes surrexerint. Admonitio præceptoris.

EXEMPLVM diligentia obseruati dignum.

VNVS

VNVS ex discipulis. PRÆCEPTOR.

Salue præceptor. P. Salus per Iesum Christum. An surrexerunt omnes? D. Omnes. præter paruulos. P. Num quis egrotat? C. Nemo. gratia Deo. P. Quid agitur? D. Alij se induunt: alij iam student nauiter. P. Adest-ne vobis hypodidascalus? D. Iam dudum. P. Ite igitur præcatum: vósque diligenter commendate Domino Deo: deinde pergite in studiis vestris, vsque ad horam ientaculi. D. Ita solemus. præceptor. P. Credo equidem: sed quia ferè somniculosi estis, ac negligentes; idcirco ego vos admoneo sapius. D. Gratiam habemus præceptor humanissime. Num quid vis præterea? P. Dic famulo, vt mihi togam adferat.

COLLOQ. II. ARGVM.

Interrogatus quidam de concione sacra, nihil scit respondere. Obiurgatur à præceptore. Parum abest, quin vapulet: sed precibus exorat veniam.

PRÆCEPTOR. DISCIPVLVS.

Adfuisti-ne hodie concioni sacra? D. Adfui. P. Qui sunt testes? D. Multi ex condiscipulis, qui me viderunt, testari possunt. P. Sed producendi erunt aliquot. D. Producam, cum iubebis. P. Quis habuit concionem? D. Dem. N. P. Quota hora incepit? D. Septima. P. Vnde sumpsit thema? D. Ex epistola Pauli ad Romanos. P. Quoto capite? D. Octauo. P. Adhuc bene respondisti: nunc videamus quid sequatur. Ecquid memoria mandasti? D. Nihil, quod referre possim. P. Nihil-ne? cogita paulisper: & vide ne turberis: quin esto animo bono. D. Certè præceptor, nihil possum reminisci. P. Ne verbum quidem! D. Nihil prorsus. P. Hem verbero! quid igitur profecisti? D. Nescio, nisi quia fortasse interim à malis abstinui. P. Istud quidem est aliquid: si modo fieri potuit, vt malo omnino abstinueris. D. Abstinui, quo ad potui. P. Fac ita esse; non tan:en satisfecisti Deo: cum scriptum sit, Declina à malo, & fac bonum. Sed dic mihi (quæso) quâ gratia illuc iueras potissimum? D. Vt aliquid addi-

scerem. P. Cur id non fecisti? D. Non potui. P. Non potuisti nebulos? immo noluisti, aut certè non curasti. D. Cogor fateri. P. Quares te cogit? D. Conscientia mea, qua me accusat apud Deum. P. Rectè dicis: vtinam ex animo. D. Equidem ex animo dico. P. Fieri potest: sed agè, quid fuit caussa, quam obrem nihil memoria mandaueris? D. Negligentia mea: non enim diligenter audiebam. P. Quid igitur faciebas? D. Identidem dormiebam vel dormitabam. P. Ita soles: sed quid agebas reliquo tempore? D. Cogitabam mille ineptias; vt solent pueri. P. An tu aded puer es, vt non debeas attentus esse ad verbum Dei audiendum? D. Si attentus essem, possem aliquid proficere. P. Quid igitur meruisti? D. Verbera. P. Meruisti profectò, idque largissimè. D. Ingenue confiteor. P. Verbo tenus, opinor. D. Immodè certè ex animo. P. Fortasse: sed interim para te ad plagas accipiendas. D. Ah preceptor, ignosce, obsecro; peccavi, fateor, sed nulla ex malitia. P. Atqui tam supina ista negligentia proximè ad malitiam accedit. D. Non equidem insitior: sed tuam imploro clementiam, per Christum Iesum. P. Quid igitur facies si tibi ignouero? D. Faciam posthac officium meum, vt spero. P. Addendum erat, Deo iuuante: sed id parum curas. D. Immo preceptor, adiuuante Deo præstabo post hæc officium. P. Agè, condono culpam tuis lacrymis: tibi que ea lege ignosco, vt promissi memineris. D. Gratias ago, preceptor humanissime. P. Eris apud me in maxima gratia, si promissa seruaueris. D. Faxit Deus optimus maximus, vt possim. P. Faxit precor.

COLLOQ. III. ARGV M.

Admonitus ludimagister de classe doctore vacua, statim prouidet.

MARTINVS famulus. PRÆCEPTOR.

Preceptor, nemo est qui doceat in sexta classe. P. Quid hoc rei est? ubi est magister Philippus? M. Morbo detinetur in lecto. P. Qui scis? M. Nunciauit quidam ex discipulis eius domesticus. P. Dic hypodidascalo meo. M. Non est in museolo suo.

P. Qui

P. Quis scis? **M.** Nam ego ter aut quater pulsaui ostiolum. **P.** Dic primæ classis doctore, ut mittat e suis aliquem. **M.** Quid si nolit mittere? **P.** Abi inepte: an putas eum esse tam impudentem, ut recuset? abi; propera.

COLLOQ. II. ARGVMENTVM.

Præceptor docens euocatur ex auditorio.

BORDONVS. PRÆCEPTOR. DISCIPVLI.

Præceptor! **P.** Hem, quid est? **B.** Sunt quidam qui te conuentum volunt. **P.** Vbi sunt? **B.** Te expectant in vico. **P.** Nunc adibo. **B.** At qui vrgent. **P.** Præcurre tu, & eos intromitte in aream: ego te sequor: vos interim expectate cum silentio: mox ego adero, ut vos ad cenam dimittam. **D.** O quam bonum verbum!

COLLOQVII V. ARGVVM.

Stultè interrogatur magister à quodam discipulo de eo quod palàm dictum est. **E X E M P L V M** est puerilis imprudentiæ: ut discant pueri ad verba doctoris attentiores esse.

CANELLVS. PRÆCEPTOR.

Præceptor, quid reddemus cras manè? **P.** Hodie manè palàm dixi ante schola missionem. **C.** At ego non aderam, præceptor. **P.** Roga igitur cōdiscipulos: nam si vellent singuli me interrogare de rebus à me palàm dictis, quaeso, quando finis esset? Itaque fac ut sis posthac prudentior. **C.** Curabo pro viribus. **P.** Sed tu vbi eras? **C.** Prodieram. **P.** Quid prodieras? **C.** Ut curare negotium aliquod, de quo pater ad me scripserat. **P.** A quo petisti veniam? **C.** Ab hypodidascalo. **P.** Cur non à me potius? **C.** Quia eras occupatus. **P.** Quid agebam? **C.** Alloquebaris in area quosdam viros honoratos, qui te conuentum venerant. **P.** Abi; nunc recorder.

COLLOQVII VI. ARGVMENT.

Magister obseruatores publicos admonet de ipsorum officio.

PRÆCEPTOR. FAMVLVS.

OBSERVATORES.

Heus Martine! **F.** Hem, præstò sum here. **P.** Accerse mihi huc quinque publicos obseruatores, quos hesterno die in
F 3 hunc

hunc mensem elegi; nostin? F. Optimè; nam egomet aderam. P. Sunt (opinor) in suo quisque auditorio: festina. F. Quàm primum rediero. O. Adsumus omnes, praeceptor: quid tibi placet imperare? P. Satis erat iubere. nec enim sum imperator, nec magistratus. Ego vos hac accersendos iussi, ut vos officij vestri commonefacerem. Vos igitur attentis auribus, atque animis audite. Non ignoratis, quanto cum timore Domini hesterno die palam in aula nostra communi vos elegerim. Auspicati sumus a sacris precibus: secuta est admonitio nostra, atque exhortatio ad omnem cœtum scholasticum de timore Domini, deque moribus, qui deceant studiosos in schola versantes quœdâ: deinde non sine optimorum adolescentium testimonio, vos elegi quinque, quos ad hoc munus idoneos existimavi: postremò ventum est ad secundam, cum gratiarum actione, precationem. Ne igitur putetis ludum fuisse, aut iocum, actionem illam, in qua nomen Domini tam studiosè fuerit innocatum. Ac licet apud imperitos, aut arrogantes hoc munus & vile, & abiectum videatur; vos tamen credite cùm honorificum, tum sanctum esse vestrum istud ministerium. Quòd si aliter existimabitis, fieri non potest, ut munere vestra rectè fungamini. Itaque ego vos hortor, quantum possum, & per Iesum Christum obtestor; ut cùm Dei timore, atque reuerentia diligentiam præstetis in iis omnibus quæ intelligetis ad officium vestrum pertinere. A vobis igitur absit omnis fauor, odium, gratia, studium vindicandi, & similia, quæ transuersos agunt homines; & sinceram cernunt iudiciam. Ne timeatis improborum minas, qui pusilli animi adolescentes ab officio solent abstertere. Quam enim habent in vos potestatem? potius eum timete, qui vester est Dominus, qui vita ac necis potestatem habet. Illius, inquam, tanti principis timor vobis ob oculos semper obuersetur. Incurretis, scio, in aliquot improborum, ac dissolutiorum odium: sed pluris sit vobis vnius Patris vestri talestis amor, & charitas, quàm omnes

omnes omnium hominum inimicitia. Estote semper memores verbi illius, quo Servator noster, & summus præceptor suos discipulos ad constantiam hortabatur. Si vos (inquit) odit mundus, scitote, quod me quoque prius odio habuerit: vos igitur propter ipsum Christum, omnes flocci facite nebulonum minas, offensiones, inimicitias: dum modo gloria Dei positis inservire fideliter. Hæc sunt de quibus nunc pro temporis breuitate vos admonendos esse existimaui, præter illa quæ vos in aula hesternodie audistis. Primus obl. Maximas tibi gratias agimus, præceptor humanissime: & Christum precamur, ut sua dona tibi semper adaugeat. A te verò vehementer petimus, ut si tibi molestum non est, præscriptam des nobis hortationem tuam: quò illam inter nos, quandoque relegentes, memoria tenacius infigamus. P. Id ego faciam primo quoque tempore: quandoquidem rem sanè honestissimam postulatis. Primus obl. Optamus etiam à te, si placet, commentariolum scriptum habere de præcipuis officij nostri capitibus, ut simus certiores, quid potissimum sit nobis hac in re observandum. P. In ipso tempore de hoc admones: & sic ego iampridem in animo habebam: sed me quotidie aliud ex alio impediuit. Dabo igitur eiusmodi commentariolum, quod videlicet contineat, quicquid ad observatorum publicorum officia pertinebit. Id autem describetis ex ipso archetypo meo, quod ideo servare volo, ut cæteris quoque tradere possim futuris observatoribus. Nunc redite in suum quisque auditorium. Ob. Rectè imus, præceptor.

COLLOQVII VII. ARGVMENTVM.

Ituri ad nuptias, pridie veniam petunt; ut domi vestimenta mutant. Admonentur paucis à præceptore.

CLERICVS. PRÆCEPTOR.

Licet-ne præceptor, ut ego & patruelis eamus domum? P. Quid eò? C. Ad nuptias consobrina. P. Quando est nuptura? C. Crastino die. B. Cur tam citò vultis ire? C. Ut mutemus

vestimenta. P. Per me licet eatis, hac tamen lege, vt cras huc redeatis cubitum. C. Quid si volet patruus, vt expectemus repotia? P. Non detinebit vos, satis scio: dùmmodo dicatis ei quæ lege dimiserim. C. Verum fatebimur. P. Abite; & ab omni caute intemperantia: facitèque, vt luceat lux vestra coram omnibus, vnde glorificetur noster ille celestis Pater. C. Ita quidem speramus fore, ipso nos in omnibus adiuvante.

COLLOQ. VIII. ARGV M.

Iturus ad forum. Prouerbiũ de pane.

PORTANVS. PRÆCEPTOR.

Licet-ne exire præceptor? P. Quæ tibi est exeundi causa? P. O. Vt queram in foro aliquem ex nostratibus. P. Quid istud opus est? P. O. Mandare illi volo, vt meos admoneat de pane mihi aut adferendo, aut mittendo. P. Vbi panis deficit, omnia sunt illic venalia. P. O. Istud vulgatum est apud nos prouerbiũ. P. Immo vbique peruulgatum: adeo panis mortalium vita est necessarius. Sed ad rem. tu nunc prodire vis? P. O. Si tibi placet, præceptor: ne mei negotij occasionem omittam. P. Abi, & festina ante prandium redire. P. O. Dabo equidem operam.

COLLOQ. IX. ARGV M.

Duo fratres ituri domum, monentur à præceptore de testimonio adferendo, aut teste adducendo.

BVETVS. PRÆCEPTOR.

Licet-ne mihi exire vnà cum fratre? P. Quid causa est? B. Vt mater emat nobis calceos: deinde vt tonsorem adeamus. P. Quid ed? B. Resectum capillos. P. Quid nunc opus est? B. Vt cras (si Dominus permiserit) inuisamus patruum. P. Ite; & mature redite ad studium. Sed heus pueri, adferite mihi à matre testimonium in crastinum diem, aut testem adducite. B. Deo iuvante, id curabo diligenter. Num quid vis, præceptor? P. Vt meis verbis matrem officiosè salutetis.

COLLOQ. X. ARGV M.

Quidā prodire volētes obiurgantur; ac reijciūt in posterū diem.

ALBERTVS. PRÆCEPTOR.

Præceptor, licet-ne nobis ire ad tonsorem? P. Quid ed? A. *Ut capillum tondeamus.* P. Libenter quotidie exiretis sexies: quin exspectatis in crastinum diem, ut eatis una cum ceteris? A. Atqui propter forum turba erit in constrina. P. Quid tum? satis habebitis otij ad exspectandum. Recipite vos ad studium. A. *Ut libet præceptor.*

COLLOQ. XI. ARGVM.

Iturus ad patrem in cauponam.

BARGIVS. PRÆCEPTOR.

Præceptor, accersor à patre. P. *Ubi est?* B. In diuersorio. P. Quando venit? B. Aduenit modo. P. Quis tibi tam cito nunciauit? B. Misit ad me famulum. P. *Ubi est?* B. Prae foribus me exspectat. P. Cur illum non intromisisti? B. Noluit intrare. P. Quid ita? B. Quia (ut ait) festinatione vrgetur. P. *Voca illum, ut paucis conueniam, deinde abi: sed cura ut quamprimum huc adfis.* B. *Eo vocatum.*

COLLOQ. XII. ARGVM.

Queritur præceptor de famuli absentia.

PRÆCEPTOR. RVSCINÆVS.

Vbi est Martinus? R. Iuit ad forum. P. Quid ed? R. Emptum (ut dixit) cingulum. P. Iniusu meo exire non debuit: sed hoc nihil ad te. Quis dabit vobis merendam? R. Dixit se hora secunda reuersurum, ut det nobis. P. Quid si fallat? R. Id non est moris eius. P. Nisi ad horam adfuerit, admone vxorem de vestra merenda: habet enim clauem alteram cellæ penuariae.

COLLOQ. XIII. ARGVM.

Arguitur qui exierat iniussu præceptoris: sed veniam exorat.

PRÆCEPTOR. SCARRONVS.

Demiror, vnde nunc venias. s. *Domo redeo, præceptor.* P. Cur iueras domum? s. *Petitum merendam.* P. *Quam obrem non attuleras?* s. *Mater erat occupata.* P. Quid tum? F 5 debuisti

debuisti exire iniussu meo? s. Non debui: fateor. P. Quid igitur meruisti? s. Plagas accipere: sed ignosce mihi (quaso) praeceptor. P. Cur non petuisti exeundi potestatem? s. Quia non audebam te interpellare. P. Quid agebam? s. Tenebas libellum quendam, & legebas aliquid. P. Fieri potest: sed vos tamen saepe me interpellatis ob rem leniorem: Nunc igitur para te ad vapulandum. s. Parce mihi, obsecro, praeceptor. P. Sine, ut prius cogitem aliquantisper. Agè; parco: tum quia ingenuè confiteris; tum quod satis studiosus mihi videris. s. Gratias ago maximas, praeceptor humanissime.

COLLOQ. XIII. ARGV M.

A praeceptore chartam petens, ad eius famulum mittitur.

GVLIELMVS. PRÆCEPTOR.

Praeceptor, non restat mihi charta ad scribendum? visne dare codicem? P. Quem in usum? G. Partim ad colloquia, partim ad exemplaria. P. Retulisti in codicem tuum? G. Retuli. P. Ostende. G. Ecce tibi praeceptor. P. Quid istud? retulisti octodecim: vis ergo de maiore? G. Si tibi placet. P. Pete à famulo: ac, ne dubitet; ostendi illi tuum codicem; ut idein in suum referat. G. Audio. P. Audi item, caue abutaris charta: ne tibi pater grauius succenscat. G. Faxit Deus, ut bene utar.

COLLOQ. XV. ARGV MENT.

Empturus cultellos admonetur, ut sibi imponi caueat: Deus cultores suos iuuat.

GRIVETVS. PRÆCEPTOR.

Praeceptor, licetne prodire? P. Quamobrem? G. Ut emam cultellos mensarios. P. Vbi sunt quos habebas? G. Reliqui domi. P. Quid ita? G. Quia iam obtusi erant, & inutiles. P. Habesne pecuniam ad emendos alios? G. Mater dedit mihi. P. Quis erit adiutor ad emendum? G. Gerardus. P. Ite sanè: & caute, ne vobis imponatur. C. Cauetimus, Deo iuuante. P. Omnes quidem iuuat; sed eos potissimum, qui ad eius honorem omnia reserunt.

COLLOQ. XVI. ARGVM.

De suburbana deambulatione. Vernetus & Spatula veniam impetrant eundi ambulatum, ut cæteris ludentibus, liberius, & iucundius colloquantur. Dei laudandi argumentum cultoribus eius nunquam deest.

VERNETVS. PRÆCEPTOR. SPATVLA.

Præceptor, licet-ne pauca? P. Loquere. V. Nos duo proponebamus, si tibi ita videretur, ire, dum cæteri ludunt, foras ambulatum. P. Quò vultis exire? V. In proxima suburbana. P. Quid autem ageris ambulantes? S. Tractabimus colloquium aliquod. P. Sed de bonis, & honestis rebus. S. Hæc temporis serenitas, & tam pulchra terra facies præbunt nobis honestum aliquod argumentum. P. Nunquam deest Dei laudandi materia, dumtaxat veris eius cultoribus. V. Nunquam profecto. sed ut ad propositum reuertamur: permittis nobis, præceptor, extra urbem prodire? P. Nisi mihi perspecta esset vestra perpetua fidelitas, & verus amor litterarum, nunquam permitterem: præsertim cum pravi adolescentes me sæpe in hoc genere fefellerint. Vos igitur prodite: deinde maturè ad cœnam reuertimini.

COLLOQ. XVII. ARGVMENTVM.

Iturus ad sartorem.

IVSTINVS. PRÆCEPTOR.

Præceptor, licet-ne exire? P. Quò exire cupis? I. Ad sartorem. P. Quid eò? I. Petium femoralia. P. Iam-ne facta sunt? I. Sunt, opinor. P. Rectè (opinor) dicis: quia res incerta est. I. Atqui promiserat mihi in hunc diem. P. Quid si fallat? I. Nihil mirum fuerit. P. Nunc quoque verè locutus es: nam raro ad promissum tempus fidem præstant artifices. I. Viso tamen, præceptor, si mihi permittis. P. Nihil impedio. I. Num quid vis, præceptor? P. Immo; ut properes: ne desis prælectioni. I. Bene mones: abeo.

COLLOQ. XVIII. ARGVM.

Iturus domum ob leuam causam, non impetrat, adeoque obiurgatur.

gatur. **EXEMPLVM** obsecratu dignum: ne pueri cursitare temerè permittantur.

CAIVS. PRÆCEPTOR.

Licet-ne prodire? **P.** Quid? **C.** Domum. **P.** Hem, tam sapere litare domum? **C.** Mater iusserat, ut ego & frater se adiremus hodie. **P.** Cuius rei gratia? **C.** Ut ancilla vestimenta nobis excuteret. **P.** Quid istud? sunt-ne vobis pediculi? **C.** Et multi quidem. **P.** Cur uxorem meam non admonuistis? **C.** Non ausi sumus. **P.** Quasi reid illa sit vsqueadeò difficilis. Ancillam habet, ea potissimum gratia, ut vestram omnium curet munditiam: nec vos ignoratis illud: sed gaudetis matris inuisenda occasionem vobis dari. Vos igitur manete: cras ego curabo ut vobis excutiantur vestes. **C.** Sed mater nos obiurgabit. **P.** Egomet eam placabo: quiescite.

COLLOQVII XIX. ARGVM.

Tornator & frater petium panem ituri, diligenter à præceptore, ne fallant eum, interrogantur. **EXEMPLVM** notandum ad idem quod superius.

TORNATOR. PRÆCEPTOR. PVERI.

Præceptor, licet-ne cras ire domum? **P.** Quid eò? **T.** Petium panem. **P.** Non tibi restat? **T.** Restat quidem, sed parum admodum. **P.** Quid frater? est-ne tecum iturus? **T.** Iussit pater. **P.** Quando conuenisti illum? **T.** Die Iouis, cum venisset in hanc urbem. **P.** Vbi illum vidisti? **T.** Apud forum. **P.** Non metiris? **T.** Non mentior. **P.** Unde probabis? **T.** Sunt ex condiscipulis, qui aderant. **P.** Qui tandem? **T.** Adsunt Blasius, & Audax. **P.** Est ne verum, pueri? **PV.** Omnino verum. **P.** Qui scitis? **PV.** Vidimus eius patrem; & audiuiimus ipsa verba. **P.** Si ita est, permitto ut eas domum cum fratre. **T.** Vale, præceptor. **P.** Vos seruet Dominus Deus. **T.** Idem tibi precamur ex animo. **P.** Sed heus, quando huc aderitis? **T.** Crastino die vespere, Deo iuuante. **P.** Cura ut promissum memineris. **T.** Curabo. **P.** Scilicet, ut soles. **T.** In: mo melius, spero. Num quid vis? **P.** Ut verbis meis salutem dicas parentibus. **T.** Faciam.

ciam libenter iterum vale, praeceptor. P. Vos quoque valetis: & lento gradu ambulate, propter aestum solis. I. Ita facere solemus.

COLLOQ. XX. ARGV M.

Puer interrogatus de absentia, causam adiicit honestam: eamque scriptam proferre.

PRÆCEPTOR. VILLARIANVS.

Q*uid sibi vult quod absueris hac tota hebdomade? V. Oportuit me manere domi. P. Quamobrem? V. Ut matri adessem, quae agrotabat. P. Quod illi officium praestabas? V. Sapius ei legebam aliquid. P. Sed quid? nihil agebas praeterea? V. Quoties opus erat, illi ministrabam cum ancilla. P. Haecine vera sunt omnia? V. Habeo testimonium. P. Profer illud. V. Ecce. P. Quis scripsit? V. Famulus noster, matris nomine. P. Agnosco eius manum: quia saepe ab illo mihi attulisti. V. Licetne igitur redire in sedem meam? P. Quidni liceat, cum mihi satisfeceris? V. Gratias ago, praeceptor.*

COLLOQ. XXI. ARGV M.

Lucetus ad forum iturus paucis interrogatur ab hypodidascalo.

LVCETVS. HYPODIDASCALVS.

P*raeceptor, licet-ne mihi prodire? H. Quae tibi est prodeundi causa? L. Est mihi eundum ad forum. H. Quid ed? L. Ut emam corium. H. In quem usum? L. Ad calceorum soleas. H. Quis te adiuuabit in emptione? L. Quidam opidanus, cui hoc mandauit pater meus. H. Debueras adire me cum ceteris, qui ad forum prodierunt. L. Occupatus eram. H. Qua in re? L. In scribendis ad patrem litteris. H. Quando eas dabis? L. Hodie, si quem in foro nostratum offendero. H. Abi: & memineris ad horam solitam adesse. L. Meminero.*

COLLOQVII XXII. ARGVMENT.

Arator à negotio reuersus, praeceptor, ut moris erat, se sistit.

ARATOR. PRÆCEPTOR.

P*raeceptor, tuo permissu hora prima prodieram: nunc redeo. P. Curasti negotium tuum? A. Curaui, gratia Deo. P. Factum*

Et tu bene : quota est hora? A Instat secunda. P. Voca mihi famulum : deinde ito ad merendam cum ceteris.

COLLOQ. XXIII. ARGV'M.

Hugo à præceptore petens mutuò pecuniam, mittitur ad hypodidascalum.

HUGO. PRÆCEPTOR.

Praceptor, vis-ne mihi mutuò dare aliquantum pecuniae? P. Quid opus est tibi pecunia? H. Siluio satis faciã. P. Quantum debes illi? H. Assẽm cum semisse. P. Quo nomine? H. Quia scripsit mihi aliquot colloquia. P. Ostende. H. Vide, si placet. P. Adi hypodidascalum: dic vt det quantum petis. H. Gratias ago, praceptor. P. Non est quidd agas : refer in codicem tuum. H. Quin iam retuli. P. Factum bene: ostende ipsi hypodidascalo.

COLLOQVII XXIII. ARGVMENT.

Blasius, scribendi causa iturus ad tutorem, veniam impetrat, sed prius diligenter interrogatus.

BLASIVS. PRÆCEPTOR.

Licet-ne mihi, praceptor, adire tutorem? P. Quae te caussa mouet? B. Iusserat ille, vt se hodie conuenirem, si liceret per otium. P. Quando iusserat? B. Nudiustertius. P. Vbi illum vidiisti? B. In area, quae est è regione templi. P. At vide ne mentiaris. B. A me absit mendacium. Si vis, dabo testes ex condiscipulis qui mecum aderant. P. Qui sunt illi? B. Daniel, & Corberius. vis-ne vt eos accersum? P. Mane, ego illos conueniam. Sed dic, quid eget tutor opera tua? B. Ad aliquid describendum. P. Quae igitur hora vis illum adire? B. Nunc, si tibi placet. P. Quando buc redibis? B. Cum primum me dimiserit. P. Nunc abi, atque illi ex me dic salutem plurimam. B. Faciam libenter.

COLLOQ. XXV. ARGV'M.

Magister ad prandium inuitatus excusationem mittit.

SCRIBA. MAGISTER.

Praceptor, pater te inuitat ad prandium, si tibi placet. M. Est-ne solus? S. Solus, opinor, praeter domesticos. M. Excusa

me

me illi: iam enim aliunde inuitatus eram. Age tamen illi meis verbis gratias. s. Nunquid vis aliud? M. Nihil, nisi vt maturè ad scholam redeas. s. Maturè, iuuante Deo.

COLLOQ. XXVI. ARGVM.

Gaspar ad sartorem iturus, & eadem opéra ad tonsorem.

GASPAR. PRÆCEPTOR.

Licet-ne prodire praeceptor? P. Quò? G. Primum ad sartorem, deinde ad tonsorem. P. Cur ad sartorem? G. Vt curentibilia resicienda. P. Sùnt-ne lacera? G. Adedò lacerata, vt vix induere possim. P. Cur ad tonsorem? G. Vt illi ostendam vlcus quod mihi his diebus subortum est in femore. P. Detege, vt videam. G. Vide quando ita placet. P. Est furunculus. G. Ita coniciebam. P. Cùm aperueris tonsori, roga illum, vt emplastrum vlceri aptum adhibeat. G. Faciam quod suades. P. Sed num quis est qui tecum prodire velit? G. Immo, Iohannes Flunianus. P. Quod habet negotium? G. Tonsorem quoque vult adire, P. Itò igitur vnà, & redite similiter. G. Num quid vis præterea? P. Vt maturetis rediūm; ne merenda vestra multemini.

COLLOQ. XXVII. ARGVMENTVM.

Latomus multorū nomine veniam petit prodeūdi ad mercatum.

LATOMVS. PRÆCEPTOR.

Praeceptor, licet-ne nobis prodire? P. Estis-ne multi qui prodire vultis? L. Ferè omnes. P. Quid hoc sibi vult? L. Est hodie mercatus: inde fit, vt ferè sibi quisque velit aliquid emere. P. Nunc ego sum occupatior, quàm vt singulorum prodeūdi causam possim cognoscere: adite igitur subdoctorem, qui cognoscat, & si vacat, vos deducat ipse. L. Gratias agimus, praeceptor humanissime.

COLLOQ. XXVIII. ARGVMENT.

Theophilus iubetur scribere ad patrem cuiusdam pueri de remittendo ad scholam filio.

PRÆCEPTOR. THEOPHILVS.

Hodie

Hodie igitur Petrum conuenisti? T. Hodie. P. Vbi? T. In templo. P. Quota hora? T. Octaua matutina. P. Nunquid rogasti quando sit repetiturus scholam? T. Rogavi. P. Quid ille? T. Nescio, inquit. P. Deuisti illum ad reditum exhortari. T. Id ego feci, & multis quidem verbis. P. Bene fecisti: sed quid ille respondit? T. Se adhuc à patre detineri ad fructus colligendos. P. Quid si ad ipsum patrem scribas de statu nostro scholastico? fortasse enim mouebitur, vt filium citius remittat. T. Si tibi ita videtur, faciam, idque diligenter. P. Fac igitur primo quoque tempore: sed audi, scribe plenissimè: deinde litteras tuas mihi ostende, priusquam des perferendas. T. Sedulò faciam, praeceptor.

COLLOQ. XXIX. ARGVM.

Petanellus de variis negotiis obeundis veniam petit.

PETANELLVS. PRÆCEPTOR.

Praeceptor, licet-ne mihi exire? P. R. Quò tibi eundum est? P. E. Ad tonsorem. P. R. Non est tibi aliud negotium? P. E. A tonsore, volo ire emptum ligulas, illinc me ad sutorem conferre. P. R. Cur ad sutorem? P. E. Vt vni ex calceis meis annectat corrigiam. P. R. Ista omnia quando confeceris? P. E. Intra hora spatium; vt spero. P. R. Erunt multi fortasse in tonstrina expectantes. P. E. Fieri potest: sed si videro diutius mihi morandum illic esse, expectabo in diem sabbathi. P. R. Est-ne alius qui prodire velit? P. E. Pontanus ait se velle chartam emere. P. R. Scis-ne illi opus esse? P. E. Scio. P. R. Ite igitur vnà: curate diligenter suum vterque negotium; nec sitis cessatores. P. E. Deo iuuante cauebimus.

COLLOQ. XXX. ARGVMENT.

Carbonarius sartorem aditurus.

CARBONARIVS. PRÆCEPTOR.

Licet-ne exire? P. Quid? C. Ad sartorem. P. Quid eò? C. Vt mihi tunicam faciendam metiatur. P. Qua tibi est materia? C. Niger pannus. P. Vbi est? C. In arca mea. P. Sartor autem quis tibi est? C. Petrus Siluius. P. Est-ne peritus artifex? C. Sic

C. Sic audiui: & est notus patri meo, qui iussit ut illum adirem.
P. Vbi habitat? **C.** In vico xenodochij. **P.** Non nimis longè est,
 caue discurras. **C.** Cauebo. **P.** Facile à me veniam impetrant
 qui nunquam fallunt. **C.** Auertat Deus, ut vnquam fallam.

COLLOQ. XXXI. ARGVM.

Magister à discipulo interrogatus, respondet humaniter. Bonus
 præceptor bene optat discipulis. Solus Deus dat bene agendi
 voluntatem. Omnis boni gratia Deo debetur. Regula citra
 exceptionem vix vlla est. In dubiis grammaticis consulendæ
 sunt regulæ. Studiosus doctos obseruare ad imitandum debet.
 Præclara opera longiori tempore indigent. Experientia. Pa-
 trum indoctorum stultitia. Tempus expectandum. Scientia
 magnis laboribus comparatur. **EXEMPLVM** boni præcep-
 toris, & discipuli studiosi.

LVTERNIVS. PRÆCEPTOR.

Præceptor, licet-ne pauca? **P.** Loquere quid velis. **L.** Cùm
 interdum dicis alicui nostrum, Vbi est follis? vel, Cedo follem;
 non apparet vtrum follis sit masculini an feminini generis. **P.**
 Non apparet, fateor: quid tum? **L.** Vnde igitur scire possumus? **P.**
 Cur me de hoc nunquam rogastis? **L.** Tam multa tam sæpe in-
 terrogamus, ut vercamur, ne tibi molesti simus. **P.** Quasi verò
 istud vnquam præ me feram. contra, eo magis amo vos, quo me
 rogatis sæpius. Quid enim magis cupio, quam ut aliquando vos
 videam & optimos, & doctissimos? **L.** Habemus gratiam ma-
 ximam, præceptor humanissime. **P.** Eam gratiam ego & vos
 Deo nostro debemus, qui solus, sua bonitate, vtrisque bonam de-
 dit voluntatem. **L.** Faxit ille, ut hoc beneficio rectè semper vta-
 mur in ipsius gloriam. Sed dic queso, follis cuius est generis? **P.**
 Masculini. **L.** At ego potius feminini dixissem. **P.** Quamobrem?
L. Quia tale est pellis, quod est in rudimentis pro exemplo posi-
 tum. **P.** Non ab re id coniiciebas. Nam in is finita, quale est pel-
 lis, magna ex parte feminina sunt. **L.** Non igitur omnia? **P.** Vix
 vlla est tam generalis regula, qua exceptione careat. Follis igitur

tur sub exceptionem cadit : quia masculinum est . Sic aliquot alia, vt ignis, piscis, axis, &c. L. Sed vnde illa dignoscantur? P. Facile cognoscet, cum perueneris ad grammaticæ regulas. Sed interim Latine loquentes attentè observa; tæque ad eorum imitationem diligenter accommoda. L. At istud longum est, præceptor. P. Non sunt nisi longo tempore præclara ædificia. L. Experientia nos istud docet . At pater meus vellet me annuo spatio doctum videre. P. Ego verò istud vnius diei spatio videre vellem . Sed quid agas? omnibus in rebus expectandum tempus est . Pater tuus quia non didicit litteras, nescit quid doctrina valeat, neque quantis laboribus illa comparetur. L. Verum dicis: sed quid illi respondere possum, cum apud me conqueritur de temporis longi spatio in discendis litteris? P. Docebo te inter cœnandum: nunc ito lusum cum ceteris; vt me in museum recipiam. L. Ignosce mihi, quæso, præceptor, quod te interpellauerim. P. Nihil me interpellasti: non enim occupatus eram. Præterea, si te audire mihi molestum fuisset; nonne poteram te in aliud tempus reuocare? L. Tuo iure id poteras. P. Abi igitur.

COLLOQ. XXXII. ARGV M.

Quidam puer patris nomine præceptorem in hortos inuitat. Præceptor aliquid obiter docet ad mores pertinuens.

CASTRINOVANVS. PRÆCEPTOR.

Salvus sis, præceptor. P. Auspicatò adueneris: quid nuncias? C. Orat te pater meus, vt animi causa eamus vnà in hortos suos suburbanos. P. Ad eam rem nos inuitat serenitas: & nunc sumus feriat. Sed quid illic aspectu iucundum videbimus? C. Varias & pulchras arbores cum suis fructibus, item herbarum & florum miram varietatem. P. Nihil est illis rebus hoc tempore iucundius. C. Ea est Dei erga nos beneficentia. P. Quam quidem assidue laudibus prosequi debemus. C. Sed vereor ne patri in mora simus. P. Tantisper expecta dum rogam muto, vt sim ad ambulandum expeditior. Iam paratus sum: nunc eamus. Sed est-ne do-

mi pater? C. Pro foribus nos expectat. P. Bene res habet. vide ut eū decenter salutes. C. De hoc, te docente, saepe admoniti fuimus.

COLLOQ. XXXIII. ARGV M.

Discipulus magistrum de dubio quodam consulit. Magister benigne respondet. Analogia non ubique fidendum. Latinitas quibus constet maximè. A Etatis progressus quid requirat. Omnis profectus noster Deo tribuendus. Citra fauorem diuinum frustra laboramus. E X E M P L V M anomaliam in genere & accentu sub eadem terminatione.

BASCHODVS. PRÆCEPTOR.

Preceptor, licet ne pauca? P. Dic liberè. B. Cur non dicimus hic arbor, sicut hic labor? Item cur genitiuū arboris non proferimus panulima longa, ut ferè in ceteris nominibus terminationis eiusdem? P. Quia loquendi vsus aliter approbauit. Nec enim ubique locum habet analogia: sed ubi ea deficit, sequendus est eorum vsus qui rectè & purè locuti sunt. Nam ipsa Latinitas vsu & autoritate magis, quàm ratione constat. B. Da igitur autoritatem de nomine arbor. P. Arboris exesa truncus, apud Virgilium. Nōne hic manifestè vides & genus & accentum? B. Video, preceptor. Sed, sint ne alia eodem accentu? P. In primis Græca omnia, ut Castor, Cástoris; sic Hec̃lor, Nestor, & similia. Item hæc duo neutri generis, aquor, aquoris, marmor, mårmoris. Sunt & adiectiua quedam, ut memor, mémoris, & ex eo compositū immemor. Talia quoque sunt ex decus, & corpus composita, ut indecor, indécoris, trícorpor, tricórp̃oris. Sed hæc apud grammaticos annotata faciliè per te inuenies. Nam ista atas tua maiorem in dies requirit diligentiam. Huc accedit; quòd hæc ipsa quæ tuo labore ac diligentia inueneris, firmiore tenebis memoria. B. Ago tibi gratias, humanissime preceptor, quòd me tanta humanitate, non solùm doces, sed etiam admones. P. Bene facis: sed interim volo memineris, soli Deo acceptum referre quicquid boni ex labore meo in te profisciscitur. Frustra enim docendo laboramus, nisi laboribus nostris diuinus

fauor accesserit. Nosti illud Apostoli, Neque qui plantat est aliquid, neq. qui rigat: sed, qui dat incrementum, Deus. B. Effemus profectò plumbo stupidiore, si ista ignoraremus, quæ nobis tam sape inculcas, tamq. diligenter. P. Tanto diligentius vos oportet tum meminisse, tum recordari. Sed iam tēpus est vt ad quotidianum pensum te referas: ego verò interea me abdo in maseolum.

COLLOQ. VII. XXXIII. ARGVMENT.

Pueri, qui in quotidiano sermone ad Latine loquendum diligenter exercentur, multa discunt sine regulis grammaticis. Bene precandum omnibus, maximè nostris.

PRÆCEPTOR. OLIVARIUS.

Dic Latine, vn liure. O. Liber. P. Liber cuius generis? O. Masculini. P. Quid scis? O. Ex bene loquendi vsu, & consuetudine. P. Ostende vsu. O. Nam quotidie loquentes. sic dicimus: Hic liber, cuius est? Dicimus item sæpenumero, liber meus, liber tuus, bonus liber, & simili. P. Bene respondisti: sed quis loquendi vsu te docuit? O. Tu ipse, præceptor. P. Ergone tenes omnem vsu linguæ Latine? O. Si tenerem, iam non essem discipulus. P. Quid igitur? O. Magister sort. assē. P. Abi, responso tuo contentus sum. O. Gaudeo sanē. P. Age gratias Deo, qui tibi dedit ingenium, & mentem bonam. O. Vtinam semper agnoscam eius in me beneficium! P. Vtinam ille fauore suo tua studi. & prosequatur! Quid hoc sibi vult Oliuari? O. Quod mihi bene precaris. P. Ergo tu quoque memento bene ex animo precari omnibus, præcipuè verò condiscipulis tuis. O. Meminero, præceptor. P. Adendum fuerat, Deo iuuante. O. Oblitus sum; fateor.

COLLOQ. XXXV. ARGVMENT.

Exemplum ad pueros in Latinis Gallicè & Flandricè vertendis paulatim exercendos.

PRÆCEPTOR. DANIEL.

Atende Daniel, vt discas Latin. & bene Gallicè & Flandricè vertere. D. Attende, præceptor. P. At diligenter. D. Immo diligentissimè, & ex animo. P. Bene facis. D. Propone igitur mihi

mibi Latina; vt nobis interdum soles. P. Quid opus est? D. Que fault-il? wat is van noode. P. Galline. D. A vne poule, tot een hinne. P. Vt. D. A ce que, dat. P. Illa. D. Elle, sp. P. Sit. D. Scit, 3p. P. Bona. D. Bonne, goet. P. Rectè verifisti. Nunc ad singulas partes huius orationis responde nominatim. D. Respondebo quo ad potero, dummodo mihi praeieris. P. Quid. D. Est nomen. P. Opus. D. Nomen. P. Est. D. Verbum. P. Galline. D. Nomen. P. Vt. D. Coniunctio hoc in loco. P. Illa. D. Pronomen. P. Sit. D. Verbum. P. Bona. D. Nomen. P. Agè, dicamus iterum; vt singula paulo plenius intelligas. D. Quid nunc respondēbo? P. Indica breuiter singularum partium declinatum, vt vos docere soleo. D. Prae-ito igitur, vt coepisti. P. Quid. D. Quid, cuius, nomen substantiuū, anomalum. P. Opus. D. Hoc opus, operis, vt onus, oneris. P. Falle-ris Daniel. D. Quid ita? P. Quia opus, hic est adiectiuum. D. Eho, adiectiuum! quomodo declinatur? P. Est indeclinabile. D. Me miserum? nunquam istud audieram. P. Addendum fuit, quod sciam, vel, quod meminerim. D. Quamobrem? P. Quia fortasse audieras, sed memineras malè. D. Fieri potest: sed perge, quaso, me docere. Quid Gallicè & Flandricè significat istud nomen? P. Non solet Gallicè & Flandricè verti, nisi iunctū cum verbo Sum, es. D. Da exemplum. P. Quotidie in ore habes exem-pla. D. Nunc mihi non occurrunt. P. Nōne soles dicere, & au-dire ex condiscipulis, Opus est mihi charta, atramento, pecu-nia, & similia? D. Sape dico, fateor, & sapè audio: sed parum aduerto. P. Nunc igitur aduerte, & manda memoria. Opus est mihi pecunia ad libros emendos, i'ay besoing d'argent pour achepter des li'ares; vel sic, il me faut de l'argent; vel, i'ay affaire: ick heb ghelt van doen om boeckē te coopen. D. Da item aliud exemplum, quaso. P. Opus est tibi virgis, vt tua expellatur pigritia, tu as besoing de verges, à fin que ta pareisse soit chassée, v; jyn roedē vā noode/ op dat v lup-hept werde wtghedjeuen. D. Fateor equidem, praeceptor: sed

Deus (vt spero) mei miserebitur. P. Omnium miseretur Deus, qui pie illum inuocant. Sed de nomine opus iam satis multa, quod ad vos attinet: ad cetera redeo. Est. D. Sum, es, est, esse, verbum anomalum. P. Gallina. D. Gallina, galline, vt mensa, mense. P. Vt. D. Non declinatur, quia est coniunctio: Gallicè, que, à fin que, à ce que: Flandricè, op dat. P. Illa. D. Ille, generis masculini: illa, feminini: illud, neutri. P. Declina in feminino. D. Illa, illius, illi, &c. P. Sit. D. Iam dictum est. P. Bona. D. Bonus, generis masculini: bona, feminini: bonum, neutri: nomen adiectiuum. P. Conser ad exemplum. D. Iustus, iusta, iustum: bonus, bona, bonum. P. Nunc mutuo vos interrogate; vt plenius omnia tractetis.

COLLOQVIVM XXXVI.

BANDERIVS. PRÆCEPTOR.

Præceptor! P. Quid vis? B. Licet-ne mihi ire domum? P. Cur ante horam? B. Pateriusit vt nunc abirem. P. Quid eget opera tua? B. Vult me in villam mittere. P. Quid ed? B. Petitum vuas, & eadem opera nunciatum aliquid villi-
conostro. P. Quid si me fallis? B. Adferam testimonium; vt so-
leo. P. Quando redibis? B. Hora prima; vt spero. P. Quid tam-
ciud? B. Villa nostra non longè hinc est. P. Ito sanè.

COLLOQ. XXXVII, ARGVMENTVM.

Excusat se quidam, quod inconsulto præceptore prodierit: cuius rei testes producit.

DISCIPVLVS. PRÆCEPTOR.

Præceptor, placetne audire excusationem meam? P. Quando absuisti? D. Hesterno die. P. Quota hora? D. Prima. P. Quae fuit causa? D. Accersitus fui. P. A quo? D. A patre. P. Quis tibi nuntiavit? D. Famulus noster. P. Cur non me adisti? D. Quia dicebat ille se vrgeri festinatione. P. Sunt-ne tibi testes? P. Adsunt, præceptor, P. Abi; sede in loco tuo: ego interim eos interrogabo.

COLLOQVIVM XXXVIII.

DISCIPVLVS. PRÆCEPTOR.

Licet-ne abesse hora secunda? P. Quid habes negotij? D. Pa-
ter eget opera mea. P. Qua in re? D. Vt sibi aliquid scri-
bam. P. Sed interim non reddes que præscripta sunt vobis. D.
Iam edidici. P. Factum bene. D. Placēt-ne tibi audire me? P.
Cras audiam; cū licebit per otium. D. Permittis-ne igitur, vt
absim, præceptor? P. Agē, permitto: sed ita, vt crastino die scri-
ptum adferas testimonium. D. Ego semper tibi adfero aut à pa-
tre scriptum, aut à nostro famulo, patris nomine. P. Rectē facit
pater. Sunt enim multi qui me pascunt mendaciis. Nunc abi:
& patri dic salutem verbis meis. D. Faciam, præceptor.

COLLOQVIVM XXXIX.

PRÆCEPTOR. CAPERONVS.

Heus Caperone! C. Hem, præceptor! P. Quid flet frater
tuus? C. AEgrotat. P. Quis scis? C. Satis apparet. P. Quo
signo? C. Quia vomuit. P. Quid illi dolet? C. Caput, & stoma-
chus, vt dicit. P. Cur non recepit se domum? C. Non ausus est. P.
Tū verò non audebas me admonere? Agē, duc illum tu-ipse do-
mum vsque; & matri narra diligenter, vt ille se habeat. Prope-
ra: quid cessas? duc eum lento gradu. C. Ducam præceptor.

COLLOQ. XL. ARGVMENT.

Nimio somno deditus puer reprehenditur de veniendi in gymna-
sium tarditate. Mendacio, & causa friuola purgare se conatur.
Illi, vt verum fateatur, promittitur impunitas. Pœnarum me-
tu, post aliquot tergiuersationes, rem omnem confitetur: dili-
gentiam promittit in posterum. Docetur, qua illam ratione
præstare queat. Multis verbis ad mutandos mores humanissimè
commonetur. Ex pœnitentiæ signo, quod præ se fert, bonam
spem promittit. **E X E M P L V M** in somniculosos.

PRÆCEPTOR. TILIACVS.

Heus Tiliace, sequere me in cubiculum: est quod ego te
seorsum monere velim. T. Adsum, præceptor. P. Nun-
quā-

quàm-ne maturè in scholam venies? T. Non possum venire citius. P. Semper istud dicis: quid impedit? T. Nemo est domi nostra qui me experges faciat. P. Nemo? T. Proorsus nemo. P. Non habetis ancillam? T. Habemus quidem, sed non curat me excitare. P. Immo tu (ut opinor) non curas surgere. Nonne verum dico? quid taces? responde nunc tandem aliquid. T. Me miserum! quid agam? P. Nihil est quod terrearis: fateri verum. T. Quid si confessus ero? P. Ego tibi ignoscam; crede mihi. T. Ab pudet. P. Ne pudeat verum fateri, quasò: alioqui vapulabis. Pergin' tacere? Heus observator, vise ad matrem eius, & roga. T. Ne mitius, oro, preceptor: dicam tibi rem omnem: nihil reticebo. P. Agè, esto animo beato. T. Sic est, profectò, ut dixisti. P. Non satis istud est; volo audire sigillatim omnia. Narra mihi planè quemadmodum sese tota res habeat. T. Cum venit ancilla me excitatum; primum nihil respondeo; quasi seriò dormiam: deinde, si magis urgeat, attollo agrè caput: sedeo in lecto: thoracem in iucio humerus, quasi statim surrecturus. P. Quàm pulchrè narras! profectò, nunc te magis amo, quàm unquam feci. Perge. T. Cum primum egressa est ancilla cubiculum, tum ego reclino caput in pulvinum, ac demitto pedes. P. Etiamne redormis? T. Ego verò redormio bene, placidèque. P. Quamdiu? T. Donec ancilla secundo veniat. P. Cùm rediit, quid tibi dicit? T. Exclamat, vociferatur, insanit. P. Quibus utitur verbis? T. Hemè nebulo (inquit) quando eris in schola? ego dicam preceptori tuo, ut te bene verberet: tu nunquam vis surgere, nisi bis, aut ter excitatus fueris. P. Bona fide promittis facturum te posthac officium? T. Si unquā recidero, causam nō dico, quin palàm cadar virgis, idque acerbissimè. P. Bellè quidem promittis: sed quomodo præstabis promissa? T. Adiuvante Domino Deo. P. Quæ ratione flectes illum? T. Fide, & assiduis precibus. P. Alioqui nihil posses obtinere. T. Credo equidem. P. Non satis est credere, nisi cures efficere diligenter. T. Curabo pro viribus, ac dies, noctesque

que id vnum meditabor. P. Optimè loqueris; dum tamen memor
 e se pergas. T. Quomodo possem obliuisci? nunquam desinunt
 istud mouere concionatores: tu verò sere quotidie ad id nos hor-
 taris: & bene facis, præceptor, quia omnes sumus valde negli-
 gentes; sed ego primus omnium. P. Da igitur operam, vt tu
 omnium primus mores istos mutes: at memento præcipuè sem-
 per verax esse. T. Faxit Deus, vt nunquam mentiar. P. O quàm
 felix esses! T. Satis in præsentia felix ero, si tantum me absolue-
 ris. P. Faciam quod tibi sum pollicitus: sed ea lege, vt promissi
 tui memineris, & re ipsa præstes; quemadmodum nunc mihi re-
 cepisti. T. Quid igitur restat quominus abeam liber? P. Immo
 aliquid restat: mane, & audi etiam nunc. T. Quamdiu voles,
 præceptor. P. Inter cetera, excutias oportet istam pigritiam,
 qua te in lecto detinere solet: non enim decet studiosum adole-
 scentem somniculosum & inertem esse, sed alacrem & exper-
 rectum: cuiusmodi vides aliquos ex condiscipulis tuis. Non tenes
 memoria diuinum Petri Apostoli præceptum? T. Quod illud est?
 P. Sobrii (inquit) estote, & vigilate. T. O quoties audieram!
 sed (prò dolor!) nunquam vsurpauì. P. Fac vt studiosè vsur-
 pes in posterum: neque illud solum, sed etiam cetera bene viu-
 di præcepta, qua toties audiisti. Quod quidem si diligenter fe-
 ceris, tibi in primis bene consules: iucundus eris parentibus, &
 mihi, & condiscipulis tuis: denique (id quod est præcipuum) ca-
 rus eris Deo, qui studia tua in gloriam sui nominis magis in dies
 promouebit. T. O quantum fructum sentio ex ista admonitione
 tua! P. Vehementer sanè gaudeo, & tua & condiscipulorum
 causa. T. Quid si narres illis meam pœnitentiam? P. Ego verò
 narrabo primo quoque tempore, vt exemplo tuo discant nihil
 esse acceptius Deo, quàm culpam agnoscere, & ad frugem bo-
 nam redire. Vale fili; & adesto hora tertia in auditorio. T. Ago
 tibi gratias ingentes, amantiſſime præceptor.

C O L L O Q V I O R V M
S C H O L A S T I C O R V M
L I B E R Q V A R T V S ;

Paulo grauiora continens, præsertim in moribus,
& Christiana doctrina.

C O L L O Q V I I I. A R G V M E N T V M.

De iis quæ in oculos incidunt. Amicus amico nulla spe mercedis adductus opitulatur. Oculus membrum inter exteriora nobis carissimum. Zachariæ locus de pupilla oculi. Experientia. Iocus obliquè noratus. Iocandum interdum, modò cum fructu. Studia nostra ad gloriam Dei referenda.

P E R I A L D V S. S A M V E L.

O Bsecro te, Samuel, da mihi operam paulisper. s. Quid istud est? P. Nescio quid incidit mihi in oculum, quod me habet valde malè. s. In vtrum oculum incidit? P. In dextrum. s. Vis inspiciam? P. Inspice, amabo-te. s. Aperi, quantum potes; ac tene immobilem. P. Non queo à nictu continere. s. Mane, egomet tenebo sinistra manu. P. Ecquid vides? s. Video aliquid minutum. P. Exime, quaeso, si potes. s. Quin, iam exemi. P. O factum bene! quid est? s. Cerne tu ipse. P. Est mica pulueris. s. Et quidem vsque-adeò pusilla, vt vix cerni possit. P. Vide quantum doloris adferat oculis res tam exigua. s. Haud mirum quidem. Nullum enim è membris exterioribus oculo tenerius esse dicitur. Inde etiam fit, vt experiamur nihil esse nobis carius. P. Hoc Deus approbat, cùm de sua in nos caritate loquens apud Zachariam 2. cap. sic ait, Qui vos tangit, tangit pupillam oculi mei. s. O immensam Dei bonitatem, qui nos tantopere caros habet! P. Non mihi rubet oculus? s. Aliquantulum: nempe quia fricuiisti. P. Credin' tu adhuc mihi dolere? s. Quidni credam, qui toties talem molestiam sum expertus? P. Experientia est rerum magistra. s. Ita vulgò dicitur. P. Quid pretij dabo isti medico pro labore? s. Quantum pacti sumus. P. Breuis est conclusio:

clusio: ergo nihil: sed tamen habeo tibi gratiam: atque vtinam detur referenda locus. s. Quin potius auertat Deus. p. Bene correxisti: dixeram imprudenter, at sine dolo. s. Sic accepi: sed interim iocari licet; praesertim vt in Latina lingua nos exerceamus. p. Faxit Dominus Deus, vt omnia studia nostra ad gloriam ipsius referantur. s. Faxit, precor.

COLLOQ. II. ARGVM.

Alexander Carolo commodatum reddit cum gratiarum actione. Beneficia vitro citroque oblata. EXEMPLVM aulicæ ciuilitati propemodum simile.

ALEXANDER. CAROLVS.

ECce, reddo tibi commodatum; & gratias ago maximas. c. Non est quod agas: sed tu satis-ne vsus eras? A. Satis diu vsus concessisti, quæ tua est humanitas? c. Quoties opus erit, quaeso, ne parcas rebus meis. A. Non parcam, quando ita iubes. c. Pergratum mihi feceris. A. Gratiam habeo maximam: tu verò nostris vicissim vttere, siquid vsus fuerit. c. Non est quod moneas: satis mea sponte sum impudens. A. Immo verecundus nimis. c. Esto: aliquando tamen senties. A. Ita velim: bene vale. c. Te seruet Dominus Deus.

COLLOQVII III. ARGVM.

Ab obseruatore monetur quidam adulescens, vt in admonendo fratre natu minore sit diligentior. Pergendum constanter in admonendis omnibus, præcipuè qui nobis coniuncti sunt. Bonæ indolis signum quoddam in puero. EXEMPLVM fraternæ admonitionis.

OBSERVATOR. BAPTISTA.

FRater tuus semper in concione aut garrir, aut ineptit, aut aliquem incitat; ex quo fit, vt saepe notandus sit; deinde vapulet. B. Quid vis faciam? o. Cur non saepe mones? B. Nunquam desisto monere. o. Perge precor. B. Nihil est quod me preceris: nunquam cessabo, donec (volente Deo) aliqua ex parte se correxit. o. Sic vsurpabis Catonis preceptum, Quando mones aliquem.

aliquem. nosti cetera. B. Sed oro te mi Nicolae, vt quoties eum notaueris, id mihi renuncies. O. Nunquam finis esset: adeo frequens est nomen eius in meis commentariolis. B. Saltem fac me certiozem, cum primum commiserit, quo sit accusandus: tum ego dicam patri, cuius verba magis timet, quam verbera. O. Istud non est paruus bonae indolis argumentum. B. Ita spero quidem. Facies igitur quod rogo? O. Ego verò, atque libens.

COLLOQVII IIII. ARGVMENTVM.

Patricius Méloco arcanum commissum extorquere frustra conatur. Amicus, a' ter idem. EXEMPLVM taciturnitatis in celandis amicorū consiliis. Item in curiosos arcanorū scrutatores.

PATRICIVS. MELOCVS.

Q*uid consilij tractabas modò cum preceptore? M. Si scire cupis, illum percontare. P. Cur me celas? M. Vt ne palàm facias. P. Non ideo (crede mihi) te rogo, vt id proferam: quid enim proficerem? M. Quamobrem igitur tam cupidè rogas? P. Nimirum vt mecum tacitus gaudeam, siquid boni audieris. M. Itá-ne paratus aduenis, vt à me extorqueas, quod mihi vni, idq. à preceptore, creditum est? P. Quod mihi dixeris, surdo & muto dictum puta. M. Ego-ne tergum meum in fidem tuam committam? P. Id profectò potes, & quidem sine periculo. M. Numquam dices tam commodè, vt istud mihi persuadeas. P. Dabo fidem me taciturnum. M. Etiam si ter quater sanctissimè iuraueris, non prodam. Proinde tu desine percontari. P. Hem, vbi est illa nostra amicitia? M. Nescis dictum illud Sapientis? Quod tacitum esse vis, nemini dixeris. P. Audiui aliquoties: sed quod amico dictum sit, nemini dictum videtur. Est enim amicus quasi alter idem. M. Eadem tibi dicet, qui scire ex te volet, & item alius, qui ex illo: atque ita ad aures omnium perueniet. Itaque si me tibi posthac vis amicum esse, me missum facito. P. Non sum imperator, vt te missum faciam. M. Pergin' molestus esse? P. Abire malim, quàm tibi molestiam exhibere.*

COLLOQ. V. ARGVM.

Hieremias narrat Marthoræo de inopinato patris aduentu, ob falsum de morbo rumorem. Citò irascens faciliè placatur. Ira puerorū brevis. EXEMPLVM paternæ diligentæ in liberorū cura.

MARTHORÆVS. HIEREMIAS.

Qua pecunia emisti librum istum? H. Qua censes, nisi mea? M. Miror vnde habueris. H. Quid miraris? An tibi debeo reddere rationem? M. Ego-ne exigo? H. Videris exigere. M. Non exigo, inquam: sed sic solemus inter nos familiariter, & liberè fabulari; vt Latinè semper condiscamus aliquid. H. Eares, fateor, plurimùm confert nobis ad Latinè loquendi facultatem. Sed nemo est tam lenis, quin interdum subirascatur. M. Est, vt dicis: sed est brevis puerorum ira. H. Quod autem de pecunia rogabas, eam à patre acceperam. M. Quando venerat? H. Abhinc octo dies. M. Miror, quòd eum non viderim. H. Non est quòd mireris. M. Quid ita? H. Quia vix sesquihorā hic moratus est. Cùm enim de equo descendisset, meque paucis esset allocutus; ascendamus, inquit, in tuum cubiculum, vt tecum liberius colloquar. M. Sed antequam narres cetera, velim scire, quid sibi vellet aduentus eius tam inopinatus. H. Falso quodam rumore (vt sit) audierat me agrotum esse. M. Quid illè, cùm prater spem te valentem inuenit? H. Mirificè affectus est gaudio. M. Quis dubitet? H. Præterea Deo optimo maximo maximas egit gratias. M. Libenter hac audio: perge quæso. H. Tunc me do valetudine percontatur: vnà precamur, non sine gratiarū actione: tandem querit ecquid mihi opus sit. Opus (inquam) pater. Qua (inquit) te reges? Libro (inquam) decem assium. Tum ille promittit ex marsupio decussim: eum mihi in manum dat, & vale dicto, statim conscendit equum, atque abit. M. Cur tibi plus dedit, quàm petiueras? H. Istud inoptè quaris. Scilicet ita latus erat; quia me, præter spem, bene sanum offenderat: quòd si vel coronatum petiuissem, tam faciliè dedisset mihi. M. O quantum debeo

debes illi summo Patri, qui tibi adeò bonum patrem dederit! H. Ne cogitari quidem potest, quantum debeam. Nam etiamsi malum dedisset, deberem tamen non parum. Sed quid cessamus auditum ire prælectionem? M. Iam instat hora tertia. H. Parata sunt mihi omnia. M. Mihi quoque. H. Eamus ergo in auditoriū.

COLLOQ. VI. ARGVM.

Reprehenditur profectio in militiam. Militum vita corruptissima. Bonus paterfamilias semper aliquid per occasionem docet. Timor Dei. Custodit paruulos Dominus ac dirigit. Patres & præceptores diligendi, & quare. EXEMPLVM adolescentis stulti, & parentum contemptoris.

SONERIUS. VILLATICVS.

VBi nunc est frater tuus natus maximus? V. Iuit in militiam. S. Quid ais? in militiam? V. Sic res est. S. Sic ergo vale dixit litteris? V. Iam pridem litterarum satietas eum ceperat. S. Quid ita? V. Nescio; nisi quia volebat liberius viuere. S. Quomodo permisit pater? V. Quid? putas permisisse? patre absente, matre inuita profectus est. S. O miserum adolescentem! V. Immo verò miserrimum. S. Quid faciet? V. Id quod ceteri, qui sequuntur illud vitæ genus: nempe spoliabit, rapiet, ludet alea, potabit, scortabitur. S. Est-ne istæ militiæ vita? V. Omnino. S. Vnde scis istud? V. Audini nuper ex patre, cum cœnaremus. S. Quorum narrabat talia? V. Docebat nos, nihil esse certius, quam Deum timere, qui custodit paruulos, eosq. in viam rectam paulatim inducit. S. Et præceptor ipse noster de iis rebus sæpe nos admonet. V. Tanto magis debemus esse solliciti, ut parentes charos habeamus, & præceptores, quorum opera Deus ad nostram institutionem vititur. S. Vtinam utrisque præstemus, quod ipse nobis in sua lege præcipit. V. Ita faxit ille. S. Faxit, precor.

COLLOQ. VII. ARGVM.

Quidam reuertens ex Germania præter opinionem & voluntatem patris, domo expellitur. Post aliquod tempus, amicorum opera redit in gratiam. EXEMPLVM eius quod per iram peccatur: item stultæ matrum indulgentiæ in liberos.

LVCAS. OROSIVS.

Avdio fratrem tuum iam reuenisse ex Germania. O. Sic est. L. Solúsne rediit? O. Non omnino. L. Quis igitur cum illo? O. Quidam ciuis huius opidi, qui serè biennum illic habitauerat. L. Cur iuerat frater? O. Missus illuc fuerat à patre, vt Germanicè disceret loqui. L. Quam igitur ob rem non fuit illic diutius? O. Iam non poterat ferre matris desiderium. L. O tennellum adolescentem! quotum agit annum? O. Septimum decimum, si rectè mater meminit, ex qua id audiui saepe. L. Agè, quo vultu à patre exceptus est eius aduentus? O. Rogas? pater non sustinebat illum aspicere: quinetiam nec salutatione dignatus, nec alloquio, iussit eum abire è conspectu. L. Quid praterea? O. Nisi mater cum lacrymis intercessisset, iubebat apparitorem accersi qui miserum in carcerem conduceret. L. Atquid non poterat iniussu magistratus. O. Nescio; tamen conabatur. L. Quid postea factum est? cubuit-ne domi vestre? O. Minimè verò. L. Vbi igitur? O. Sororis mea virum nostin'? L. Tanquam digitos. O. Eò missus est à matre, dum patris ira deferuesceret. L. Quid tandem accidit? O. Egit mater cum propinquis, & amicis nostris, vt iratum patrem mitigarent. L. Sic igitur frater tuus cum patre in gratiam rediit. O. Id non fuit magni negotij. Iam enim pater caperat pœnitere, quòd sic excanduisset, quòdque tam grauitè accepisset filium. L. Nempe dies eius iram lenierat. O. Ea tamen lege recepit illum, vt promitteret se in Germaniam rediturum statim à vindemia. L. Vide, quàm ineptus sit iste in matres nostras affectus. O. Atqui ipsa matres sunt in causa: cur enim adèd tenerè nos adamant? L. Naturam cogere difficile est. O. In hanc sententiam tenésne versum ex Horatio? L. Naturam expellas furca, licet, vsque recurret. O. Sed quid hoc? dum fabulamur, à lusu cessatum est. L. Nihil inde nobis accidet mali: ad disputationes conueniamus iam.

COLLOQ. VIII. ARGVMENTVM.

Olerum quorundam nomina enumerantur. Moretum Virgilianum. Lætitia ob rem culinariam. A puero fructus & olerarum nibus præferuntur. Studiosis satis est modicum alimentum. Parentes ægiè ferunt, nisi filios in schola bene curatos videant. Matrum indulgentia. Parentum amor in liberos non faciè immutatur.

CONRADVS. LINVS.

Vbi fuisti hodie post prandium? L. In horto præceptoris. c. Quid illuc iueras? L. Ille me miserat petitum olera. c. Quæ tandem olera collegisti? Vix enumerare possum omnia. c. Saltem quæ occurrent memoria. L. Sed cur istud quæris? c. Ut interim recordemur aliqua rerum nomina, quæ paruuli didicimus. L. Pulchra est exercitatio, præsertim cum aliquid nobis suppetat otij. Audi igitur: collègi allia, serpyllum, porros, cepas, nasturtium, cuminum, sceniculum, thymum, amaracum, hyssopum, apium, saluiam, saturèiam. c. Herbae sunt olentes, quas adhuc numerasti. L. Sic institueram, memoriae gratia. c. Perge porro. L. Pauca quidem restant, ut beta, cichorium, lactuca, oxalis, eruca, brassica, portulaca. plures non occurrunt. c. Qui potuisti tot meminisse? L. Præceptor mihi dederat scriptum catalogum. c. Et noueras omnes? L. Noxam: alioqui eum interrogassem. c. At ego non noui omnes: quamuis nomina didicerim. L. Ego tibi plures etiam demonstrabo, cum licebit nobis in hortum ire. c. Multumne attulisti? L. Plenum calathum. c. Sed de singulis quantum? L. Nimis es curiosus: quid vis? de singulis attuli quantum opus fuit. c. Tamen si curiosus tibi videor, tamen hoc mihi velim respondeas. Scin'tu in quem usum præceptor tot olerum genera curaret apparanda? L. Partim, ut ius bene condiretur; partim, ut minuta ex oleribus fieret. c. Quàm bene consulebat nobis! L. Optimè, sed tamen ea non erat causa præcipua. c. Quænam igitur? L. Legisti-ne vnquam Moretum Virgilij? c. Carmen quidem legi, sed moretum nunquam edi,

nec

nec vidi, quod sciam. L. At videbis, spero. Nam praeceptor vxorem docuit conficere, & illi consecit ex eius praescripto. C. An apponetur nobis aliquid in caenam boni? L. Saltem ius carniū pingue, bene conditū, carnes optimae, & minuta ex oleribus: C. Vnde scis ista? L. Omnia vidi in culina, cum iussus essem adiuvare, praecipue in meis oleribus repurgandis. C. Quid moretum? non saltem gustabimus? L. Immo dabitur nobis: nam confectum est, quod satis sit omnibus. C. Ista mihi sapiunt magis; praesertim aestate, quam carnes ipsae, aut pisciculi. L. Optarem profecto seruari carnes in hiemem, ut tota aestate olera & fructus esitaremus. C. Atqui (ut accepi) ista minus alunt. L. Id ego audiui quoque aliquoties: sed quid opus est tanto studiosis alimento? C. Non tanto, fateor: si tamen parentes nos viderent palidos, & macilentos, statim eius rei culpam assignarent praecptori: nonne sic est? L. Non est dubium: sed quid agas? ferè parentes, praecipue matres, nobis indulgēt nimium. C. Vera quidem dicis: sed tu interim matris indulgentia libenter fruere. L. Quasi verò tu minus. C. Ne mentiar, quod tibi adscribo, in me quoque frequenter experior. L. Non possumus parentum erga nos affectum; nisi nostris vitiis, immutare. tantum caueamus eorum abuti beneuolentia: sed in primis laudemus illum Patrem nostrum benignissimum, qui nobis tales progenitores dedit. C. Ista libens audio: sed nos hora vocat. L. Agè, finem imponamus.

COLLOQ. IX. ARGVM.

De carnis emptione. Diuinatione ex coniecturis. Contra vulgi opinionem de fortuna. Mali mores tenaciùs retinentur. Solus Deus adiutor. Linguae lapsus ex imprudentia. Memoria exercenda. Dociles proficiunt admonitu.

MOLERIVS. DOTHÆVS.

Vnde redis? D. A foro. M. Quid emisti? D. Carnem. M. Qualem? D. Vitulinam. M. Ostende, quaeso: ferè noua res est hoc tempore. D. Vide. M. Bona videtur mihi. D. Non falleris, opinor. M. Quot sunt librae? D. Nolunt lanij appendere vituli-

H

nant:

nam. M. Cur non? D. Propter nouitatem. M. Vide astutiam; scilicet quisque vendit, quam potest carissimè. D. Rem acu attigisti. M. Quantum putas pendere? D. Duas libras, & paulo amplius. M. Quanti emisisti? D. Agè, diuina. M. Non sum diuinus. D. Atqui multi diuinant, qui tamen diuini non sunt. M. Fieri potest; sed ex quibusdam coniecturis: alioqui diuinatio vetita est in diuinis litteris. L. Diuina igitur ex coniectura. M. Emisisti totum duobus asibus? D. Paulo minoris. M. Quanti ergo? D. Tenta iterum. M. Viginti denariolis. D. Nolo te diutius torqueri de nihilo. M. Dic igitur, sodes. D. Hoc totum constitit mihi sex quadrantibus. M. Profectò fortuna tibi pulchrè fauit. D. Quam mihi narras fortunā? M. Hic mos est loquendi. D. Mos (vt dicitur) tyrannus est pessimus. Atque utinā bonos mores tam studiosè cole-remus, quam obstinate retinemus malos! M. Tunc melius se haberent omnia. D. Nos igitur fortunā istā ethnicis, & impiis relinquamus. Fortuna nihil est: solus est Deus qui fauet nobis, solus est adiutor & protector noster. M. Istud quidem certò scio, fideliter credo, & verè confiteor: sed quid agas? saepe labitur lingua, nihil mali cogitāte animo. T. Oportebat te illud meminisse, Ne lingua præcurrat mentem. M. Istud quidē didicimus è septem Sapientum dictis: sed non semper occurrunt eiusmodi pulchrè dicta, licet ea mandauerimus memoria. D. Tanto igitur magis illa est exercenda; vt nobis, cū opus est, suppetat. M. Isto tuo admonitu discam esse aliās prudentior. D. Sed audio signum dari: desinamus.

COLLOQ. X. ARGVM.

Præceptoris accusatio: in Gallicè & Flandricè loquentes. Eiusdem ad Latine loquendum exhortatio. Interpretatio edicti de vetito Gallico & Flandrico sermone. Malè acturi quarunt latebras. Iniquorum perversitas. Nitimur in vetitum. De doctrina Christi & timor Dei auocant à malo. Exhortatio ad rectè viuendi studiū.

CAROLETVS. QVINTINVS.

Adfuisti matutinæ precationi? Q. Adfui. tu verò ubi eras? C. Iueram ad patrem in cauponam. Q. Quid eò? C. Heri

c. Heri vesperi iusserat, vt se conuenirem bene manè. Q. Quis ausus est am manè prodire, idque inconsulto praeceptore? c. Iam beri veniam impetraram antequam iretur cubitum. Sed dic mihi, quid ille à precatione palam admonuit? Q. Audiui, inquit, esse inter vos, qui saepenumero Gallicè & Flandricè fabulentur: & nemo interea vestrum mihi quicquam indicat, quod est argumentum consensionis omnium in eodem peccato. Hæc fuit accusationis summa. deinde in eam sententiam multa dixit, qua meminisse non potui. c. Sed quæ tandem fuit conclusio? Q. Quamobrem, inquit, admoneo vos, vt alius alium ad Latine loquendum cohortemini diligenter; & eorum nomina, qui parère noluerint, ad me quamprimum deferatis: vt huic malo remedium adhibeam. c. Nullam igitur verbum licebit efferre Gallicum vel Flandricum? Q. Quantum ex verbis eius colligere potui, non ita rem intelligit. Non enim (vt scis) vsque adeo est seuerus exactor, vt statim puniat si cui verbum aliquod inter colloquendum exciderit. c. Aliquoties (vt memini) palam dixi, edictum suum ad eos denuum pertinere, qui cum Latine sciant, tamen semper latibula quarunt, vt Gallicè vel Flandricè fabulentur, idque de rebus ineptissimis. Q. Ea est quorundam pertinacia, vt malint sapissime vapulare, repugnando præceptis honestissimis, quàm laudari atque etiam diligi obsequendo. c. Meministi audire ex ipso praeceptore, Nitimur in vetitum? Q. Memini: atque aded est verissimum: tamen qui doctrinam Christi libenter amplectuntur, non studio peccant neque malitia. c. Istud præstat verus ille timor Domini. Q. Tales igitur, quoad licet per naturæ infirmitatem, sedulo cauere nituntur, nequid scientes faciant, dicant, aut cogitent, quo Deus vel minimum offendatur. c. Ergo studeamus & nos idipsum cauere: studeamus rectè viuere, & Dei nostri parère voluntati: non modò ne vapulemus, sed magis, vt illi optimo Patri nostro placeamus. Q. Ita fiet, vt verè simus non tenebrarum, sed lucis

filij. c. Sed de his alijs pluribus; nunc ad disputationes recipiamus nos. Q. Ecce vocat signum.

COLLOQVII XI. ARGVMENT.

Aliquot nomina carnis generum. Reprehenditur imperitè locutus. Viuarium ferarum. Horratio ad agnoscenda beneficia Dei. Eleemosyna secreta. Locus ex Evangelio.

ALBERTVS. TIROTVS.

Nunc demum redis à foro? T. Quid demum? tanta est ad lanienam turba, vt vix accedere potuerim. A. Quas attulisti nobis carnes in diem crastinum? T. Bubulam, & veruecinam. A. Est-ne in foro carnum magna copia? T. Tanta profectò, vt mirer adeò caras esse. A. Nihil mirū. vt multe sunt carves, ita multi qui carnes edunt quotidie. Sed qua potissimum vidisti carnis genera? T. Vidi bubulam, vitulinam, ouillam, veruecinam, suillam, hadinam, agninam. A. Nihil-ne amplius? T. Quid velles præterea? A. Nihil igitur erat ferina? T. Non queo referre simul omnia: immo, etiam ferinam vidi. A. Qualem? T. Ceruinam & aprugnam. ô quàm pinguis est aprugna! A. O quàm ineptus es! T. Quid ita? A. Quia falleris in rerum nominibus. Nam quod in sue domestico ducitur aruina, id in sue fero (id est apro) callum vocatur; & est in eo genere durissimum. T. Istud quidem audire non merui. A. Nunc audisti: manda (si vis) memoriæ. T. Tu verò doctor vnde istud didicisti? A. Domi nostræ ferina caro, res est frequentissima. T. Vnde vobis tanta est copia? A. Pater habet ruri ferarum multarum viuarium, ex quo interdum solidi apri in urbem adferuntur. T. Quale est viuarium istud? A. Locus est ferè quadrangulari forma, amplissimus, muris altissimis septus vndique, cirsitus multis & proceris arboribus; inter quas sunt dumeta maximè densa. T. Quales sunt illic arbores? vtrum urbana, an siluestres? A. Siluestres ferè omnes, sed in his sunt potissimum quercus & fagi, quarum glande pascuntur cerui, apri, damæ. T. O quantas me-

rind

vitò gratias Deo debetis, qui vobis largitus est tantam rerum omnium abundantiam! A. Non sumus immemores beneficiorum eius. Pater enim plurima bona in pauperes erogat: quòd tamen tibi vni dictum esse velim. T. Cur ita? A. Quia talia non vult predicari. T. Tanto magis laudandus, quòd Christi praeceptum verè sequitur, cuius verba apud Matthaeum scripta sunt: Cùm facis, inquit, elemosynam, & quae sequuntur. A. Quoto capite? T. Sexto, nisi me fallit memoria. A. Sed hac haëtenus: satis enim sumus collocuti: & iam ad disputandum conuenitur. T. Eamus igitur. A. Sequere me: aut (si mauis) praecede. T. Ego neutrum faciam, sed vnà ibimus.

COLLOQ. XII. ARGVM.

De studiorum temere amisso. Eius recuperandi spes, & quibus modis id fieri possit. Viua magistri vox. Hortatio ad animū bonū.

GVINANDVS, MONEROTVS.

Tantum igitur hodie è villæ reuertisti? M. Hodie tantum, idque paulo ante prandium. G. Atqui dixeras te futurum illic modò biduum. M. Ita sperabam fore; & sic pater promittebat. G. Quid igitur obstitit, quo minus redieris citius? M. Mater me detinuit: tametsi etiam cum lacrymis eam obsecra- rem, vt me missum faceret. G. Sed cur te tamdiu remorata est? M. Vt se comitarer in reditu. G. Quid verò agebas interea? M. Colligebam fructus cum rusticis nostris. G. Quos fructus? M. Quasi non sint tibi noti fructus autumnales, & serotini, pyra, mala, iuglandes. G. O iucunda exercitatio! M. Non est iucunda solum; sed etiam frugifera. G. Sed hoc malum, quòd interrim quinque, aut sex praelectionum fructus tibi periit. M. Non omnino periit, spero: curabo pro viribus, vt aliqua ex parte recuperem. G. Quid facies? M. Describam quàm potero diligentissimè. G. Quid tum postea? M. Ediscam ipsam auctoris orationem. G. Sed sententiam non satis intelliges. M. Ipsa me iu- uabit praeceptoris interpretatio, vt sensum magna ex parte as-
sequar.

sequitur. G. Nec tamen id jatus erit. M. Tu (si placet) aderis mihi per otium, ut conferamus unâ. G. Libenter equidem faciam: sed ne istud quidem sufficiet. M. Non habeo quid possum amplius. G. Quanto præstitisset viuum audire magistrî vocem! M. Multò sane præstiterat, sed quando id mihi non contigit, nec mea culpa factum est, nihil habeo quod me accusem in hac parte. G. Rectè dicis: fac igitur habeas animum bonum. Nam quod ego tecum pluribus verbis de hac re disputavi, non ideo feci, ut vellem te adducere in desperationem; sed totum illud profectum est ex meo in te amore singulari. M. Haud mihi dubium istud est: quo fit, ut maiorem tibi habeam gratiam. G. Sed ecce, vocat nos ad cœnam tintinnabulum. M. Nuncius opportunus.

COLLOQ. XIII. ARGUMENTVM.

Puer à patre commendatus præceptori. Verus amor patris in filium. Correctio necessaria puero. Pœna etiam iniusta ferenda est, & quare. Christus pro nobis passus immeritò. Optatum pium & sanctum. Hortatio ad diligentiam. EXEMPLVM pueri studiosi & obediens.

EVSTATHIVS. BOSCONELLVS.

A Vdii patrem tuum venisse hodie in gymnasium. B. Verû audiisti. E. Qua venerat gratia? B. Ut pro meis alimentis præceptori numeraret pecuniam; simul ut me illi commendaret. E. Numquàm-ne te commendaret? B. Immo sapissime. E. Quid sibi vult ista commendatione tam frequenti? B. Amore vero me prosequitur. E. Quid tum? B. Ideo cupit me diligenter erudiri. E. Quid si commendat, ut sapius vapules? B. Ea est fortasse causa: sed quid inde? non propterea me diligit minus. E. Unde istud colligis? B. Qui puero tam necessaria est correctio, quàm alimentum. E. Verum quidem dicis, sed pauci ita iudicant: Nemo enim est quin panem, quàm virgam malit. B. Illud est naturale omnibus: quis neget? sed tamen patienter ferenda est pœna, præsertim iusta. E. Hac habetur in libello morali sententia, Quod meritiò pateris, patienter ferre memento.

Sed

Sed quid si pœna sit iniusta? B. Ea quoque patiendâ est nihilo minus. E. Cuius causâ? B. Propter Iesum Christum, qui mortem iniustissimam, eamq. acerbissimam, tulit pro peccatis nostris. E. Vt nam id nobis in mentem veniret, quoties aliquid patimur. B. Præceptor id nos sæpe monet, quoties occurrit occasio: sed surdis narratur fabula, ut est in proverbio. E. Ergo demus operam, ut simus posthac diligentiores. B. Ita, faxit Deus.

COLLOQ. XIII. ARGV M.

Diuinis rebus omnia sunt postponenda: sed ferè contrà fit. Homo semper homo est, nisi diuino spiritu renouatus. EXEMPLVM hominis qui eadem facit quæ in aliis reprehendit. Turpe est doctori, &c.

GRANDINVS. THOMAS.

*C*ur non interfuisti hodierna cõcioni? TH. Occupatus eram in scribendis litteris. G. Non potoras differre negotium? TH. Urgebat tabellæ irij festinatio. G. Atqui præceptor docet nos, omnia postponenda esse Dei negotiis. TH. Docet quidem, neque id mihi dubium est: sed nunquam sumus adèd perfecti, quin sæpe Deum terrenis istis postponamus. G. Istud malum. TH. Possimum verò: sed semper homines sumus, nisi Deus nos Spiritu suo immanutauerit. Sed dic, quaeso, fuit ne frequens auditorium? G. Non admodum, pro more solito. TH. Vnde fit istud? G. Ignoras populum nunc esse occupatum in vindemiis? TH. Non ignore: sed non possunt homines diuinis rebus vnica horam impendere? G. De hoc non est meum reddere tibi rationem: hoc tantum dico, Turpe est doctori, cum culpa redarguit ipsum. TH. Papa! quantum colaphum impegisti mihi! Vale, verbum non amplius addam. G. Esto igitur aliàs prudentior.

COLLOQ. XV. ARGVMENT.

*D*iscessurus quidam ante vacationem scholasticam, reprehenditur à condiscipulo. Consilia humana à Deo reguntur. Sua cuique tractanda scientia. Modestè sapiendum.

MATTHIAS. CARRARIVS.

TV igitur cras (vt audio) discessurus es. c. Cras, si Dominus permisserit. m. Eho, cur tam citò? c. Vrget me pater. m. Immo tu vrges patrem. c. Itá-ne tibi videtur? quomodo patrem vrgerè possum? m. Assidua missione litterarũ. c. Tantũ semel scripsi instare vacationem scholasticam. m. Quando misisti litteras? c. Hebdomade superiori. m. Quo die? c. Veneris. m. Quid facies domi? c. Instat vindemia: interim colligendi sunt fructus arborum. m. Poteras expectare dimissionis diem. c. Nescio quando sit futurus. m. Spero fore ad finem proxima hebdomadis. c. Sed istud non est in nostro situm arbitrio. m. Ne in preceptoris quidem. c. Cuius igitur? m. Solius Dei, qui hominum consilia suo nutu gubernat. Atqui satanas videtur interdum gubernare. m. Quantum Deus ipse permittit. Sed ista sapientioribus relinquamus. c. Tutius est: monet enim prouerbiũ, Ne sutor vltra crepidam. m. Sape istud ex preceptore audiuius. c. Idem quoque non semel docuit nos illam Diui Pauli sententiam, Noli altum sapere, sed time. m. Illud etiam frequenter habet in ore, Altiora te ne quaesieris. c. Sed audin' tu ad cœnam signum dari? m. Adhuc pulsat aures meas tintinnabulum. c. Eamus in aulam, ne desimus precationi. Cras ante discessum te salutabo.

COLLOQ. XVI. ARGVM.

Patientia in paruis excitata paulatim crescit. Volente Deo nobis accidunt mala. Prouidentia Dei. Memoria fluxa eam non exercentibus. Memoriae exercenda ratio. Nègligentia. Spiritus Dei nos excitat. Breuis exhortatio ad excutiendam negligentiam, pigritiam, tarditatem.

PETRINVS. CROSERANVS.

QVo ludi genere hodie te exercuisti? c. Iuglandium. p. Ecquid lucri fecisti? c. Inimã perdidi. p. Fortuna igitur tibi aduersa fuit. c. Nescio, quæ fortuna: tantũ scio mea culpa id accidisse, sed ita volente Deo. p. Cur Deus id voluit? c. Vt hinc aiscam ferre grauiora, cum acciderint. p. Quasi verò Deus lusiones

*fiones puerorum curet. C. Curat profectò : quinetiam nihil sit in rerum natura sine diuina prouidentia. P. Siccine philosopharis? quis-nam te ista docuit? C. Non tute audisti toties ex con-
 cionatore nostro? P. Fieri potest vt audierim : sed quid agas? fluxa est mihi memoria. C. Nimirum, quia illum non exeres. P. Quomodo exercenda est? C. Primùm diligenti attentione : hoc est, diligenter aduertendo ad ea quæ audimus aut legimus : dein-
 de eadem sæpe repetendo : denique docendis aliis ea quæ didici-
 mus. P. Ista nobis sapius inculcantur à preceptore : sed (me mi-
 serum!) quàm supina est hæc mea negligentia! C. Sic sumus omnes, nisi Spiritus ille Dei nos excitet. P. Quid igitur faciam? C. Expergiscere mi Petrine : toto animo, totisque viribus ad Deum aspira : illum assidue, et pio affectu precare : vigilans esto, prauos fugito, versare cum bonis : tum moribus facillimis effice, vt eos tibi familiares reddas. P. Quid tandem consequar? C. Ro-
 gas? si te istis moribus assuefeceris, Dominus Deus sua clemen-
 tia tui miserebitur ; breuique animum tuum immutatum sen-
 ties. P. O quàm opportunus hic mihi congressus fuit ! obsecro te, mi Croserane, vt sapius colloquamur. C. Per me non stabit, quo-
 ties utrique licebit per otium. P. Gratias ago maximas. C. Non est quòd agas, recipiamus nos in auditorium.*

COLLOQ. XVII. ARGVM.

Quidam reprehenditur quòd animi causa nocuerat. Peccatū per ignorantiam. Deus ad vsum nostrum creauit omnia. Beneficiis Dei non abutendum. Ignoscendum puero sponte delictum confitenti. Ad precandum admonitio. Singulorum secretæ preces. Perseuerantia in verbo Dei. E X E M P L V M rarissimum pueri, qui admonitus culpam libenter confitetur.

ÆGIDIVS. MASSVERVS.

C Vr hic dispergebas pisa? M. Quando? Æ. Post prandium. M. Id faciebam animi causa. Æ. Sed pisa illa vnde habueras? M. Acceperam è conchula, vbi reposita erant ; vt crasti-
 no die coquerentur, Æ. Debuisti-ne animi causa malum fa-

cere? M. Non putabam id esse malum. Æ. An non est malum conculcare panem pedibus? M. Istud ego nollem facere. Æ. Cur nolles? M. Quia panis est nobis maximè necessarius. Æ. Et pisa ipsa, & cetera qua eduntur, Deus in vsum nostrum creauit. M. Non ignoro: quin etiam pisis libenter vescor, si bene cocta & condita sint. Æ. Præterea, vellēs-ne abuti rebus tuis? M. Minimè. Æ. Tanto minus alienis debes. M. Istud satis intelligo. Æ. Ergo non rectè fecisti. M. Non rectè, fateor: non tamen animo malo. Æ. Cur igitur fecisti? M. Mea ineptia me ad illud incitauit. Æ. Quid inde meruisti? M. Plagas. Æ. Rectè dicis: sed (opinor) non ex animo. M. Immo certè: ne me accusas, oro. Æ. Quando quidem sponte fateris, non accusabo: Sic enim velle se dixit præceptor sapissimè. M. Quid ille dixit? Æ. Vt de rebus eiusmodi leuioribus neminem ad ipsum deferamus, qui modò culpam libens agnouerit. M. Istud ergo beneficium tibi debebo, mi Aegidi. Æ. Nihil velim tibi debeas hoc nomine: sed mecum precare Deum, vt à malo nos libret. M. Quotidie in schola quater aut quinquies palàm precamur. Æ. Quid tum? M. Præterea priuatim, quoties cibus sumitur, quoties cubitum itur, quoties cubitu surgitur. Nónne satis hæc sunt? Æ. Præter illa, sæpe monet præceptor, vt interdum pro se quisque precandi causa secedat aliquò in secretum locum: meministi? M. Memini probè: sed (vt scis) difficile videtur esse, vt pueri secretis precibus assuescant. Æ. Et tamen paulatim assuescere optimum fuerit. M. Progressu temporis Deus ipse noster ad eam rem nos incitabit, atque assuesfaciet. Æ. Ita fore sperandum est: si tamen in verbi eius tum lectione, tum auditione sedulò prosequamur.

COLLOQ. XVIII. ARGVM.

De quodam conuiuio. Qui conuiuat quæ ferculorum varietas, & copia, quis ordo fuerit, &c. Notatur obiter cõuiuiorum luxus. Gratiarum actio. Obiurgatur ipse conuiuator de luxu.

VARRO. CASTRINOVANVS.

Quid est quod hodie tam citò à patre redieris, praesertim cum fuerit conuiuium? c. Quid illic fecissem diutius? v. Cœnam expectasses, ut ederes de prandij reliquiis. c. Satis ederam in prandio. Præterea iussit pater, ut domum reducerem præceptorem, quem ego ad conuiuium deduxeram. v. Quid frater tuus patruelis? cur in ludum vobiscum non rediit? c. A matre retentus est in vnum aut alterum diem. v. Quamobrem? c. Ut illi resarciantur vestimenta. v. Illa est mulierum cura. S. d'agè, quoniam nunc otiosi sumus; narra mihi (quæso) aliquid de conuiuiis. c. Quid de illo scire cupis? v. Primum, qui conuiuia fuerint: deinde, quàm lautum, & opiparū conuiuium. c. Conuiuia fuerunt hi præcipui; quatuor Consules, suppræfectus vrbs, & alij duo prima nota è senatorum numero. v. Nosti-ne? c. De facie quidem, sed eorum non teneo nomina. v. Nulli-ne præterea? c. Duo item ex patris mei familiaribus. v. Quotus accumbebat præceptor? c. Quotus esset non obseruavi: sed erat in media sære mensa, è contraria parte mei patris. v. Tu verò? c. Huius inapte, qui istuc roges! Egone homunculus cum tantis viris epularer? Satis hoc mihi honorificum fuit, quod ministrarem. v. Nulla-ne erant mulieres? c. Nulla, præter uxorem patris, quæ quidem sedebat in mensa extrema. v. Quid ita tam remota? c. Sic voluit ipsa, ut identidem commodius surgeret, propter ordinem ministerij. v. Quid filius? c. Iuxta matrem assidebat. v. Habeo de conuiuiis: nunc expecto de conuiuiis. c. Onus mihi valde magnum imponis, ac difficile, maxime propter memoriam: sed quando (ut dixisti) plusculum otij nactus sumus hoc pomeridiano tempore, dabo equidè operam ut aliqua ex parte expleam desiderium tuum. v. Pergratum mihi feceris. c. Ea tamen lege, ut par pari referas, si quando dabitur occasio. v. De hoc nihil est quod dubites. Incipe. c. At ego interea sedere volo: quia longa est narratio. v. Eamus sub pergulam:

lam: vt in vmbra commodius fabulemur. c. Audi nunc iam. v. Quia (vt ais) longa est narratio, dic mihi primum, quota hora accubitus est? c. Ferè decima. v. Quota surrectum? c. Paulo ante meridiem. v. Sedebant-ne omnes commodè? c. Commodissimè. v. Nunc ad rem aggredere. c. Accipe igitur mensa praludii. v. Appone, cum voles. c. In primis apposita sunt tennella crustula melliza operis pistorij, cum aromatite. v. Optimum sane exordium, & ad conciliandos animos aptissimum. c. Omitte, quæso, istas interpellationes, ne mihi perturbetur memoria. v. Posthac non interpellabo; nisi siquid opus erit requirere. c. Secuta sunt perna salita, hila infumata, lucanica, lingua bubula, sale quoque, & sumo indurata. Atque hac ad excitandam appetentiam, & sitim acuendam. v. Quasi verò non satis acueretur solis aestu & seruore. c. Sic docti solent facere conuiuatores. v. Istac audio libenter; præsertim cum exprimas omnia propriis & significantibus verbis. Perge porro. c. Eodem ordine interposita sunt acetaria è lactucis capitatis, auium intestina friza, minutalia ex vitulina, cum ouorum vitellis integris. Et hac hætenus de praludiis, qui missus primus fuit. v. Nihil interim bibitum est? c. Indigna homine quaestio. Quis enim vino hic parceret? vix tres, & quidem strenuissimi, fundendis potibus sufficiebamus. Sed de potibus agam posterius: sine me cibos expedire. v. Agè, sino. c. In secundo missu hac ferè fuerunt: artocreas, pulli gallinacei elixi cum lactucis, bubula, veruecina, vitulina, suilla recens salsa, ius carniū, ouorum vitellis, croco & omphacio suauissimè conditum; aliquot item iuscula ex oleribus. v. Hic plus opinor fabulatum, quam esum fuisse: quia scilicet assa expectabantur. c. Vix mensam attigerant, cum illa tollere iussi sumus. Venio igitur ad tertium missum, in quo assa hac fuerunt exposta: pulli gallinacei, pulli columbini, anserculi fartiles, & suculi, item cuniculi, armi veruecini: postremo serina duorum generum, opere pistorio incrustata. v. Quid præ-

præterea? c. Hem (panè prætermisi) duæ perdicæ interiecta cum lepusculo, faba virides frixæ, & pisa cocta cum siliquis. v. Nihil-ne piscium? c. In tempore admones. Erat trutta ingens, quæ diuisa fuerat in partes quatuor, præter caudam: prægrandis item lucius, ad eundem modum quadripartitus. Taceo minutos pisces, & mediocres, partim elixos, partim assos aut frictos; item can-cros fluuiatiles, magna omnia numero: sed hac magis ad ostentationem, quàm ad necessitatem; de iis enim ferè nihil gustatum est: v. Vnum mihi videris prætermisisse. c. Quid illud est? v. Nulli-ne erant intinctus? c. Immo singulis propemodum serculis addita erant scitissimi saporis embammata, quæ coquus ipse mirò artificio concinnauerat. Nec verò desuerunt capparides ex oleo & aceto, mala citrea, oliuæ conditiuæ cum sua muria, acetum rosaceum, & succus oxalidis. v. O quot, & quanta gulæ irritamenta! c. Adde etiam corporis, & animi impedimenta. v. Sed quis, quæso, fuit vltimus actus fabulæ? c. Tandè cum iam nec carnes nec pisces vllus ederet; iubet patruus apponi bellaria: in quibus hac fuerunt præcipua; caseus recens pinguis-simus, itemque vetus multiplex, scriblita, placentula, oriza in lacte co-cta, & bene saccarata, persica præcocia, ficus, cerasa, vna passe, caryôta, tragemata serotina, salgama multorum generum, & alia, quæ nunc mihi non occurrunt. Tanta denique fuit omnium esculentorum affluëtia, vt mensa ipsa vix sustineret. Quid quaeris? quater aut quinquies mutati sunt orbes, & quadrulæ. Cibos crassos, & duriores magna ex parte integros in culinam referebamus: aded pauci attingebant propter delicatiorum copiam. v. Quid confert tanta cibariorum abūdantia, & diuersitas? c. Ad grauandum stomachum, & morbos complures generandos. Sed quid agas? sic ferè hoc tempore viuunt. v. Qui talibus viris conuiuia faciunt, certare videntur de copia, de apparatu, de splendore, & lautitia. c. Et tamen extant inter huius regni leges quadam (vt audiui) sumptuaria. v. Silent leges inter conuiuia;

ut obiter è Cicerone detorqueamus aliquid. C. An putas omnes conuiuias illa sumptuum immanitate delectari? V. Non puto nisi fortè sint lurcones, aut aſori, aut Apicij (ut ita dicam) ventricolæ. Ceterùm, quid eſt in cauſſa? C. Rogas? conuiuatorum non modò ſtultitia, ſed etiam inſania. V. Maxima pars hominum morbo iactatur eodem, ut ait Horatius. C. Sed nos hanc cenſuram omittamus, iuxta prouerbium, Ne ſutor, &c. V. Redeamus igitur ad propoſitum. Quale vinum appoſitum eſt? C. Si de colore queris, album, nigrum, ſuluum, ſanguineum: deque ſingulis coloribus vina multiplicia. ſi de bonitate, omnia ferè generoſiſſima: ſed in primis commendabant illud vini genus ex Burgundia, quod vulgò vocatur Arboſium. V. Unde hoc petebatur? C. E patruj cella vinaria. V. Habet-ne multum eiufmodi? C. Duos cados vini beluelli: duos item albi limpidiſſimi. V. Quis fuit prandij exitus? C. Vbi videt patruus conuiuias omnes panè deſeſſos edendo, bibendo, colloquendo, tunc vinum fundi iubet ſingulis: omnes ad extremum potum inuitat: hinc ordine tolluntur omnia: inſternuntur menſis latiora mantilia ex lino tenuiſſimo: datur aqua odorifera manibus leniter abluendis. ego & patruelis de more Deo gratias agimus: ipſe verò patruus clara voce agit vniverſo cœtui. tandem primus Conſul, conuiuiarum nomine, ſatis accurato ſermone publicas agit conuiuatori: ſimul obiurgat eum, quòd tam magnifico & ſumptuoſo apparatu conuiuatus fuerit. Immo (inquit patruus) mihi, quaſo, ignoſce, quòd vos pro dignitate non ſatis ampliter tractauerim. His dictis, ſurgunt è menſa vniverſi: magna pars, vale dicto, ſtatim diſcedit: ceteri manent, ſtantes & colloquentes in aula. V. Quid vos interea, qui miniſtraueratis ad menſam? C. In culinam ad prandium nos recipimus: corpus illic otioſè & ex animi ſententia curauimus. V. Vbi erat interim præceptor? C. Patruus illum ſeorſum vocauerat ad colloquium. V. Credo, ut te & filium ſuum de meliore nota commendaret,

C. Iſtud

C. Istud est verisimile. *V.* Nescis quæ fuerit causa tanti conuiuij? *C.* Quid mea scire refert? *V.* Tanto minus igitur mea. *C.* Rectè colligis: & sic expectabam. *V.* Atqui non sum dialecticus. *C.* Tibi est naturalis dialectica. *V.* Eandem habent & rustici. *C.* Sed agè, dic mihi serio, non ego te tractant magnificè? *V.* Tali conuiuium nunquam interfueram. *C.* Gaudeo stomacho tuo satis esse factum. *V.* Est Deo gratia, qui dedit nobis otium tam iucundum. *C.* Surgamus tandem; nam audio pueros à lusu discedere.

COLLOQ. XIX. ARGV M.

De scholastica societate in conferendis merendæ cibis: Auspiciantur merendam à carmine in Dei laudem. Cura de pauperibus. Matrum in filios amor ineptus Diuinare ex coniecturis non est malum. Exhortatio ad diuinas laudes, & gratiarum actionem. Notatur voracitas in edendo. Reprehenditur abusus in verborum notione. Latine loquendi seruanda est proprietas. Ex praua institutione vitia contrahuntur. Deteriora pertinacius hærent. *EXEMPLVM* permissæ hilaritatis in Christianorum conuiuiis.

PASTORCVLVVS. POESATVS.

TItyre, qui patule resides sub tegmine mori,
Tui-ne hic solus eris tam latus tamque supinus?

Poe. O Melibæe, Deus nobis hac otia fecit:

Ille Deus magnus, qui nostrum fecit in vsum

Omnia, dans propriam cunctis animalibus escam:

Qui mare, qui terras, & quod tegit omnia, calum

Condidit: ille opifex rerum, qui summus habetur.

Pa. Carmina mitte loqui: nunc me liquere camæna.

Est mihi mens alibi: cupio certare merenda.

Poe. Sed tamen hac mecum poteris residere sub umbra.

Namque hic (vt cernis) locus est satis amplus utrique.

Pa. Mittamus ergo versiculos: & merendas nostras conseramus.

Poe. Per me nõ stabit: scrutemur peras: agè, explica tuam.

Pa. Ex-

PA. *Exspecta parumper. Dic mihi prius, quid habeas in merenda.* PÆ. *Panem.* PA. *Quasi verò sine pane merenda esse soleat.* PÆ. *Ne panem quidem pauperes semper habent.* PA. *In tempore admones: ponenda erunt reliquiae nostra in eorum corbulam.* PÆ. *Quid si reliquiarum nihil fuerit?* PA. *Saltem restabit panis, & hoc satis erit: sed dic tandem, num quid habes opsonij?* PÆ. *Etiā dubitas? mater mea nunquam committeret, ut me in scholam mitteret sine aliquo opsonio.* PA. *Dic ergo, Quid est?* PÆ. *Diuina.* PA. *Non sum vates: nec velim hanc merenda horam in nugis terere.* PÆ. *Saltem periculū facies, quā valeas coniecturis: qua de re iam aliquid in Rhetoricis audiimus.* PA. *Aut caseus, aut caro est residua ex prandio.* PÆ. *Neutrū.* PA. *Dic soles, ut accingamus nos operi.* PÆ. *Ne te diutius torqueam; sunt pyra praecocia.* PA. *Ain-tu? res noua: nondum hoc anno videram.* PÆ. *Vide nunc.* PA. *Quā matura sunt!* PÆ. *Cur non addis etiā quā bona?* PA. *Sed nondum gustavi.* PÆ. *Satis acutē me reprehendis: Accipe, & gusta.* PA. *Papa, quā mitia! quā boni succi!* PÆ. *Nōne meritō maximas gratias agere debemus Deo nostro, tam benigno patri, qui nobis indignis tot bona tam varia largitur?* PA. *Qui non facit, is est profectō ingratiſſimus.* PÆ. *Agedum, vescamur bonis eius cum gaudio, & gratiarum actione.* PA. *Iamdudum esurio.* PÆ. *Sed tu nullum habes opsonium?* PA. *Vide frustum crassum vetusti casei.* PÆ. *Edamus primū pyra: caseo claudemus stornachum:* PA. *Sed maturemus: ne fortē hora nos opprimat.* PÆ. *Neutrū cessare video: certē, quod ad me pertinet; non queo comesse citius.* PA. *Ne tamen ita deuores porcorum more. ecquid pūdet?* PÆ. *Quia dicebas esse festinandum.* PA. *Maturemus dixeram; non autem festinemus.* PÆ. *Ego non adeo scrupulosē inter haec verba discrimen facio.* PA. *Vult tamen preceptor, ut propriē loquamur, quantum per ingenij captum licebit. Nam bene loquendo, bene etiā scribere condiscimus.* PÆ. *Contrā, diligenter scri-*

scribendo, consuescimus etiam rectè loqui. *Pa.* Hæc duo inter se coniuncta sunt. Sed heus, otiosè, inquam edamus: satis habemus temporis. *Pæ.* Nõne tota hæc hora ad merendam libera est? *Pa.* Hodie quidem libera: sed tamen desinamus; ne panis deficiat nos, & nihil reliqui fiat pauperibus. *Pæ.* Eamus ergo ad puteum, ut aliquantum potemus. *Pa.* Hem, verborum proprietate semper abuteris. istud bibere est, non potare. *Pæ.* Quid mihi non parcas, habeo sanè gratiam. Ex praua institutione prima, hæc vitia contraxi. *Pa.* Verissimè igitur Quintilianus dixit, Hæc ipsa magis pertinaciter hærent, quæ deteriora sunt. Meministi? *Pæ.* Memini: sed interim iuua me, ut hauriamus aquam è puteo. *Pa.* Enitere validius: nimium me laborare sinus? *Pæ.* Tanto bibes iucundius. *Pa.* Bibitum satis est: recipiamus nos in aniam, ne precationi desimus & actioni gratiarum. *Pæ.* Tu præcede, dum vrinam illuc eo redditum.

COLLOQ. XX. ARGVMENT.

Reprehenditur negligentia in cultu corporis. Excusatur à pænuria rei numariæ. Verecundia in petendo. Mediocritas & modus. Verecundia ubi sit utendum. Hominum societas. Abusus in rebus. Hortatio ad petendi fiduciam. *EXEMPLVM* admonitionis libertæ inter familiares.

LEONARDVS. PELLEO.

DEmiror tuam negligentiam. *P.* Qua in re tandem? *L.* Quod te non curas diligentius. *P.* Ego verò me curo fortasse nimis: Satis edo, bibo, dormio, quæ est Dei erga me benignitas; præterea pecto capillum, lauo manus, faciem, dentes, oculos, & hæc manè præcipuè: quinetiam cùm tempus postulat, corpus exerceo, relaxo animum, & ludo cum ceteris: quid vis amplius? *L.* Mittamus ista: non ea sunt quæ in te reprehendo. *P.* Quid igitur? *L.* Circumspice vestimenta tua à calce ad verticem, nihil integrum inuenies; omnia sunt lacera & obsoleta: ista profectò nequaquam vestrum genus decent. si saltem curares vestitum tuum sarciendū, aut quoquo modo instaurandū. *P.* Lo-

queris tu quidem qua libent : quòd si parentes haberes tam procul remotos, fortasse non esses elegantior. Si mihi pecunia suppeteret, non paterer me vsque aded pannosum esse. L. Nec ideo tamen cares negligentia : Cur enim non petis alicunde mutuo? P. Vnde peterem? L. Si non aliunde, certè à praeceptore posses. P. Quid si dare noller? L. Nemini denegat ex discipulis domesticis, si quidem videt opus esse. P. Id ego non ignoro: sed sum verecundior, quàm vt audeam ex eo petere. L. Ah! rusticus est iste pudor. P. Malo tamen verecundus esse, quàm impudens. L. Verecundia (vt dixit quidam) est bonum in adolescente signum: sed vbique adhibenda est mediocritas. P. Ego eo sum ingenio, vt semper verear offendere quempiam. L. Ingenium laudo, sed est modus in rebus. Nam ille offendendi metus habere locum debet in rebus turpibus, aut certè indecoris: hic verò nihil tale video. Est enim vsitatum in hominum societate, vt alij aliorum opera indigeant. Quis igitur mihi vitio dabit, si quid ab amicis aut comodato petam, aut mutuo? P. Nemo reprehendet, nisi fortè rebus eiusmodi abuti velis. L. Tu verò (quantum ego te noui) abuti nolles. P. Apage istum abusum. L. Quid ergo iam obstat quo minus petas, praesertim ab homine facillimo, tuique (vt apparet) amantißimo? P. Agè, petam, sed per epistolam, quod vt reddas, tibi dabo. L. Reddam profectò libentissimè, tæq. illi commendabo diligenter. P. Equidem non paruam tibi gratiam habebo, quòd me tanti feceris, vt ad hanc fiduciam hortarèr. L. Nunc restat vt scribas quod dicis epistolium: reliqua mihi committas. P. Bene vertat Deus quod cæpimus. L. Ne dubites: res prospere succedet.

COLLOQ. XXI. ARGV'M.

Quidam vltro vult venire habitatum in gymnasio: gaudet amicus eius, cùmque ad maturandum hortatur. Patris lenitas in filium Consilium ex Deo profectum. Plerique pueri habitationem in schola tamquam carcerem refugiunt. Improbi adolescentes à studio probos absterrent. Aliquot genera exercitationis

itationis scholasticæ, præcipuè in Latine loquendo. Non innum maledictis augeatur opus Dei; tantum abest vt retardetur. Præceptor in schola seuerior, quàm inter domesticos: & quietior. Magistri grauitate schola in officio continetur. Disciplina scholasticæ bonæ. Quibus rebus inducantur adolentes ad amorem litterarum. Præceptor bonus à studiosis diligatur. Disciplina seuerior quibus adhibenda. Mens bona, & sincerum iudicium à Deo. **EXEMPLVM** tantillum adolescentis, qui vltro querit in schola habitare.

CLAVELLVS. QVERCETANVS.

Nescis quid mihi his diebus in mentem venerit? **Q.** Quid istuc, queso? **C.** Cogito in gymnasium me recipere. **Q.** Quid! in gymnasium? habitandi causa? **C.** Non vt inquitinus habitem, sed vt vobiscum viuam in mensa præceptoris. **Q.** O utinam istud ex animo, ac verè diceret! **C.** Ex nostra mutua cõsuetudine atque amicitia deberes satis intelligere, me nihil apud te neq. simulare neq. dissimulare solitum. **Q.** Plane istud tampridem intelligo: sed audito ex isto verbo, me rapuit affectus in eam exclamationem: ita prorsus oblitus eram mei. **C.** Non aliter dictum tuum accipio. sed ad rem. Pater quidem non cogit me, sed ex vultu, & verbis eius satis video id illi placere maximè. **Q.** Nempe hoc illud est: nouit pater tuus, vir prudentissimus, liberalia ingenia cogi nolle, duci facile. Sed tamen non dubito id fieri diuini instinctu numinis. tu verò quid iudicas? **C.** In eadem sum sententia: præsertim, cum ego quoque in eam partem sponte propendeam. **Q.** Magnum argumentum, istud esse ex Deo consili. **C.** Id ego crediderim. Nam qui ad eam rem coguntur à parentibus, ferè querunt subterfugia, quibus detrectent imperium. **Q.** Ego (vt fatear ingenuè) aliquando idem in me sum expertus, antè scilicet, quàm ingressus essem. Quid enim censes? audiebam ex istis satanae incipiis tot maledicta, tum de præceptore, tum de disciplina, vt mihi viderer carcerem, aut pistrinum ingredi verius, quàm gymnasium. Quid si tu quoque in

al quam eiusmodi pestem incidisses, non dubium est, quin ille manibus, pedibusq. obnixè conatus esset abstergere te ab isto tam sancto proposito. c. Nemini adhuc palàm fecerā. Q. Quod mihi dicis, non est palàm facere. c. Satis scio: sed mihi istud excidit ex Terentio. Nunc pergamus ad reliqua. Q. Quid restat, nisi ut Deum preceris; & pergis nauiter in sententia? c. Audies: De quotidiano victu in vestra mensa, de præceptoris, & hypodidascali familiaritate in audienda prælectionum repetitione, de facilitate præceptoris in ipso conuictu, de illo à cœna placido studiorum certamine, de libertate colloquendi per otium, de honestis rebus, de libera inter vos reprehensione, de his, inquam, omnibus satis multa narraſti mihi aliàs, quæ quidem valde placent omnia: mihi tamen nihil videtur vtilius, quàm illa perpetua Latine loquendi exercitatio. Quis enim maior est studiorum fructus? quid honestius? quid iucundum magis? præsertim ubi alius alium sine odio, aut invidia liberè reprehendit. Q. Quid, quòd victi in earum rerum certamine, pudore tantum puniuntur, victores etiam præmio donantur? c. Omnes denique vestra exercitationes vel auditu ipso me delectant mirificè. Q. Quanto magis illud diceres, si videres ista, si, dum geruntur, interesses? c. Ego. (Deo volente) interero. Q. Utinam propediem. c. Ita spero quidem: vnus tamen restat mihi scrupulus, quo me facile (si voles) liberabis. Q. Faciam bona fide, si potero. sed interim vide, ne nodum in scirpo queras; ut antea vidimus in Terentio. Agè, quis tandem scrupulus iste est? c. Suspecta mihi est vestra disciplina scholastica, non quòd velim ob id incepto distitere, sed ut alacrius verum, & iucundius, ubi ea de re te audiero. Q. Nisi tu is esses, qui (ut ego noui) me nec vanum, nec mendacem existimas, equidem malletm de hoc omnino tacere, quàm ea tibi referre que sentio. c. Quid ita tandem? Q. Quia difficile est ea verisimilia facere, quanquàm alioqui verissima, cum de his vulgus hominum pessima quaque dicat, & indicet. c. Quor-

sum

sum istud, quaeso? Q. Nam improborum mendaciis adeò male audit nostra disciplina inter istos idiotas, ut mirum sit vnum aliquem habitare in schola nostra velle: tametsi (quod opus Dei) quo prius audimus, eo plures ad nos conueniunt. c. Nihil opus est tam longa insinuatione: dic mihi planè omnia: ne timeas, non me absterrebis.

Omnia percepi, atque animo mecum antè peregi. Q. Aduerte igitur animum: dicam breuissimè quicquid alicuius esse momenti videbitur. In primis, illud velim tibi persuadeas, preceptorem esse nobis multò humaniorem, quàm in schola palam appareat. Tam enim familiariter versatur inter nos, quàm prudens pater solet inter liberos. Cur igitur (inquies) est palam tam seuerus? Respondeo: quia sine tali seueritate (ut ex ipso audiri, cum aliquando familiari cuidam narraret) tanta turba scholastica, tamque variis moribus praedita, nec coerceri, nec in officio contineri posset. Sui enim quisque more, suo quisque arbitratu vellet viuere. c. Quinetiam miror ego mecum sepius, tantam esse in tota schola reuerentiam, tantam silentiam, tantam denique modestiam. Q. Multo magis mirarè, si vquam vidisses scholas paganicas. c. Vidi aliquando, atque consideravi diligenter. Plus est silentij in gymnasio nostro sexcentenario, quàm quadraginta puerorum, immo triginta in istis scholis triualibus. Sed perge quaeso: vereor ut sis orator Asianus. Iam enim incipit oratio tua quasi longinè aberrare. Q. Atqui etiam interpellas ipse. c. Nihil extra propositum dixi: sed nunc prosequere. Q. Vis in summa dicam tibi? disciplina hac domestica, licet paucis improbis odiosa videatur, bonis tamen, & studiosis, propter utilitatem valde placet. Nam si domi res esset dissoluta, quid nobis tutum foret contra lasciuorum, & petulantium insultus? quæ nobis quies? quæ studiorum tranquillitas? Itaque disciplina ipsa veris studiorum amatoribus est perfugium, & quasi propugnaculum, non secus ac nautis portus in tempesta-

te. Denique quisquis est inter nos pacificus, & ad rectè semper agendum paratus, u est à disciplina tutissimus. Nec verò id agit præceptor, ut nos plagis & verberibus trahat ad litterarum studia; sed nos potius inducere nititur his maximè rebus, honesta & liberali tractatione, beneuolentia, humanitate, facilitate morum, beneficiis, deniq. virtutis, & studiorum amore. Ex quo fit, ut maior pars nostrum sic affecta sit, ut illi ex animo parère studeat, eum caueat offendere, eum tanquam parentem diligit, obseruet, reueretur. C. Alioqui discipulorum officio non fungemini. Q. At sunt quidam verberones, qui nec Deum timent, nec parentes, nec verbera, qui & litterarum studia oderunt canepius, & angue, ut verbus utitur Horatij; talibus (inquam) seueram interdum adhibeatur disciplina: qui videlicet necessitas cogit. C. Sat habeo. Nunc enim video quorsum spectet vestra disciplina seueritas. Q. Nimirum, ut mores bonos tueatur; malos autem ut corrigat, aut expellat. C. Ego disciplinam istam sanè deosculor; tantum abest ut reformidem. Te autem, mi Quercetane, amo equidem de ista loquendi libertate, qua mihi stimulos acriores addidisti. Q. Ego vero immortales gratias ago Patri caelesti, qui tibi mentem bonam dederit, & sincerum iudicium. C. Vale igitur, & me (si Dominus permiserit) expecta in proximam hebdomadem. Iterum vale, & inceptum nostrum tuis precibus Christo commenda etiam atque etiam. Q. Precor tibi noctem quietam, & somnum placidum.

COLLOQ. XXII. ARGVM.

Basilii à præceptore deprehensus in delicto, amicum Florentium consulit quo remedio pœnas euadat. Deo volente aduersa nobis æpe accidunt. Falsò nobis ascribimus quæ soli Deo tribuenda sunt. Cupeditæ tenant pueros. Magistri in pueris deprehensis prudentia. Excusationes frivole. Pœnarum merus ad remedium quærendum impellit. In aduersis ad Deum in primis confugiendum est. Consiliû sine Deo rarò prodest. Salus omnis à Deo speranda. Præceptoris prudentia in tractanda inge-

ingeniorū varietate. Consiliū vtile ad pœnas euitandas. Occasio captanda in aduendis hominibus. **EXEMPLVM** fidelis amicorum consilij in aduersis rebus.

FLORENTIVS. BASILIVS.

Quid est quod ita te tristem video? **B.** Me miserum! vix sum compos animi: ita sum timore percussus. **F.** Quid (inquam) istud est? **B.** Præceptor nos deprehendit. **F.** Quam in re? furto-ne? **B.** Ah! minimè gentium. **F.** In quo igitur? **B.** In secreta comotatione. **F.** Indignum facinus! **B.** Heu me miserum! quid agam? **F.** Ah! ne te afflictes tantopere. qui aderant tecum? **B.** Fluuianus, & Forensis. O perditos qui me huc impulerūt! **F.** Vbi id factū fuit? **B.** In cubiculo Fluuiani. quod vtinam hodie è lecto non surrexisset. **F.** Quomodo tandem deprehensi estis? non erat obseratum cubiculum? **B.** Immo erat, sed (vt scis) præceptor clauis habet omnium conclauium: præterea putabamus illum in conuentū doctissimorum quorundam virorum accessisse: alioqui pessulum obdidissemus ostio. **F.** Vtunque res habet, Deo permittente accidit. **B.** Sic omnino sum persuasus: sed ferè ita solemus nostra omnia, siue bona siue mala, vel prudentia nostra attribuire, vel imprudentia. **F.** Qua occasione comotationē istam ceceperatis? **B.** Illi duo (quod satis nosti) non sunt conuictores. **F.** Quid tum? **B.** Domo allata fuerant eis ad victum nescio quæ cupedæ: quæ vtinam in via periissent. **F.** Sed noluit Deus: perge. **B.** Et quia illos interdum per otium docco, heri post cœnam ad istas epulas me inuitarunt in hodiernum ientaculum. **F.** Tibi infastum ientaculum. sed quid? erāt-ne caninum? **B.** Immo plus satis erat vini. Habent enim vini doliola in cella præceptoris. **F.** Quid præceptor, vbi vos sic epulantes vidit? annon excanduit grauissimè? **B.** Nihil prorsus commotus est, sed subridens, Volo (inquit) esse de isto symposio, si placet. **F.** O molestum conuiuiam! quid vos? **B.** Attoniti omnes obmute scimus. Nam eo dicto, statim se proripuit. **F.** Omnia signa video hic esse pessima. **B.**

Quis ita non iudicet? F. Oportet præceptorem alicunde rem ol-
fecisse. B. Suspectus est mihi quidam, qui nos indicauerit. F.
Quem suspicaris? B. Dicam tibi post rei exitum. F. Quod in-
uenietis huic malo remedium? B. Nescio; valde stupemus omnes:
tamen si duo illi conuiuatores mei nihil videntur esse solliciti; ha-
bent enim in promptu causam. F. Quid tandem causari queunt?
B. Iueramus ientatum, inquit: qui manè, cum ceteri ienta-
rent, erant cum parentibus, qui heri nobis attulerant alimen-
ta. F. Istud quidem est aliquid: sed non tamē sic pœnas euadent.
B. Cur non? F. Quia id fieri debuit in triclinio palam, non au-
tem clanculum in cubiculo. Illud etiam causam grauabit, quòd
te, cum sis conuictor, quasi ad crapulandum abduxerint: quod
quidem ipsi præceptori est maximè odiosum: tua tamen causa
est longè pessima. B. Cedo igitur, quid faciam mi Florenti? F.
Age conferamus consilia, quibus (si fieri potest) absoluaris. B.
Nihil est quod à me expectes in eo genere. Neque enim consi-
lij locum habeo, neque ullam remedij copiam. Sed tu (obsecro)
explica vires ingenij tui ad me citò iuuandum. Animus pendet
mihi: instat pœna, satis vides. ea (nisi quid impediatur) post cœ-
nam exigetur. F. Id nequaquam fiet: cum enim crimen publicum
non sit, non erit pœna publica. B. Siue publicè, siue priuatim id
futurum est, non differetur. F. Rectè iudicas. B. Id causa est,
quamobrem nunc ad opem tuam confugerim: quòd si me dese-
ris, actum est: dabo pœnas grauissimas. F. Ad Deum potius
confugiendum fuit, sine quo raro valet consilium: à quo item
salus omnis & petenda, & speranda est. B. Res est manifesta
satis: & ego, priusquam te adirem, non pratermisi precandi
officium: sed tamen vult ille Pater clementissimus, ut iis ut amur
auxiliis qua nobis offert ipse, & quasi in manum dat. Quare te
oro per nostram arctissimam necessitudinē, ut consilio tuo nunc
mihi succurras. Hic non est cessandi, aut tardandi locus. huc igitur
vires tuas intende: hanc causam suscipe, obsecro. F. Quan-
doqui-

doquidē sic instas vt vim adferre quodammodo videaris, dicam ex animo & verē, quod sentio. Nostin' praeceptoris ingenium?

B. Noui (opimor) ex parte aliqua. F. Ergo memoria tenes, nihil esse illo clementius, iis quidem, quos videt summissos esse, & culpam ingenue confiteri: superbis autem, & contumacibus vix aliquid potest ignoscere. B. Ego-met ista non semel obseruauī. F. Scin' igitur quid facies? B. Dic mihi, quaso. F. Dum tua res adhuc integra est, tibi suadeo, vt hominem solus adeas in museum, & orationem habeas in hanc sententiam: En ego, praeceptor humanissime, grauiter peccaui, fateor: sed (vt scis) prima est noxa quam admiserim. Nunquam enim antea quicquam admiseram quod flagris dignum videretur. Quamobrem, clementissime praeceptor, hanc primam culpam (si tibi placet) pristinae integritati mea condonabis. Quod si vnquam posthac recidero, causam non dico, quin plectar seuerissime. Hac aut simili oratione illum (vt spero) exorabis. B. O consilium prudens, & opportunum? F. Vtere, si tibi videtur. tale certē est, quale mihi dari vellem in eiusmodi malo. B. Sed vnum restat, de quo sum sollicitus. F. Eho, quid restat? B. Non potero tam breuiter, & commode dicere in conspectu praeceptoris, quam tu nunc dixisti. F. Non debes adeo de verbis meis esse sollicitus; modo teneas sententiam. B. Propemodum tenco. F. Bene habet. scribe nunc crasso modo, vt poteris: deinde conferemus vna: postea edisces ad verbum diligenter. B. Hoc nihil est neque tutius, neque certius: sed quo tempore censēs illum adiri posse opportunē? F. Cum primum videbis eum à prandio se recipere in bibliothecam: aut si fortē (vt solet) ambulatum in horto solus iuerit, tunc illum statim sequere. B. Quó-nam vtar exordio? F. Non opus est alio quam quo apud illum vii solemus omnes. B. Quod est illud? F. Praeceptor, licet-ne pauca? B. Bene vertat Deus omne consilium tuum. Nunc eo scriptum quod dixisti; deinde te reuisam. F. Matura: nam instat hora prandij.

COLLOQ. XXIII. ARGVMENTVM.

Quidam consolatur amici desiderium, ac dolorem de patris absentia. EXEMPLVM charitatis in afflictis consolandis.

AMBROSIVS. GRATIANVS.

Subtristis mihi videris, Gratiane: quid rei est? G. Dies, noctesque de patre absente cogito, & ob eam rem interim marore conficior. A. Quam pridem abest? G. Quatuor abhinc menses. A. Nihil ad vos interea scripsit? G. Ex quo discessit, ne verbum quidem audiimus. A. Fieri potest vt scripserit, sed vt litterae interciderint, aut fuerint interceptae. G. Quod dicis, verisimile est. Nam antea, vbicunque esset, solebat nobis scribere. A. Nonne hac astate iuerat Lutetiam? G. Eo certè consilio tunc sese in viam dederat. A. Confido saluum esse. G. Ego quoque non diffido: sed non ideo meus alienatur dolor. A. Quid ait mater? G. Ferè semper lamentatur: inde fit vt mihi duplicetur agritudo. A. Sed tamen non vsque adeò te macerare debes. Potius enim de illo bene sperare oportet, quàm te sic macerare. Quid enim sunt quatuor menses? quotula est pars eorum qui tot annos domo absunt, interim iactati per varios casus, per tot discrimina rerum? G. Sed quid me consolantur aliorum casus, & pericula? A. Sed vide tamen, ne sis nimium delicatus, qui patris desiderium tantillo tempore ferre non queas. G. Ferrem equidem a quo animo, modò illi bene esse saltem intelligerem. A. Cui potest esse malè, qui in Deo spem omnem collocavit? siue enim vivimus, siue morimur, Dei semper sumus, vt diuus Paulus ait. G. Nihil dubito istud esse verisimum: sed ea est carnis huius infirmitas. A. Quid faceret igitur, qui in Christo spem nullam habet? G. Nescio. A. Sed caue tamen ne ista tua impatientia Deus ipse offendatur. G. Delictum meum subinde agnosco, & supplex imploro veniam. A. Fatès vt debes. Sed audi, quaeso, quid mihi nunc in mentem venerit. G. Quid istud est? A. Quid si pater tuus nauigauerit in Lusitaniam negotiandi causa? illic enim nunc est libertas maxi-

nia. G. Quam libertatem dicis? A. Nauigationis, quæ illic est tutissima. G. An tu igitur pacem nunc esse in Lusitania? A. Certa res est. G. Atq. bellum profugatum? A. Omnino. G. O auditu iucunda euangelia! A. Immo iucundissima. G. Sed vnde scis ista? A. Vnde sciam, rogas? miror ego te adhuc ignorasse quod in ore est omni populo. G. Mirari defines, si scias ubi nos habitemus. A. Ubi quaeso? G. In angulo totius vrbs remotissimo. A. Atqui putabam vobis esse domiciliū in vico ad Molardum. G. Iam antè migraueramus, quàm peregre pater esset profectus. A. Quod igitur ignorabas, nunc habeto certissimum, utq. magis credas, hoc audi præterea: maior pars Lusitanorum, qui ob bellum in hanc urbem, tanquam ad asylum sese receperant, in patriam remigrant iam ante dies quindecim. G. O mi Ambrosi, quantum me isto nuncio de Lusitanicis rebus hodie recreasti! qualem adhibuisti meo dolori medicinam! A. Sic solet Deus noster suis adesse in extremis angustiis. G. Mirum mi pater est in Lusitania. iam pridem enim sæpius querebatur quod non esset tatus illuc accessus ad mercaturas obeundas. A. Quinetiam Lusitanus quidam, homo neque leuis, neque nugator, narrabat his diebus patri meo se litteras certas illinc accepisse, in quibus hoc erat inter cetera, omnes vndique ob belli timorem profugos, in ipsa Lusitania excipi humanissimè, tractarique benignissimè. G. Quid est igitur quod amplius dubitemus? A. Nulla (ut audis) restat ea de re dubitatio. G. Tantum superest, ut in primis Dei optimi maximi bonitatem extollamus, quanta possimus laude & gratiarum actione: deinde sedulo, atque assidue precemur, ut sua beneficia non modo confirmet, sed etiam in dies magis ac magis augeat. A. Igitur mi Gratiane, memineris patris salutem ipse Deo sapissime commendare, idque votis, & precibus ardentissimis. G. Vtinam ille suo Spiritu sic afficiat animum meum, ut ex ima pectore eiusmodi preces effundere valeam, quas ipse dignetur exaudire. A. Votum sanctissimum; modo, (quod quidem credo)

credo) ex animo profectum. G. O mirabilem consolatorē Deum nostrum! O quantum vales in aduersis rebus veri amici consilium, & consolatio! A. Sed quò nunc is? G. Domum rectè propero, vt hac matri quamprimum nunciem, atq. eius animum omni expleam gaudio. A. Faxit Deus, vt illa seriò exhilaretur. G. Ita precor.

COLLOQ. XXIII. ARGVM.

De exercitationibus post vacationem scholasticam reuocatis. De classium probatione ante promotiones. De spe præmij. De eadem in aduersis rebus. De fructibus autumnalibus. De maximo vini prouentu. De abusu vini in summa copia. De admo-
nitionum contemptu. De iis qui se dociles præbent ad verbum Dei audiendum.

DESSYNVGÆVS. IONAS.

Salue Iona optatissime. I. Salue & tu vindemiator iucundissime. D. Quomodo se habet schola? I. Optimè. D. Iam-ne redierunt multi? I. Vix quarta pars nunc abest. D. Quid agitur? I. Docetur, legitur, scribitur, repetitur. D. Ista sunt generatim, & quotidiana? sed quid sis in nostra classè? I. Adem quod sit in ceteris, & quod fiebat ante vacationem. D. Ergo-ne iam seriò habentur prælectiones? I. Iam ab hinc octo dies. Nam quid aliud fieret? D. Soleliāmus per aliquot dies exerceri in iis repetendis quæ ante didiceramus. I. Tribus diebus totis nihil aliud actum est. D. Quid probatio? iam-ne incepta est? I. Huius, incepta! prope modum finita est. cras sexta classis interrogabitur. D. Me miserum! exclusus sum à præmio. I. Etiam-ne præmij sperabas? Quidni sperarem? unicuique sperare licet, præsertim studioso. I. Malim ego nihil sperare. D. Quid ita? I. Nam, si nihil contigerit, nulla mihi erit frustratio, neque molestia: sin consequar aliquid, id ego in lucro deputabo. D. Nunquā-ne legisti, Viuere spe vidi, qui moriturus erat? I. Immo verò legi, & memora tenco: sed hic nihil ad propositum. D. Cur non? I. Quia illic loquitur. Onidius de spe, illa, quæ in rebus aduersis retinenda est:
(Quæ)

quæ

quem sensum expresseſſit Cato noſter hoc diſticho,

Rebus in aduerſis animum ſubmittere noli.

Spem retine : ſpes vna hominem nec morte relinquit.

D. Tu igitur nihil ſperas ? 1. Spero vitam eternam. D. Dicebas modò ſperandum eſſe in aduerſis rebus ; quæ tibi ſunt aduerſa ? 1. Ea quæ me oppugnant quotidie. D. Quæ tandem ſunt illa ? 1. Propria caro, ſatan, & improbi homines, qui me iniuriis afficiunt. D. Ex quo tēpore factus es theologaſter ? 1. Nec ſum theologus, nec theologaſter ; ſed quod dico, id ego didici eſſe ſacris concionibus. D. Laudo equidem. ſed agè, dic mihi ſeridò ; eſt-ne acta claſſis noſtræ probatio ? 1. Iam tibi ſeridò dictum puta. D. Dolet mihi non interfuiſſe. 1. Citius veniſſes : quid agebas ? D. Mater me coëgit vindemiæ exitum expectare. 1. Credo : ſed tu tua voluntate coactus es. D. Vt fatear ingenuè, libenter expectaui : ſed quid agas, homines ſumus, vt aiunt. 1. Immo pueri. D. Sed vix credas, quàm ſit iucundum ruſticari, præſertim vbi tanta eſt omnium fructuum affluentia. 1. Eſt-ne vobis magnus vini proventus ? D. Tantus proſectò, vt maiorem vidiffe non meminerim. 1. Quid aiunt ruſtici in hac tanta vbertate ? D. Nihil aliud quàm potationes & crapulas crepant : quinetiam vino iam perinde abutuntur quaſi aqua fontana ſit. 1. Ea eſt ſtulta plebis dementia, vt Dei beneficiis numquam rectè vti ſciat. D. Scilicet iſtud eſt quod dicitur, Nūquam ſapiunt ſtulti, niſi in anguſtiis. 1. Ergo plectuntur mered. D. Quid, quòd admonitiones etiam irrident ? 1. Sunt qui nullam omnino ferre poſſunt : quin bene & comiter etiam monentibus irafcuntur. D. Audi aliquid grauius : fuerunt qui mihi verbera minarentur, cū eos humaniſſimè admonerem. 1. Iſtud mihi nouum non eſt. Nam & quidam mihi aliquando pugnum intentauit : quòd niſi veritus eſſet mei patris auctoritatem, proſectò vapulaſſem acerrimè. D. Sed omittamus eos, quia ſtulti ſunt ; nec tamen ſe tales eſſe intelligunt. Iactant ſe probè callere, quid ſit ſapientia : cū re vera ſapien-

sapientia aduersentur. 1. Si verbi diuini ministros & pastores suos non audiunt; quid putas fieri posse, ut nos audiant? D. Sequamur ergo quod praecepit Christus, Nolite sanctum dare canibus. 1. At sunt quidem simplices & beneuoli, qui auditione verbi diuini mirum in modum delectantur. hi sunt, quos docere est iucundissimum. D. Quam gaudeo quories in tales incido, ut ego illos complector libenter. 1. Nec immerito: nam ubi eos docueris, tum demum frueris laboris tui fructu, non sine voluptate maxim. D. Sed nos quid cogitamus? non vides ut nox fere nos oppresserit? 1. Discedamus igitur, & cras (si Dominus permiserit) pluribus verbis agemus vnà de studiis alacriter repetendū.

COLLOQ. XXV. ARGVM.

De moribus adolescentis ingenui tam absente patre, quam praesente. De quinto Decalogi praecepto. Locutus Pauli de honore liberorum erga parentes. EXEMPLVM simulatae repugnantiae ad eliciendum colloquium.

RVFINVS. SILVESTER.

Pater tuus (ut accepi) rediit à Gallia. S. Rediit sanè. R. Quando? S. Die luna vesperi. R. Aduentus eius non tibi molestus fuit? S. Quid, molestus? immò verò iucundissimus. sed cur istud rogas? R. Quia forsitan illo absente liberius viuendi tibi est potestas. S. Nescio quam mihi libertatem narres. R. Potandi, ludendi, cursitandi. S. An igitur putas me nihil aliud agere dum pater abest? R. Ferè solent omnes. S. Dissoluti quidè. Nam, quod ad me attinet, absente patre sic viuo, ut eo praesente. Nō poto, sed bibo quantum satis est: ludo cum tempus postulat: non discuro, sed cum bona matris venia in publicum prodeò; cum aliquid habeo negotij. R. Etiamne matri tantopere subditus es? S. Aequè ac patri. quid enim putas? nōne de utroque aequale est praeceptum Domini? Honora (inquit) patrem tuum, & matrem tuam. Quid Ethnicus ille auctor distichorum moralium? Dilige non egra caros pietate parentes: Nec matrem offendas, dum vis bonus esse parenti. Quid Diuus Paulus? Filij, obedite (inquit) parentibus

bus in Domino. Nōne parentis nomine pater, & mater continentur? Quinetiam si quod esset reuerentia discrimen, videremur optimo iure plus debere matribus, vt quæ dolores tantos ac labores propter nos pertulerunt. R. Noui ego ista: & quæ dixisti placent mihi omnia. S. Cur ergo mihi repugnabas? R. Vt ea quasi repugnantia, nobis accerferem sermonis materiam. Nam (vt tute nosti) præceptor sæpe nos exhortatur, vt nostrum otium in eiusmodi sermonibus impendamus. S. Bonum sanè otium, quod honesto in negotio consumitur. R. Huc pertinet illud Africani apophthegma; qui dicebat, Se nūquam minus otiosum esse, quàm cum otiosus esset, vt ex Cicerone didicimus. S. Sed iam tempus monet vt huic sermoni finem imponamus. R. Rectè mones. fortasse enim tua causa cæna tardatur domi. S. Plura (si Dominus permiserit) in proximo congressu. R. Precor tibi noctem prosperam. S. Et ego tibi placidam per membra quietem.

COLLOQ. XXVI. ARGVM.

De negligentia quidam admonetur. Admonitio ad somniculosos. Præceptorum moralium vsus. Quotidie proficiendum. Vitiâ naturalia. Armis spiritualibus pugnandum cum vitiis.

NOMENCLATOR. DESIDERIVS.

Non satis mirari possum te non esse diligentiorē. D. Quæ in re tibi videor negligens? N. Quod manè ferè nunquam ades in tēpore: atq. inde fit, vt penè quotidie noteris in catalogo. Cur tu es adeo somniculosus? D. Mea sic fert natura. N. Corrige naturā istā, hoc est, naturā vitiū. quid tibi profuit Catonis nostri dictum? D. Quod-nam quæso? N. Plus vigila semper: nec somno. D. Ne plura: ego probè memini. N. Nihil prodest meminisse; nisi ad vsū tuum accommodes. D. Vtinam & hoc, & alia præcepta salubria tam faciliè ad bene viuendi vsū transferremus, quàm ea faciliè ediscimus. N. Vt verum fatear, præcipere quàm præstare multo est facilius. Sed tamen eniti debemus, vt vel monitis, vel precibus proficiamus aliquid, & in dies euadamus

damus meliores. D. Qui id non facit, eius salus desperanda est: sed nihil difficilius emendatur, quam naturale vitium. N. Omnia ferè vitia nobis sunt naturalia: & nisi Dei bonitas seruaret nos, essemus omnes sceleratissimi. D. Quid igitur faciendum? N. Fortiter cum vitiis nostris pugnandum est. D. Quo duce? N. Ipso Deo. D. Quibus armis? N. Diuinis & spiritualibus. D. Vbi tandem inueniuntur? N. In epistola sancti Pauli ad Ephesios. D. Quoto capite? N. Sexto. D. Quid si locum per me non intellexero? N. Non omnino intelliges, satis scio: sed praeceptor erit consulendus. D. Quid si mecum adsueris? N. Adesse volo; certum est: verum captanda erit opportunitas. D. De hoc igitur aliàs consilium capiemus. N. Quando istud erit? D. Proximo die Mercurij; si tibi ita videtur. N. Quota hora? D. Post meridiem prima. N. Placet sententia. D. Nunc igitur discedamus.

COLLOQ. XXVII. ARGVM.

Non est malum malo, sed bono malum compensandum.

TRAPEZITA. RÆMVNDVS.

Licet-ne malum malo rependere? R. Cur istud quaris? T. Ut eis respondere possim, qui hac in re mihi contradicunt. R. Breuiter interrogasti; respondeo breuissimè: non licet. T. Cur non? R. Quia vetuit Christus, & post eum Apostoli. T. Quid igitur faciendum est? R. Malum bono compensandum. T. An non satis est bonum bono rependere? R. Non satis, Christiano quidem. T. Quamobrem? R. Nam Christianum oportet Christum praeceptorem imitari. T. Quid fecit Christus in eo genere? R. Sanauit eum qui ipsi colaphum infregerat; precatus est pro iis qui ipsum in crucem sustulerant: alia item multa fecit eiusmodi. T. Nihil-ne igitur facit qui gratiam pro gratia rependit? R. Tantum facit quantum faciunt Ethnici. T. Quid illi faciunt? R. Amicos diligunt, & referant gratiam à quibus acceperunt. T. Nihil-ne amplius? R. Nihil. Nam quid amplius expectes ab aliis, qui verum Deum non nouerunt? T. Quid faciunt inimi-

inimicis? R. *Quibuscumque modis possunt, eos persequuntur.*
 T. Est-ne Christiano peccatum? R. Si non licet, (vt iam tibi probaui) conclude, id peccatum esse. T. Atqui (vt vulgò dicitur) vim vi repellere licet. Quam sententiam nouus quidam poëta etiam latius interpretatus est his verbis,

Pellere vim vi iura sinunt, & vulnere vulnūs.

Quid ad hoc respondes? R. Istud quidein permittunt Ethnicorū leges: sed lex diuina longe aliter loquitur. T. Quid est diuina Lex? R. Idem quod Dei verbum. T. Quicquid ergo sit cōtra Dei verbum, est-ne peccatū? R. Proculdubio peccatum est. T. Potēst-ne istā probare ex diuinis litteris? R. Nihil facilius: quidni possim? T. Adfer mihi (quæso) sentētiās. R. Non credis id quod est omnibus in confesso? T. Immo verò indubitanter credo. R. Quid igitur opus est testimonii? T. Vt contradicentibus cerid respondere possim. R. Rectē intelligis: sed quia non posses ex tempore memoriā mandare, exspecta dū tibi describam in chartula, in qua etiam sit locorū annotatio; vt possis, quibus voles, etiam digito demonstrare. T. Optimum ex tempore consiliū, quanto istuc mihi commodius fuerit? sic enim per otium ediscam, vt ad manum habeam quoties erit opus. Sed quando mihi dabis? R. Cras si libet) huc ad me reuertere. T. Quota hora? R. A meridie prima. T. Sat habeo: interea vale. R. Te seruet Dominus Deus.

COLLOQ. XXVIII. ARGVMENT.

Simulatione quadam hic quæsitum est colloquendi argumentum. Lex scholastica, ne pueriles suas alienare audeant. Christi exemplo aduersa ferenda propter ipsum. Nisi diuini Spiritus auxillo, nihil fieri potest boni: precibus autem illud est impetrandum.

GRIMONDVS. BLEVETVS.

VIs emere hoc cingulum? B. Cur emerem? vñum mihi satū est: tu verò cur vis vèdere? G. Quia sunt mihi duo. B. Nec tamen licet vt vendas, nisi vis in pœnam incurrere. G. Quid vètat me vendere res meas? B. Nihil adhuc tuum habes. G. Eho,

& nihil?

nihil? unde probas istud? B. Quia nondum es tui iuris; sed sub patriæ potestate: denique vis audire breuiter tibi istud non lice-re? G. Maximè velim. B. De hoc lex est scholastica: cuius hac est sententia, Pueri, iniussu parentum, nec vendant aliquid, nec emant, nec permutent, nec alienent quouis alio modo. Qui contra fecerit, verberibus plectetur. G. Istud ego non ignorabam; sed volebam periculum facere, an constans esses in obseruandis legibus. B. Tu igitur es simulator. G. In hac simulatione nihil video esse mali. num tu interpretaris malè? B. Minimè verò: nihil enim nocuisti mihi. G. Quid si nocuissem? B. Tulissem a quo animo; vt Christianum decet. G. Vtinam aduersa omnia sic feramus propter Christum, qui nihil non tulit salutis nostræ causa. B. Fere-mus certe, si exemplum eius semper nobis proponamus ob oculos. G. Difficile id quidem est. B. Immo impossibile, nisi illius Spi-ritu semper adiueamur: quod quidem assiduis precibus est impetrandum. G. O quam suauis sermone tantillum otij con-sumpsimus!

COLLOQVII XXIX. ARGUMENT.

Non est mentiendū, ne in rebus quidem leuioribus, apud Deum.

SARTOR. ODETUS.

ECquid hodie precatus es domi? O. Cur quæris istud? s. Quia non interfuisti matutinæ precationi. O. Quis scis? s. Obser-uaui. O. Atqui tu non es obseruator. s. Non sum. O. Quam-obrem igitur obseruabās? s. Quia mihi es carissimus. O. Quid tum? s. Dolebit mihi, si vapulabis. O. Quid? an ego notatus fui? s. Etiam, dubitas? O. Cum recitaretur catalogus, nemo me excusauit? s. Nemo, quod sci. m. O. Si me tantopere amas, (vt dicis) cur tute non excusasti me? s. Quid causa dixissem? O. Commentus esses aliquid. s. Ergo mentitus essem. O. Quid inde? s. Sed ex verbo Dei meminisse vetitum est. O. Fateor: sed erat leue mendacium. s. Nihil leue iudicandum est quo Deus offenditur. O. Negare istud non possum. Quid igitur restat? s. illud

illud restat, vt neque delectemur peccatis, neque in his persistamus, neque malitiosè, scienter, & de industria peccatum committamus: Sed de his aliàs pluribus: nunc agamus quod instat. O. Quid istud est? s. Audin' tu ad cœnam signum dari? O. Bonum signum nuncias: iam sentiebam esuriem. s. Nimirum, quia merendam pratermisisti. O. Vtinam ea tam facile semper abstinere possem, quàm hodie carui libenter. s. Ego verò non libenter careo, nisi occupatus necessario negotio.

COLLOQ. XXX. ARGV M.

Confabulario de profectionis in Italiam causa. Locorum fama & rerum nouarum cupiditas nos inducunt ad peregrinandum. Laus Italiæ: vini Italici præstantia. Dei laudandi materia ex eius beneficiis. Amavit nos Deus vsque ad delicias. Humanæ cogitationes nos à diuinis rebus auocant. Humana inconstantia. Roma olim mundi caput dicta, & postea ac nunc veræ fidei & sanctæ religionis magistra.

PHRYGIO. STEPHANVS.

Salue ambulator optatissime. s. Et tu saluus sis cessator occupatissime. p. Satis-ne rectè vales mi Stephane? s. In: mo rectissime, quæ est Dei optimi maximi benignitas. p. Equidem ex animo gaudeo: tibi que vehementer gratulor reditum istum incolumem. Vbi fuisti hoc toto anno? s. In Italia. p. Quam ob causam animum induxeras illuc proficisci? s. Ob famam regionis; de qua tam multa vbique prædicantur. Nec ignoras quàm simus rerum nouarum cupidi. p. Sic est natura comparatum: sed quid illic inuenisti? s. Certè multo plura quàm ex fama audiueram. Nam quod ad regionem attinet, terra est longè fertilissima, omni optimorum fructuum genere valde abundans, præcipuè vino præstantissimo. p. Scilicet ea potissimum res tibi arridebat. s. Vt verum fatear, mirè afficiebat palatum. Nam quale dicas hoc nostrum vinum esse? villum verè dicas, si cum illo compares. p. Inde ergo tibi se offerebat pulchrum Dei laudandi argumentum. s. Pulcherrimum: sic enim sæpe cogitabam, Quàm

bonus es Domine Deus, qui nos amauiſti vsque ad delicias! non enim solum ea creasti nobis ad victum, qua terra sponte sua producit; sed etiam tot genera rerum delicatissimarum: qua si moderate sumamus, & cum gratiarum actione, & corpus suauissime nutriunt, & ipsum animum mirifice exhilarant. O quibus verbis, quibus operibus satis digne glorificemus nomen tuum Domine! Denique sic afficiebar animo, vt nihil magis cuperem, quam diuinas laudes semper in ore habere: sed (pro dolor!) aliis atque aliis subinde conceptis cogitationibus, ignis ille paulatim exstinguebatur. P. Istud apud me non est nouum: nam saepe tale quid mihi solet accidere. S. Ea est natura nostrae inconstantia. Horis fere omnibus istud experimur. Sed quid tandem egisti in tua Italia? S. Inuisi animi gratia aliquot vrbes celebriores: alicubi etiam studui aliquamdiu. P. Quas vrbes inuisti potissimum? S. Multas quidem vidi in transitu: sed paucas contemplatus sum otiosius, nimirum Genuam, Florentiam, Venetias, denique Romam illam, qua olim mundi caput dicebatur, & postea ac nunc vera fidei, & sanctae religionis omnium magistra. P. Sed in quibus tandem opidis commoratus es studiorum gratia? S. Roma rediens transiui Bononia, Patavio, Mediolano. In eorum opidorum singulis menses circiter tres versatus sum in vario litterarum genere: Volui enim e singulis paucula quasi degustare. P. Quid autem vidisti noui in tot celeberrimis opidis? S. Rogas? fere omnia mihi noua videbantur: sed longum foret omnia tibi narrare; praesertim nunc, cum mihi est aliquod propterandum. P. Quod tandem? S. Ad patrum, qui me ad eam inuitauit. P. Nolo igitur te remorari diutius: sed quando licebit nobis magis otiose confabulari? S. Cras a prandio, si volueris. P. Ego vero id percipio. S. Ad horam igitur primam expecta me in cubiculo. P. Fiet: hora est ad merendam opportuna.

COLLOQ. XXXI. ARGVM.

Officia domestici apud ludimagistruum hypodidascali.

MAGI-

MAGISTER. HYPODIDASCALVS.

Quid? quod hisce diebus inter nos egeramus, satis-ne cogitasti? H. Etiam atque etiam cogitavi. M. Ecquid placet tibi condicio quam obtuli? H. Maximè. M. Quid mensa, seu conuictus? H. Nihil in ea re desidero. M. Quid restat igitur? H. Ut (si tibi non molestum est) prescribas mihi, quas operas à me tibi prestari velis. M. Id verè est exquisitum. Accipe igitur precipua officij tui capita: quorum hoc primum est.

Quotidie manè diligenter curare, ut omnes domestici mei discipuli maturè cubitu surgant, pro ratione temporis tum hiberni, tum aestiui. ubi surrexerint, ea curem quæ ad cultum & munditiem corporis pertinent: postremò, ut adsint priuata nostra precationi.

Secundum, ter quotidie in aulam deducere, manè scilicet, & ante horam vndecimam, ac tertiam pomeridianam. Illic (nisi egomet adero) expectare donec aliquis ex doctoribus adfuerit: interea curare recitandos catalogos, & precationem dicendam. Item obseruare sedulo, num quis ex ipsis doctoribus absit ab auditorio suo: si quis aberit, mihi statim renunciare, aut eius partes agere.

Tertium, manere cum pueris domesticis, quoties non docentur in scholis suis: interea minores ad lectionem, & scripturam instituere, caterorùmque repetitiones audire (quantum tempus, & opportunitas patietur) omnes denique in officio retinere, admonere, arguere, obiurgare, virgis etiam, ubi opus fuerit, castigare.

Quartum, feriatis diebus eos ad templum, ut deuotè missam, & attentè sacras conciones audiant, ordine deducere, ac domum similiter reducere.

Quintum, quoties ludere permissum erit, subinde obseruare nequid prater officium, & bonos mores vel factis, vel dictis admittat.

Sextum, suppeditare illis ex pecunia quam tibi in manus

K 3 dabo,

dabo, chartam, pennas, atramentum, & alia quadam, dumtaxat parui pretij, necessaria: eaque omnia in expensorum codicem referre. Id autem Mercurij & Sabbathi potissimum diebus fieri solet.

Septimum, quæ ad eorum libros, vestimenta, & curam corporis pertinebunt, non negligere. hoc est, interdum ab illis librorum, & vestimentorum rationem exigere, valetudinis, & cultus corporis rationem habere, & alia eiusmodi in pueris, præsertim minoribus curanda, & obseruanda.

Octauum, docere pueros cum in classe mea, tum in cæteris, præter tres superiores; si quando necessitas postulabit.

Nonum, interdum (si opus fuerit) me & domi & foris in priuatis negotiis adiuuare.

Hactenus audisti quæ mihi abs te præstari velim officia, quæq; etiam ab aliis domesticis hypodidascalis exigere soleam. Eorum tamen omnium non adeò seuerus exactor fuero, quin ipse, quoties per otium licebit, aliqua tibi remittam, in quibus ego quasi vicarij partes agam. Intellexisti hæc omnia? H. Ego verò diligenter omnia: sed vnum te oro; vt ad memoriam reuocandam, des mihi eorum commentariolum, & simul cogitandi, ac deliberandi spatium. M. Quantum temporis postulas? H. Dicmi vnum naturalem. M. Ego verò duos integros dabo. Interea (vt cœpisti) nullo tuo sumptu nobis perges conuiuere, & commorari tam liberè, quàm si esses domi tuæ. H. Istud non sine humanitate facis: quo fit, vt maiori beneficio me deuincias. M. Habebis à præudio quod requiris commentarium, quàm primum mea tibi manu conscripsero. H. Quid si mihi dictares? M. Malim egomet scribere; nequid sortè inter dictandum excidat. H. vt liber.

COLLOQ. XXXII. ARGVM.

Studiosus quidam adolescens apud familiarem conqueritur de habitationis suæ incommoditate ad litterarum studia. Cupit in ædibus scholasticis habitare. Narrat cur non liceat. Accenditur à con-

à condiscipulo. Consultant vnà de ineunda ratione ad rem perficiendam. Consilium proponit amicus, docetque exequendi modum. Hortatur ad Deum inuocandum. Rarò bonum consilium, nisi iuuante Deo. Deus qui dat consilium bonum, dat etiam effectum. **EXEMPLVM** quale est suprà in colloquio huius libri tertio & vicesimo.

QVÆSTOR. BENIGNVS.

QUàm doleo me non interfuisse manè repetitioni vestra! **B.** Cur non venisti in ludum citius, vt serè soles? **Q.** Me miserum, non surrexi in tempore. **B.** Quamobrem? **Q.** Quia nemo me expergescit. **B.** Quis te solet excitare? **Q.** Hospes noster, auribus ancilla: sed absente illo, ancilla sepe obliuiscitur, aut certè negligit. **B.** Vbi erat hospes? **Q.** Sub auroram prodierat ad sua negotia, vt postea resciiui. **B.** Quid hospita? nihil-ne curat? **Q.** Quid putas eam curare? quotidie ex quo surrexit, semper intentata est partim curandis filiolis, partim ceteris domesticis rebus. **B.** Nullòs-ne habes contubernales scholasticos? **Q.** Prorsus nullos. **B.** Ab puer infelix, qui neminem habes quocumque de studiis conseras! **Q.** Ob eam rem mea est miserrima condicio, quantum ego iudico. Non enim possum arbitrio meo studere, propter tantam mercatorum turbam, qui domum illam frequentant, & mihi toto die obstrepunt. **B.** Non habes tibi cubiculum? **Q.** Quid mihi prodest habere? est enim ita coniunctū gradibus & cochli-di, vt ne felis quidem descendat aut ascendat, quin feriat aures meas aliquis strepitus. **B.** Magna profectò molestia. **Q.** Illa verò multo maior; quòd supra meum cubiculum est amplissimum conclaue, vbi merces asseruantur. Vnde fit, vt horis omnibus aliqua graues sarcina vel importentur, vel exportentur. **B.** O Deum immortalē! quomodo illic potes viuere? **Q.** Quid ais, viuere? equidem non uiuo, sed langueo potius: neque vnquam mihi videor esse liber, nisi cum sum in schola tecum vnà, & cum ceteris nostris condiscipulis. **B.** Quàm doleo vicem tuam! **Q.** Vtinam liceret mihi tecum habitare in his ædibus scholasticis? **E.**

Nihil esset mihi iucundius. sed quid impedit? Q. Patris vetus amicitia cum illo hospite meo. B. Deberes paterem admonere de studiorum tuorum incommodis. Q. Sape quidem monui & coram, & per litteras. B. Quid ille respondet? Q. Frustrà monetur; quasi surdo narratur fabula. B. Quid ita? Q. Quia nunquam in discendi ludo versatus est: ideòq. in studiorum ratione nihil intelligit. B. Ego tamen, si mea res ageretur, omnem mouerem lapidem, ut voti compos efficerer. Q. Quid, si praeceptor ipse ad patrem meum scriberet? B. Nunquam istud illi persuaderes. Q. Cur non? B. Quia non vult ambire quæpiam, ut discipulorum turbam sibi comparet. Abhorret enim ab omni tum ambitione, tum auaritia. Q. Quid igitur mihi faciendum suades? B. Vnicum habeo consilium. Q. Ne mihi, obsecro, reticeas. B. Ea res per amicos tentanda est. Q. Idem mihi quoque aliquando in mentem venerat, sed nunquam ausus sum experiri. E. Quid dubitas? Q. Vereor ut hoc parum succedat. B. Rei exitus est in manu Domini. sed quid tentare nocebit? Q. Tentemus sanè. Nihil enim mali (ut confido) inde potest accidere. At ego nescio, qua ratione hic utendum sit. B. Dic mihi, non expectas ut breui pater in hanc urbem veniat? Q. Spero venturum propediem. B. Quando igitur? Q. Ad calendis Quintiles. B. Optimè est. Scin' igitur, quid sit opus factò? Q. Doce quaeso. B. Fac singulatim conuenias duos aut tres ex paternis amicis præcipuus, qui sint viri graues, & honorati: nempe ut plus valeat eorum auctoritas apud patrem tuum. Q. Bene mones. quid illis dicam? B. Narrabis diligenter omnes incommoditates studiorum tuorum. Q. Nihil-ne amplius? B. Docebis insuper quonam modo tibi prouideri possit, ut tempus redimas, quod apud istum hospitem tam miserè hactenus perdidisti: quòd nisi eo remedio tibi maturè consulta ur, actum esse de tuis studiis, & eorum progressu. Denique ne antè destiteris monere, orare, obsecrare, donec persuaferis, ut tibi promittant se acturos esse seriò cum patre tuo negotium.

gotium. Q. Quid si recusabunt? B. Vix fieri potest vt recusent omnes. Q. Non est verisimile; præsertim cùm sint mei amantissimi; & mihi patris nomine gratificentur adeo libenter. B. Adhac, res ipsa vrgebit eos, nempe tanta studiorum tuorum iactura. Q. Pluribus verbis opus non est. Auxilio Dei fretus aggrediar primo quoque tempore. s. Sed interim memor esto, vt in diuinis preces die nocteque incumbas. Q. Ipso volente Deo, id curabo pro viribus. Satis enim scio nullum consilium mihi esse profuturum, nisi quoad ille iuuerit. B. Sed iam tempus est vt domum te recipias; ne forte hospes offendatur. quid cessas? Q. Cogito nequid prætermiserim de quo esses admonendus. B. Siquid alterutri nostrum præterea occurrerit, cras otiosè tractabimus. Q. Vale igitur mi Benigne: & perge, quæso, me tuis precibus adiuuare, quemadmodum iuisti optimo consilio. B. A Domino Deo profecta sunt omnia, qui vt consilium dedit, sic dabit effectum. Q. Ita fore confide, Iterum vale. B. Vale Quæstor suauissime.

COLLOQVII XXXIII. ARGVMENT.

Simulata oratione quidam condiscipulum familiariter obiurgat, quod pecuniam à patre non petierit. Condiscipuli super ea re prudens responsum. Oblata occasio non est negligenda. Locus ex distichis moralibus. Natura tenacissimi sumus eorum quæ rudibus annis percepimus. Beneficiorum diuinorum agnitio. Iocari & irridere. Patrum prudentia in suppeditando filiis quæ opus sunt. Pueri tractandæ pecuniæ minimè sunt idonei. Improbi pueri neque obiurgationibus, neque flagris mouentur. Omnis boni laus præcipuè soli debetur Deo. Fallendi consilium nemo dare debet. Simulatio vultu tegitur. Honestæ confabulationes in otio vtilis sunt. Latina lingua quibus adiuuentis potissimùm comparatur.

ATHANASIVS. BENIAMINVS.

Siccine me insciente abiit pater tuus, vt mihi non licuerit eum sconuenire? B. Cur à prandio non venisti in diuersorium eius? A. Quia putabam tantum cras illum esse discessurum. B. Ego quoque idem arbitrabar: sed noluit occasionem prætermittere

mittere quæ se ex tempore obtulerat. A. Adhuc ille meminit
Catonis distichon illud,

Quamprimum rapienda tibi est occasio prima:

Ne rursus queras quæ iam neglexeris antè.

B. Illud opusculum sic memoria tenet, ut in eo videatur atatem
contrinxisse. A. Vide quanta vis sit memoria in iis quæ rudibus
annis didicimus. B. Ea est Quintiliani super hac re sententia:

cuius verba, ut opinor, meministi. A. Memini: sed (ut ad rō) quæ
fuit patri occasio, ut ante discesserit quàm instituerat? B. Qui-

dam Lugdunenses quibus-cum ad mercatum huc venerat. A.
Aderas-ne, cum profectus est? B. Præstolabar illum in diuerso-

rio. A. Unde scieras mutasse consilium de profectioe? B. Eram
in prandio, cum inter ipsos conuenerat, ut expediti quibusdam

reliquis in vrbe negotiis, equos sub horam secundam conscende-

rent. A. Quod superest, satis-ne ex animi sententia rem suam
fecit? B. Ita feliciter, ut mox ob eam rem ad diuinas laudes vehe-

menter hortatus fuerit. A. Tu nunc igitur, opinor, bene numa-

tus redus. B. Me-ne rides? A. Cur ego id facerem? B. Pro tua
libidine. A. Quasi verò animi gratia soleam irridere ceteros. B.

Atqui ita putabam. A. Longè aberrabas. Nam aliud est ioca-

ri, aliud irridere. Alterum caret vitio, est-que inter amicos sa-

tis frequens: alterum est vitiosum, atque odio dignum, ut po-

te quod ex contemptu ferè proficiscitur. B. Ignosce igitur mihi.

A. Non grauis est culpa. Sed dic, rogo, nihil tibi pecunia dedit
pater? B. Ne petiui quidem. A. Tamen sponte dedit. B. Ali-

quantulum. A. Quantum igitur? B. Perpusillum. A. Dic, sodes.
B. Cur tam auide inquiris? A. Ut amicorum more tibi gratu-

ler. B. Nihil est gratulatione dignum. A. Fatere tandem quid sit.
B. Soli asses quinque. A. Hui tantillum! O stulte qui non pe-

tieris duos, aut tres decusses argenteos! B. Non ausus sum. A.
Quid verebare? B. Ut planè denegaret, atque agrè ferret quòd
petirem. A. Nunquam id fecisset, modò petendi causam addi-

disses,

diffes. B. Credo equidem. sed quid causæ attulisset? A. Rogas? nonne sunt res sexcentæ, quibus indiget vsus scholasticus? B. Multæ sunt, fateor. A. Tu verò adeo-ne abundas rebus omnibus, vt tibi desit nihil? B. Immò desunt plurima, sed quibus facile caream. Præterea satis nouit pater quæ mihi opus sint tum studiorum causa, tum ad victum, cultumque corporis. A. Nouit quidem, sed alia multa sunt illi & curanda, & cogitanda. B. Credo esse illi præcipuam liberorum curam. A. Sed nimis ab eo remotus es. B. Sine me peruenire quò volo. A. Agè, sino. B. Nouit etiam pater me nondum esse idoneum ad rectè tractandam pecuniam. A. Cur non? an tu ad eam rem non satis ætatis habes, atque prudentia? B. Istinc absum longissimè. Itaque pater dedit præceptori in mandatis, vt omnia mihi suppeditet ad vsus vitæ, studiorumque necessarios, ad quam rem prabet illi quantum satis est pecunia. A. Eslo. B. Ergo siquid à patre peterem, me statim ad præceptorem remitteret: fortassis etiam irasceretur, & me grauius obiurgaret. A. Facile est obiurgationem patris, modò ne sequanter verbera. B. Facile est, credo, sed iis dumtaxat, quos neque pudor mouet, neque vlla parentum reuerentia. Ego autem ipsa verbera ferre nullo, quàm patris irati obiurgationem. Ex quo fit, vt sedulo caueam nequid illi præbeam causæ ad irascendum. Id enim sub quinto præcepto diuine legis continetur. A. Facis vt pium decet adolescentem. B. Eius rei laus non mihi, sed soli Deo tribuenda est. A. Nempe à quo profisciscitur quicquid nobis inest boni. B. Faxit ille, vt quæ bona inspirat nobis, ea sequamur animo promptissimo. Sed vt ad te redeam; serio ne reprehendebas quòd nullam pecuniam à patre rogassem? A. An ego te vellem ad fallendum patrem inducere? B. Mihi quidem non fit verisimile: me tamen ipsum fefellisti. A. Quomodo? B. Quia serio loqui videbaris: aded aptè vultum verbis ipsis accommodabas. A. Sed quid censes de hac nostra confabulatione? B. Argumentum satis aptum dedisti nobis

his in hoc otio nostro vespertino. A. Ecquid habuit sermo noster quod reprehendisset observator, si sortè (vt solet) nos observasset ex insidiis? B. Nihil, vt opinor. A. Profectò verum est quod saepe nobis praeceptor inculcat. B. Quid illud est? A. Latine linguae copiam & facultatem comparari his potissimum rebus, saepe scribendo, confabulando, legendis auctoribus, Gallica vel Flandrica Latine, aut Latina Gallicè vel Flandricè conuertendo. B. Ergo his rebus diligenter nos exerceamus, adiutore Domino Deo, in cuius manu sita sunt studia nostra omnia. A. Idem faxit vt eius erga nos beneficia vero cultu dignisque laudibus perpetuò celebremus. B. Hoc opus, hoc studium parui properemus & ampli. Hac sit votorum summa suprema precor, A. Sed audi horologium. B. Nos opportunè admonet: itaque desistamus. A. Alioqui solis occasus nos hic opprimet.

COLLOQ. XXXIIII. ARGVM.

Tres pueri paedagogum suum quasi de improviso adeunt: suam quisque pronunciat sententiam, vt ipsos ducat ambulatum: ille concedit libenter. Sic studiosos pueros tractare decet, vt sint ad suum munus obeundum alacriores.

HONORATVS. VIVIANVS.

PRATENSIS. PÆDAGOGVS.

Q*uod caret alterna requie, durable non est:*

Hac reparat vires, fessaque membra nouat. Ouidius.

V. Nec me offenderit lusus in pueris: est & hoc alacritatis signum. Quintilianus.

P R. Nulla res est qua perferre possit continuum laborem. Quintilianus.

P Æ. Video quorsum spectent ista; nimirum vt vos ambulatum ducam: sed eandem cantilenam semper ferè recantatis; vt solent vestra auicula. H. Quid ergo vis dicamus, praeceptor? P Æ. Dicite posthac suam quisque sententiam ex Cicerone. V. Euge, nihil erit nobis facilius, habemus enim in promptu multam earum copiam.

copiam. Vis ergo praeceptor, ut iam nunc incipiamus? P. A. Sanè velim: quando (ut ais) tanta est vobis copia. V. Quis incipiet? P. A. Tu Honorate, vis honoris tui causa huius rei specimen edere? H. Id ego libenter faciam, sed Dei honoris causa. P. A. Lau- do istud verbum. Diuinus enim honor, & gloria omnibus in re- bus est praeferenda. Eia, incipe, siquid habes.

H. Nihil est virtute formosius, nihil pulchrius, nihil amabilius. V. Difficile est mutare animum; & si quid est penitus insitum moribus, id subito euellere.

P. R. Non sunt imitandi mali medici, qui in alienis morbis profi- tentur se tenere medicinae scientiam, ipsi se curare non possunt.

P. A. Euge bonum specimen: videte ut progressus respondeat hoc est, ut pergatis in posterum diligenter. H. Qui nobis princi- -pium dedit, dabit idem successus prosperos. P. A. Ita sperandum est. Parate vos, ut prodire maturemus. H. Mox aderimus pa- ratissimi. P. A. Sumite suum quisque pallium, ut prodeatis ho- nestius. Sed heus pueri. P. R. Quid vis praeceptor? P. A. Videte, ut musicos libros etiam adferatis: alicubi in vmbra cantabimus. P. R. Ita fiet ambulatio nostra iucundior.

COLLOQ. XXXV. ARGVMENTVM.

In vacatione scholastica studiosi adolescentes libenter quidem re- laxant animos, non tamen omnino cessant, nec otio illo per ignauiam abutuntur. Fides etiam inimico seruanda. Agendi affectus addit celeritatem. Solus Deus suorum ductor. EXE- M- PLVM studiosis obseruatu dignissimum.

VNCHETVS. MARRELLVS.

F*Visitine hodie in gymnasio? M. Vbi ergo fuisset? tu verò quid agebas? V. Eram domi occupatus. M. Id euenit prater morem tuum; soles enim abesse rarius. V. Quàm possum raris- simè. quid autem actum est? M. Nihil prorsus. V. Ergò ne re- missionem habemus? M. Certò. V. Quamobrem? M. Propter mercatum hodiernum. V. Quis dedit? M. Ludimagister, permis- su tamen Rectoris. V. Quid concessit? M. Vacationem ab omni*
mune-

munere scholastico. v. An in totum diem? M. Amane vsque ad occasum solis: tametsi diligenter, & multis quidem verbis admonuit, vt in otio de negotio cogitaremus; ne cras in ludum veniremus imparati. v. Quid igitur nos? hocce abutemur otio? M. Id verò etatem nostram decet minimè. v. Tu ergo quid parus facere? M. Me recipere in museolam: nisi forte tibi magis placet, vt sesquihoram aliquò prodeamus ambulatum. v. Ego ne recusarem? immo nihil est quod nunc magis velim. nam & nos interea tractabimus aliquem sermonem litterarium, & simul corpus exercebimus. M. Eamus igitur extra muros. v. Quònam? M. Vsque ad ripam lacus. v. Vale, istud mihi arripdet: sed tu (si placet) me expectabis. M. Quamdiu? v. Tantisper dum crepidas eo mutatum calceis. M. Vbi vi expectari? v. Ad portam pratoriam. M. At vide ne me fallas. v. An ego amicum fallerem, cùm sciam etiam inimico seruandam esse fidem? M. Abi, festina: ego, dum te opperior, aliquid interim legam. v. Salue Marelle. M. Quis iste saluator? v. Ecce, redij. N. Ebo! tam citò? mihi videris volasse. v. Nimirum affectus ipse pedibus alas addidit. M. Eamus nunc, ducente Deo. v. Solus Deus est qui suos ducit ac reducit. M. Maturemus, satis longè hinc locus abest. v. Tanto melius prandebeimus: perge.

F I N I S.

Hæc *Maturini Corderij* Colloquia, ex sententia Collegij censorum auctoritate Regia, & Episcopali electione Antuerpiæ constitutorum, Ego D. Henricus Zibertus Dunghen S. T. D. Can. Antuerpien. repurgata esse hac mea subscriptione & subsignatione attestor, & hæc eadem in puerorum vsum ita repurgata denuò imprimi, & legi posse censeo. Datum Antuerpiæ, anno 1577. die 4. Iulij.


D. Henricus Zibertus Dunghen,
lib. cens.











xxxvii
C. 30

X